

San Lucas

1-3 Puh̄toro Teófilo, ah̄rire m̄u buhehti cjihtire m̄uh̄re joarocai nija. Jesu sã mehne jis̄inino to yoari c̄jirire paȳu paina joa d̄uca tuhs̄ure. Wahmanop̄ure Jesure ñ̄aina c̄jiri, to yare buheina c̄jiri ti ni yahuriro seheta paina tíre joa d̄uca tuhs̄ure. ã̄ jic̄u ah̄ri jipih̄tiare noano masi pah̄ño duac̄u buhei. ã̄ jic̄u ȳuh̄u c̄h̄u tíre noano joa duaja m̄u buhehti cjihtire yoac̄u tac̄u. 4 Jesu yare yahuina m̄uh̄re buhe tuhs̄ure. Tíre noano m̄u masi namohto sehe ah̄ri t̄jure m̄uh̄re joarocai nija.

João masare bautisahtiro to masa bajuahtire anjo yahuha

5 Herode Judea yahpa macaina puh̄toro to jich̄u c̄airo sacerdote Zacaria wama t̄ihiro jia tiha. ã̄ jiro Zacaria to ya curua macaina sehe sacerdot̄ea curua Abías c̄jiro ya curua jia. Zacaria namono c̄h̄u sacerdote Aarõ c̄jiro panamañono ji tur̄iaricorop̄u jia. Ticoro Elisabe wama tiricoro jia. 6 Tina puh̄aro Cohamac̄u dutiare noano yoa pah̄ñoina ti jich̄u ñ̄uno, “Ahrina ȳu cahmano seheta ã̄ jia tirucura”, ni ñ̄uha Cohamac̄u tinare. 7 Ticoro Elisabe ne pohna marienicoro jia. ã̄ jia tina puh̄aro ne pohna marieina ji, buc̄una waro jia.

8 ã̄ yoa sacerdot̄ea ti dahraare dahraa taa, ȭ sehe yoaa tiha: Dahra m̄uh̄tari curua c̄jiro pa curua mehne cahma cohtota m̄ajaa tiha. ã̄ jia Zacaria

ya curua macaina dahrahti dachori jichu, tina dachoripe sacerdotea ti dahraa tirucuriro seheta Cohamacu ya wuhuru dahraa taa niha. ⁹ Sacerdotea Cohamacure ti ño payori mesaru inciensore me sitia pohcare jãhtiro cjihtore besea taa, docapea mehne besea tiha. ã yoa ti quihõri dacho jichu Zacaria ya curua macaina me sitiare jãhtirore besea taa docapeha. ã docapea Zacariare beseha. ã jiro tiro purtoro Cohamacu ya wuhuru sãa wahaha me sitiare jũno waharo. ¹⁰ Tí wuhuru tire to jũno watoi jipihtina masa sehe sopacaru Cohamacure sinia tiha. ¹¹ Tí pjare Cohamacu yairo anjo Cohamacure ño payori mesa poto bahuisehei bajuarucu sãha Zacariare. ¹² To ã bajuachu ñũno Zacaria tirore ñu cu yũhũa wahaha. ¹³ To ã cuachu ñũno anjo tirore õ sehe ni yahuha:

—Zacaria, cuii tjiga. Cohamacu mu sinirire tuhore. ã jina mipure musa pohna tinahca. Musu macu cjihto masa bajuarohca. To bajuachu “João” ni wama pisuga tirocãre. ¹⁴⁻¹⁷ “Tiro yu tuaa mehne payu noare yoarucuriro jira”, ni ñũnohca Cohamacu mu macure. Tiro to masa bajuari baharo vinore, sihbiori cãhure sihnisi. ã jiro tiro to masa bajuahto pano Espiritu Santo to niriro sehe yoariro jirohca tiro. Espiritu Santo tiropure sãarucu su tuhsu ã baju yoarucurohca tiro mehne. ã yoa payu Israe masare Cohamacu mari purtorore cahmaeraina cjirire noano cahmachu yoarohca mu macu. Mari purtoro to tahto pano Elia cjiro Cohamacu yare yahu muhtariro to buheriro seheta Espiritu Santo to yoadohoro mehne Cohamacu to tuaa mehne mu macu cãhu

buherohca. Ñ buhero ti pucusuma ti pohna mehne ñano jimarinare ti noano cahma cahĩ jichu yoarohca. Ñ yoa Cohamacure yuhdurucaina cjiri cãhure noano ño payoa mehne yuhtichu yoarohca. Ñ buhero mari puhtoro Cohamacu yaina cjihtire yoarohca tiro. Ñ jicu to masa bajuari baharo mahu wahcheihca. Payu paina cãhu wahcheahca –niha anjo Zacariare.

¹⁸ To ã nichu tuhoro Zacaria sehe õ sehe ni sinituha anjore:

–Sã bucuna jija. ¿Ñ jicu mu niri potocã jichu dohse masicuhcari yuhu? –niha tiro.

¹⁹ To ã nichu anjo sehe tirore õ sehe ni yahuha:

–Yuhu Gabriele wama tiriho jija. Cohamacu cahamacuno to cahai ducuriho jija yuhu. Cohamacu ahri noaa quitire yahu dutiro, mu cahai yuhure warocare. ²⁰ Yu yahuriho seheta potocãta waharohca. Yu ã nipachuta yuhure mahu potocã tuhoerare. Ñ jicu mipure mahu durucu masierariho wahaihca. Mu macu to bajuari baharo durucuihca tjoa –niha anjo Zacariare.

²¹ Sopacapu jiina masa Zacariare cohtaa niha. “¿Dohse jiro baro tiro Cohamacu wuhuru jiro, so wijaa taerajari?” ni, cohtaa niha masa tirore.

²² Tuhsu, tiro wuhuru jiriho wijaa wihi, tina mehne durucu masieraha. “Tiro Cohamacu wuhui bajuare ñano niboca”, ni tuhotu masiha tina. Ñ jiro tiro durucu masierariho jiro to wamomacari mehne yoa cayoha masa ti masihto sehe.

²³ Cohamacu wuhui to dahraa pihtichu, tiro to namono mehne tjuaa wahaha ti wuhuru. ²⁴ Ti ã tju sari baharo to namono Elisabe niji pocoro jiha.

Ã jiro ticoro cinco sãri waro masa cahai wahaeraha. ²⁵ Õ sehe ni tãhotuha ticoro: “Mipure yahure Cohamacu yoadohore juna. Pohna marienicooro jico buobiario yuhdahi yuhu. Cohamacu to yoadohoro mehne mipure nijinocãre bocaia yuhu”, ni tãhotuha ticoro.

Jesu to masa bajuatore yahuha anjo

²⁶⁻²⁷ Elisabe cinco sãri nijj pocoro to ji wahcãchu waro Cohamacu sehe anjore Gabrie wama tirirore nuhmino, ne mua mehne jieraricooro cahapu warocaha. Ticoro María wama tiricooro Nazarei Galilea yahpai jiri macai jia tiha. José wama tiriro jiha to manuno cjihto. Tiro panopu macariro Davi cjiro panamino ji turiariporu jiha. ²⁸ ã to warocachu María cahapu sãro, anjo õ sehe ni yahuha:

—María, ¿jimajari mahu? Cohamacu mahure yoadohoro nina. Mahure noano yoaro nina —niha anjo ticorore.

²⁹ To ã nichu tãhoro, ticoro tuaro wacũ tãhotuha. Anjo to yahurire tãhoturo “¿Dohse nino baro yahure ã nicari?” ni wacũha ticoro. ³⁰ To ã ni tãhotuchu masino anjo õ sehe ni yahu namoha ticorore:

—María, Cohamacu mahure tuaro cahãna. ã jico mahure yu yahuhtire tãho caeco tjiga. ³¹ Noano tãhoga. Cãiro nijinocãre pohna ticohca mahu. Tirocã to masa bajuari baharo, “Jesu” ni wama pisucohca mahu tirocãre. ³²⁻³³ Tiro tua yuhdãariro jirohca. ã jia tirore “Cohamacu Jipihtina Bui Jiro macunota jira”, ni masiahca masa. Mu macu ñchuno mananopu Davi cjiro Israe masa

ti puhtoro to jia tiriho cjiro seheta mu macu cjihto cãhure cãnohca Cohamacu. ã jiro jipihtia dachoripe tiro Israe masare dutirohca. Puhtoro to jihto ne pihtisi –niha anjo.

³⁴ To ã nichu tãhoro María sehe õ sehe ni sinituha:

–¿Dohse yuhu manu mariapacohta pohna tibocari yuhu? –niha ticoro.

³⁵ To ã nichu tãhoro anjo õ sehe ni yuhtiha:

–Espíritu Santo to tuaa mehne muhure nijinocãre bocachu yoarohca. ã jiro Cohamacu Jipihitina Bui Jiriho to tuaa muhure to masurca caharo seheta bajuaeraparota tarohca muhure. ã jia “Cohamacu macno, ñaa buhiri tia marieriro jira”, niahca masa mu macure. ³⁶⁻³⁷ Cohamacu jipihtiare yoa masina. ã jiro mu coyeacoro Elisabe cãhu bucuro waro jiparota mipure niji pocoro jira ticoro. Ticoro pohna tirohca munocãre. Masa ticorore “Nijinocã boca masienicoro jira”, ti niriho cjiro mipure nijinocãre to bocari baharo seis sãri waro wahara –niha anjo Mariare.

³⁸ To ã nichu María õ sehe ni yuhtiha:

–Yuhure tãhoga. Mari puhtoro to cahamacono jija yuhu. Mu niriho seheta yuhure ã wahajaro –niha ticoro.

To ã niri baharo anjo wahaa wahaha.

María Elisabere ñno wahaha

³⁹ To ã niri baharo María tãyucari jiri yahpamu Judea yahpai jiri macamu ño duaro wahaa wahaha. ⁴⁰ Tõpuru sãro, Zacaria ya wuhupuru sãano, “¿Jimajari?”, niha ticoro Elisabere. ⁴¹ To ã nichu Elisabe to tãhochuta, to macno sehe niji suhtiorpu

jiirocã ñuhmiha. Elisabe Espiritu Santo to dutihiro seheta yoa pahñoricoro jiro, to tuaare cjuaricoro jiha. ⁴² ã jiro tuaro wahchea mehne ticoro bisiro durucuha:

—Jipihtia numia yuhdoro mũhũre noano yoahre Cohamacũ. Mũ macũ cãhũre noano yoahre Cohamacũ. ⁴³ Cue, yũ puhtoro pocoro yũ cahai mũ tachũ noano yoara yuhũre Cohamacũ. ⁴⁴ Mũ yuhũre “¿Jimajari?” mũ nichũ yũ macũ sehe niji suhtiropũ jiirocã wahchea mehne ñuhmihti yuhũre. ⁴⁵ Cohamacũ to niro seheta yoarohca. ã jico to yahure tuhoricoro jico wahchericoro jira mũhũ —niha Elisabe Maríare.

⁴⁶ To ã nichũ María õ sehe ni yũhtiha:

“ ‘Cohamacũ noariro, tuariro jira’, nija. Yuhũ noano yajeripohna tija.

⁴⁷ Cohamacũ yuhũre pichacapũ wahaboricorore yoadohoriro jira.

ã jiro mipũre yuhũre noano wahchea mehne jichũ yoara.

⁴⁸⁻⁴⁹ Tiro yuhũre to cahamaconore wacũri jira. Cohamacũ tua yuhdũariro noaa dihtare yuhũre yoadohohre.

ã jia mipũre ‘Ticorore Cohamacũ noano yoahre’, jipihtina masa ã ni, durucuahca yuhũre.

Cohamacũ ñaa marieriro jira.

⁵⁰ Jipihtia dachoripe jipihtina tirore ño payoinare tiro pja ñũriro jira.

⁵¹ Cohamacũ to tuaa mehne yoaha. ‘Painare yuhdũrũcaja’, niinare yuhdũrũcaha tiro.

⁵² Puhtoare cohãha tiro. ã jiro cahamaca sehere tiro puhtoã yoaro seheta cũha tinare.

53 Jucá baaina cjrيره tiro noaa chũare waha. Tuhsũ, payũ cjuaina cjrيره paye baro cjuæraina yoaha tiro.

54-55 Mari ñũchũsuma cjrيره to yahu cũriro seheta yoa pahñoha Cohamacũ.

To cahamaca Israe masare tiro yoadohoha.

Abrahã cjirore mari ñũchũsuma cjrيره jipihtina to coyea to baharo jiina cãhũre Cohamacũ jipihtia dachoripe ã pja ñũrucuriro jia tiha.

Tinare to yahu cũrire boeraha Cohamacũ”, niha María.

56 Tia sũ waro Elisabe mehne jiha ticoro. Tó puro to jiri baharo to ya macapũ tjuaa wahaha María.

João masa bajuaha

57 Elisabe to niji wahcõri baharo to macũno masa bajuaha. 58 ã jia Cohamacũ ticorore to ã noano yoachũ to ya maca macaina to coyea cãhũ ticoro mehne wahcheha. 59 Ocho dachori to masa bajuari baharo, to pũcũsuma tirocãre mahanocã to pjacũ cahsarocãre yihso dutia taa niha. ã jia tina mehne macaina ti cahapũ sũha ti yihsochũ ñũha taa. Tina mehne macaina Zacaria to pũcũro wamare tirocãre wamoa duamaha. 60 Ti ã wamoa duapachũta to pocoro õ sehe niha:

—To pũcũro wamare wamoeraja. João wamohanahca tirocãre —niha ticoro.

61 —Mũ coyea ne cãiro João wama tiriro mari-ahna —niha tina ticorore.

62 ã jia ti wamomacari mehne yoa ño, Zacariare õ sehe ni sinitu ñũha tina:

—¿Mũhũ waro dohse wamoa duajari mũ macare? —ni sinitu ñũha tirore.

⁶³ Ti ã nichu tiro sehe johti pñine siniroca, ñaha, joaha: “Yhu macu João wama tirohca”, ni joaha Zacaria. To ã ni joachu tina sehe cuaa wahaha.

⁶⁴ To ã ni joari baharo tirore durucuhu yoaha Cohamacu. Æ jiro tiro durucua wahaha juna:

—Cohamacu tuariro, noariro jira —niha tiro.

⁶⁵ To ã ni durucuhu tuhoa tó macaina cuaa wahaha. Æ jia ahri jipihtiare Judea yahpa macainare tãyucu watoi jinare masa yahu siteha. Æ jia masa tó macaina noano masi pihtia wahaha.

⁶⁶ Jipihina tíre tuhoa wacũha. “Cohamacu tu-aare ahrirocã cãara. Æ jiro wiho jiriro jierara ahrirocã”, ni tuhotuha masa.

Zacaria Cohamacure ño payoha

⁶⁷ Æ yoa to puçuro Zacaria sehe Espíritu Santo to dutiriro seheta yoa pahñoriro jiro to tuaare cãariro jiro Cohamacu yare õ sehe ni yahuha:

⁶⁸ “Mari Israe masa Cohamacure, mari puhtorore wahche payojihna mari. To yaina jija mari.

Æ jiro tiro mari caharu wihiro, marine yoadoho, noano yuhduchu yoaro taro nina.

⁶⁹ Cohamacu marine, pichacaru wahaborinare yuhduchu yoahitirore, tua yuhduarirore warocara.

Ahriro marine yuhduchu yoahitiro cjihto sehe Cohamacure dahra cohtariro Davi cjiro panamino ji turiariro jira.

⁷⁰ Panopure to yaina waro, to yare yahu muhtaina cijire ahri õ sehe wahahto cijhtore yahu cã muhta tuhsa tiha.

71 ‘M̄sare ñ̄ tuhtiinare, jipihtina m̄sare ñ̄ano yoainare d̄cataihtja’, ni c̄ha Cohamac̄ marine.

72 Mari ñ̄uch̄s̄ma c̄jirip̄are ‘M̄sare p̄ja ñ̄i, yoad-ohoihtja.

M̄sare ȳ yahu c̄r̄ire wac̄ihtja’, niha Cohamac̄. Tí p̄j̄are to ni c̄r̄iro seheta mip̄are marine sohtori tiro taro nina.

73-75 Panop̄are õ sehe ni c̄a tiha Cohamac̄ Abrah̄are: ‘Potoc̄a niita nija m̄h̄are.

M̄ coyea baharop̄ ji n̄n̄htinare paina tinare ti ñ̄ tuhtich̄, ȳh̄ sehe tinare d̄cataihtja.

Ã jia m̄ coyea sehe ne cuiro marieno ȳ dutiare yoa, ȳh̄are ñ̄o payoahca.

Tina ti catiro puro ȳ ñ̄rocaroi buhiri marieno, quih̄no jia tiina jirucuahca’, ni yahu c̄a tiha Cohamac̄ mari coyeiro Abrah̄a c̄j̄ore”,

niha Zacaria. Ã ni tuhs̄ tiro to mac̄no c̄h̄are õ sehe niha t̄oa:

76-77 “Mac̄, m̄h̄are õ sehe niahca masa: ‘Cohamac̄ Jipihtina Bui J̄iro yare yahu m̄htar̄irot̄a j̄ira’, ni masiahca m̄h̄are.

M̄h̄ mari p̄htoro Cristo to tahto panore masare yahuyui wahaihca.

Ã yahuyui wahac̄, õ sehe ni yahuyuihca tinare: ‘Mari p̄htoro tarohca.

Tiro m̄sa ñ̄aa yoari buhiri tiare coh̄a, p̄chac̄ap̄ wahaborinare ȳhdorohca m̄sare’, ni yahuihca m̄h̄.

Ã ni yahuc̄, mari p̄htoro to tahtore cahnoyu dutii niihca m̄h̄ tinare.

78 Cohamacu sehe marine tuaro pja ñuhiro ji, marine noano yoariro jitjiãno, tiro marine pichacamu wahaborinare yuhduchu yoa duara.

Ã jiro tiro Cristore buhriaro yoaro sehe jirirore mari cahamu warocara.

79 Tiro mari cahai wihiro marine pichacamu wahaborinare nahitiano waropu jimarinare buhriaro marine to noano ñu bocachu yoaro seheta Cohamacu ya potocã ni yahuaire masichu yoarohca tiro.

Ã yoa mari tiro mehne cãno mehne mari noano ji masihto cjihto cãhure yahurohca marine”, niha Zacaria.

80 Ã yoa Zacaria macu noano pjacu tiriro bucuaha. Ã bucuaro, Cohamacu tuaro ño payoriro jiha. Tuhsu, yoari pja masa marienopu jia tiha. Israe masare buhe ducaro tóputa to jiriro cjiroi jia tiha.

2

Jesu masa bajuaha

(Mt 1.18-25)

1 Tí pjare jipihtia yahpari macaina bui puhtoro Augusto jia tiha. Ã jiro jipihtinare quihõ dutiha. 2 Ahrina masare ti coã quihõ ducachu Siria yahpa macaina puhtoro Cirenio wama tiriro jiha.

3 Ã jia jipihtina ti ñuchusuma panopu macaina ya macaripu ti wamare joa õa wahaha. 4 José cãhu Nazarepu Galilea yahpai jiri macapu jiina waha, Judea yahpapu Belẽ wama tiri macapu sãha. Puhtoro Davi cjiro panopu macariro to masa

bajuariro jiha Belē. José Davi cjiro panamino ji turiariro jiro p̄h̄toa masare to quihō dutich̄u t̄h̄oro Belēp̄u to wamare joa õ dutiro wahaha. ⁵ ã jiro tiro María to namono cjihto mehne tóp̄u to wamare joa õ dutiro s̄ha. Ticoro sehe wih̄ārocāre c̄h̄aro caharicoro jiha. ⁶ ã jiro Belēp̄u s̄uro ticoro niji wahcōha. ⁷ Tóp̄ure masa ti carīri w̄h̄u ne m̄u s̄eraha tinare. ã jiro ticoro pohna ti tuhs̄u, tirocāre suhtiro mehne coma, wach̄u ti ch̄ari wahwai, tja bui tirocāre duhu payoha. Tirocā wahma to pohna ti m̄h̄tarirocā jiha.

Anjo ovejare ñ̄u wihboinare bajuaha

⁸ Tí ñamine campop̄u ovejare ñ̄u wihboina ti yaina ovejare ñ̄u wihboa niha. ⁹ Tóp̄u ti jich̄u Cohamac̄u warocariro anjo tinare bajuaha. To ã bajuach̄u Cohamac̄u to si sitea tinare buhriaaha. To ã si sitech̄u ñ̄u, ovejare ñ̄u wihboina cuia wahaha. ¹⁰ Ti ã wahach̄u anjo tinare õ sehe ni yahuha:

—Noaa quitire m̄sare yahui taja. Jipihtinare masare wahchech̄u yoarohca ahri quti. ã jina ȳh̄ure cuiena tjiga m̄sa. ¹¹ Micha ñamine p̄h̄toro cjiro Davi ya macap̄u m̄sare pichac̄u wahaborinare ȳh̄dohtiro, Cristo Cohamac̄u warocariro mari p̄h̄toro masa bajua tuhs̄h̄re. ¹² Suhtiro mehne comariro wach̄u ch̄ari wahwa bui ti duhu payoriro m̄sa ñ̄htiro tiro tjirohca — ni yahuha anjo tinare.

¹³ To ã nich̄ata paȳu m̄ano macaina ji m̄htariro anjo mehne Cohamac̄ure wahche payoha. Õ sehe ni wahche payoha tina:

¹⁴ “Cohamac̄ure m̄ano macarirore ño payojihna.

Ã jia Cohamacu to cahĩna cuuro marieno cah-macheno marieno noano jijaro”, ni wahche payoha anjoa peri.

¹⁵ Ã ni wahche payo tuhsu manopu ti mujari baharo ovejare ñu wihboina sehe ti basi cahma durucuha:

—Ahrire Cohamacu marine to yahurire Belẽpu basa ñujihna —niha tina ti basi.

¹⁶ Ã nia ño duaro wahaa wahaha tina. Maríare, Josére boca su, wihãrirocãre wachuã churi wah-wai ti duhu payorirocãre ñuha tina. ¹⁷ Ovejare ñu wihboina tirocãre ñu tuhsu anjo wihãrirocãre to yahurire yahu turiaha painare. ¹⁸ Ti ã ni yahu turiachu jipihtina tinare tuho cuãa wahaha. ¹⁹ Ahri jipihtiare María wacũ tãhoturucuha. ²⁰ Ã yoa ovejare ñu wihboina sehe anjo to yahuriro seheta jichu ñua, “Cohamacu tuariro jira”, ni wahcheha. Ã ni wahche, majare tjuaa wahaha.

Cohamacu wãhãpu Jesu pãcãsuma tirocãre naaha

²¹ Cũ somana baharo wihãrirocã to pjacure mahãnocã cahsarocãre yihso na tuhsu tirocãre tina Jesu wamoaha. Jesure wahma to bocahto pano anjo sehe “‘Jesu’ ni wama pisuga tirocãre”, ni yahu tuhsuha. Ã jia tirocãre “Jesu” ni wama pisuha.

²² Cohamacu dutia Moise to yahuriro seheta yoaa taa José, María mehne Jerusalẽpu wahaha. Tõpu wahaha María to pohna tiri baharo to noaricoro to wahari baharo to ã waharire ñono taro. Ã wahaa, tina Jesucãre naa wahaha. Tirocãre Cohamacure “Ahrirocã mu yairo cjihto jira”, ni ñoa wahaha. ²³ Õ sehe yoaha Cohamacu yare ti

joari p̄i to yoa dutiriro seheta. “Jipihtina m̄sa pohna wahma bajua m̄htainac̄re Cohamac̄re ñoga. ‘Ahriroc̄a m̄ yairo c̄jhto jira’, ni ñoga”, ni dutia tiha Cohamac̄. ²⁴ ã ño tuhs̄ Cohamac̄ to yoa dutiriro seheta tina minichahcare waa wahaha Cohamac̄re ño payoa. Õ sehe dutia tiha Cohamac̄: “Bujaa p̄aro waga ȳh̄re. O tina mariach̄ ur̄tua wih̄inac̄ p̄aro waga ȳh̄re ño payona”, ni dutia tiha Cohamac̄. To yoa dutiriro seheta yoaha tina ticoro p̄jac̄ noari p̄jac̄ to waharire ñoa taa.

²⁵ Jerusalēi Simeo wama tiro jaha. Tiro quih̄no yoariro, Cohamac̄re ño payoriro jiro, Cohamac̄ Israe masare to yoadohotire cohtariro jaha. Tiro Esp̄ritu Santo to nino sehe yoariro jaha. ²⁶ ã jiro tiro to yariahto pano Cohamac̄ to warocah tire Cristore to ñ̄hti c̄jhtire tó pano yahu tuhs̄ha Esp̄ritu Santo tire Simeore. ²⁷ ã jiro Esp̄ritu Santo tire to dutich̄ Cohamac̄ w̄h̄p̄ s̄a wahaha. To s̄a s̄ri baharo Jesu p̄c̄s̄ma ti mac̄noc̄re na s̄aha. Cohamac̄ to dutiriro seheta yoaa niha. ²⁸ Simeo sehe tiroc̄re w̄a na, Cohamac̄re ño payo, “Noana” ni, tiro mehne durucuha.

Õ sehe niha tiro Cohamac̄re:

²⁹⁻³² “Mip̄ pinihtare p̄htoro, m̄ niriro seheta jipihtina masare pichac̄p̄ wahaborinare ȳhd̄ch̄ yoah tiro c̄jhtore warocahre m̄h̄.

Tiro judio masa jierainare buhero m̄h̄re noano masich̄ yoarohca tinare.

Masare ȳh̄dohtiro Israe mas̄nore m̄h̄ c̄ha.

Sã coyeiroke Israe masunore mũ cũchũ jipihtina masia, ‘Israe masare noano yoara Cohamacũ’, niahca masa.

Ahrirocã sãre yũhdũchũ yoahrtiro jira.

Ã jicũ ahrirocãre ñũ tuhsũcũ, mipũre noano wahcheriro yariaihca”, niha Simeo.

³³ Simeo tirocãre to ã nichũ Jesu pũcũsũma sehe tũho cũaa wahaha. ³⁴ Ã jiro Simeo tinare “Noano jiga mũsa” nino, tiro María Jesu pocorore õ sehe ni yahuha:

—Cohamacũ ahrirocãre beseha. To ã beseriro to jipachũta judio masa payũ tirore yũhdũrũcaahca. Ã yoaa tina pichacapũ wahaahca. Judio masare payũ yũhdohtirore Cohamacũ beseha tirocãre. Tiro Cohamacũ yare yahuriro to jipachũta masa payũ tirore ñano ni yahu wajaahca. ³⁵ Ti ã yoachũ paina ti ñano wacũare masiahca. Ã jico mũhũ tuaro cahyacohca —niha Simeo Marĩare.

³⁶ Tói Cohamacũ yare yahu mũhtaricoro Ana wama tiricoro jiha. Ticoro Fanuel macono jiro, Aser cjiro ya curua macaricoro jiha. Bũcoro waro jiha. Ticoro nuhmino jiro manũ tiha. Ã yoa siete cũhmari to manũno mehne jiha. Tó puro to jiri baharo to manũno yariaha. ³⁷ Ã jiro ochenta y cuatro cũhmari waro wapewahyoro jia tiha ticoro. Ã jiro ticoro dachopũ cũhũre ñamipũ cũhũre Cohamacũ yare yoaro taro chũaeraro, Cohamacũ mehne durucu, Cohamacũ wũhũre ne wijaaera tiha. ³⁸ Simeo to durucuro watoi ticoro tina cahaj wihiro, wahchero Cohamacũre “Noana”, niha. Ã jiro Jerusalẽ macainare pichacapũ wahaborinare

yũhdohtirore cohtainare ticoro Jesucãre yahuha tina jipihtinare.

José, María, Jesu mehne Nazarepũ tjuaa wahaha tjoa

³⁹ Cohamacũ to dutiriro seheta yoa tuhsũa, tina ti ya macapũ Nazarepũ tjuaa wahaha. Galilea yahpai jiha tí maca Nazare. ⁴⁰ Jesu sehe noano bũcũa, tuariro wahaha. ã jiro tiro noano tũho masiriro bũcũaha. Cohamacũ tirore noano yoaha.

Jesu wahma wahmũa tariro jiro, Cohamacũ ya wũhũi judio masare buheina mehne sũhũduro niha

⁴¹ Cũhmaripe Jesu pũcũsũma Jerusalẽpũ pas-cua nũmũrine bõse nũmũrine yũhdoa wahaa tiha.

⁴² ã jia Jesu doce cũhmari to cũachũ waro ti yoarucuriro seheta tina jipihtina Jerusalẽpũ bõse nũmũrine yũhdoa wahaha tjoa. ⁴³ Tí macapũ sũ, tí bõse nũmũrine yũhdo tuhsũ tina ti ya macapũ majare tjuaa wahaha tjoa. Wiho mejeta Jesu sehe ti ã majare tjuapachũta, Jerusalẽpũ tjuanoc-aha. To pũcũsũma sehe tíre to tjuarire masieraha.

⁴⁴ “Paina mari mehne macainã mehne taca mari macũ”, ni tũhotumaha tina. ã jia tina cũ dacho waro noano Jesu marieno waharucumaha. Tí dacho pihtichũ waro tina Jesure ti coyeya watoĩ ã jichũ ti ñũ masiina watoĩ cũhũre macamaha.

⁴⁵ Wiho mejeta ne bocaeraha. ã jia tina pari turi Jerusalẽpũ majare tjuaa wahaha tjoa, tirore macaa wahaa.

⁴⁶ Tia dacho baharo Cohamacũ wũhũ wijaroi tirore boca sũha. Tói Jesu judio masare buheina watopũ duji, tinare tũho, tinare sinituro niha.

⁴⁷ Tina jipihtina Jesure to quihõno yũhtichũ tũhoa

noano masirocã to jichu ñua, tina cãaa wahaha.
 48 Jesu pucsuma cãhu tirore ñua, tina cãhu cãaa wahaha. Ñ jiro to pocoro tirore õ sehe niha:

—Macu, ¿dohseacu ã yoari mũhu sãre? Sã mũ pucsuma pjíro tãhotu, cahya, macana nihi mũhure —niha ticoro to macunore.

49 To ã nichu tãhoro tiro to pucsumare õ sehe ni yũhtiha:

—¿Dohseana yũhure macari mũsa? Yu Pucu waro ya wãhũ ji to dutiriro sehetã yoai nija. ¿Tíre masierajari mũsa? —niha tiro tinare to pucsumare.

50 To ã ni yahupachãta tina to yahuare tãho ñahaeraha.

51 Ñ yoari baharo, Jesu to pucsuma mehne Nazarepu tjuaa wahaha. Tju su, to pucsumare ne yũhdũrũcaerariro jia tiha tiro. Ahri jipihtia to yoarire ñũno María noano tãhotu, wacũrucua tiha.

52 Ñ yoa Jesu bucua, noano tãho masiro wahaha. Tó sehe jiriro to ji bucuchũ ñũno, Cohamacũ sehe tirore noano ñũ ji coa, tuaro cahã tiha. Masa cãhu tirore tó sehetã noano ñũ ji coa, tuaro cahã tiha.

3

João masare bautisariro masare Cohamacũ yare yahuha

(Mt 3.1-12; Mr 1.1-8; Jn 1.19-28)

1 Tí pjare ti bui pũhtoro jiriro Tiberio wama tiriro to pũhtoro jiri baharo quince cãhmari wahaha. Tuhsũ, Poncio Pilato wama tiriro sehe Judea yahpa macaina pũhtoro jiha. Ñ yoa Herode wama tiriro sehe Galilea yahpa macaina pũhtoro jiha.

To bahuro Felipe sehe Iturea yahpa macaina, Tracnite yahpa macaina cãhũ ti pũhtoro jiha. Tuhsũ, Lisantias wama tiriŕo Abilinia yahpa macaina pũhtoro jiha. ² Tĩ pjare Ana, Caifa mehne jipihtina sacerdotea bui pũhtoŕa jiha. Ahrina jipihtina ti jiri pjare João Zacaria macũno masa marienopũ jirirore Cohamacũ sehe tirore to yare buhe dutiha. ³ ã jiro Jordão wama tiri ma dũhtũ cahai jiri yahpai jipihtiropũ João buhero wahaha:

—“Noaina jija sã”, ni mũsa tũhotumari cjirire tũhotu cohtota, Cohamacũre cahmaga mũsa. ã yoana tíre mũsa yoarire ñona tana, bautisaina jiga. Mũsa ã cohtotachũ ñũno Cohamacũ mũsa ñaa buhirire borohca —ni buhea tiha tiro.

⁴ Isaia cjiro panopũ macariro Cohamacũ yare yahu mũhtariro to joariro seheta ahriro João yoaro niha. Õ sehe ni joaa tiha Isaia cjiro João to buhehtore:

“Masa marienopũ durucu sañurucuriro õ sehe ni buherohca: ‘Mari pũhtoro to tahto pano “Noaina jija sã”, ni mũsa tũhotumari cjirire tũhotu cohtota, Cohamacũre cahmaga mũsa.

⁵ Pja wũhtũri, pja buri cãhũre noari wapa mari yoariro seheta, tuhcuŕa maharine potoa mahari mari yoariro seheta, ñaa maharine noaa maharine mari yoariro seheta, wetere mũsa cosariro seheta mũsa ñaa tũhotuare cohtota, cahno mũhtaga mũsa.

⁶ Mũsa ã yoachũ Cohamacũ mũsare pichacapũ wahaborinare to yũhdũchũ yoachũ ñũahca jipihti ahri yahpa macaina’, ninohca tiro sañurucu yahuriro sehe”,

ni joaa tiha Isaia cjiro panopure.

⁷ Masa payu João cahai wihia tiro tinare bauti-sachu cahmaha tina. ã jiro tiro tinare õ sehe ni yahuha:

—Agãa ñima tiina yoaro seheta masare do-jomehneina, cui duhti duaina jira musa. Musa ñaa yoarire musa cahya, duhu duaerari buhiri Cohamacu to buhiri dahrehto pano duhti masierara musa. ⁸ Potocãta musa ñaa tuhhotumarine cohtotaina jina, Cohamacure cahmaina jina, tíre musa yoaa mehne ñoga. Õ sehe ni tuhotu wisiena tjiga. “Panopu macariro Abrahã mari ñuchu cjiro jia tiha. ã jina to panamana jina mari Cohamacu yaina jija”, ni tuhotu wisiena tjiga musa. Musare niita nija. Abrahã panamana musa jiina jimana musa. Musa ã jipachuta tí musa ã jia yaba cjihti jierara. Cohamacu sehe ahri tãa mehne Abrahã coyeare dahre masina. ã jiro Abrahã coyea musa jia wiho waro jira tãa ti wiho waro jiro seheta. ⁹ Õ sehe jira: Masa yucuri yoaro seheta jira. Cohamacu sehe coma mehne yucurire cjã cohãriro yoaro sehe jira. ã jiro noaa dicha maria yucure nuhcõri mehneputa cjã cohãnohca tiro. Tíre to cjã cohãri baharo, pichacapu jũ cohãnohca tiro. (Áta yoaro taro nina masa cõhure tirore cahmaerainare) —ni yahuha João masare.

¹⁰ To ã nichu tuhõa masa sehe tirore õ sehe ni sinitu ñuha:

—¿Dohse yoanahcari sã? —niha tina Joãore.

¹¹ —Pua suhtiro cjuariro suhti marierirore cãno waga. ã yoa musa chua cjuana paina cõhure waga —niha João.

12 Mahainacã pũhtoa ya cjihtire wapa na cohtaina cũhũ tinare to bautisachũ cahmaha. ã jia João cahai wihia, tirore õ sehe ni sinituha:

—¿Buheriro, sã sehe dohse yoanahcari sã? —niha tina tirore.

13 —Mũsa pũhtoa ti wapa na dutiro purota masare wapa naga. Mahño na namoena tjiga —ni yahuha João tinare.

14 Paina surara tirore õ sehe ni sinituha tjoa:

—¿Sã sehe dohse yoanahcari? —niha tina tirore tjoa.

—Masa ti niñerure maena tjiga. ã yoana mahñoa mehne ti niñerure naena tjiga. Mũsare ti waparo purota wahchega —ni yahuha João.

15 Masa Cristore Cohamacũ to warocahtirore cohtaa niha. ã jia õ sehe ni tũhotu dũcaha tina Joãoire. “Ahriri João sehe Cristo jiboca”, ni tũhotumaha tina. 16 Ti ã nichũ tũhoru João jipihtinare õ sehe ni yahuha:

—Yũ baharo yũ yũhdoro tuariro tarohca. Noa yũhdũariro jira tiro. Tiro yoaro sehe jieraja yũhũ sehe. ã jicũ tirore tũhotucũ, “Wiho jiriro jija yũhũ”, ni tũhotuja yũhũ. Yũhũ sehe mũsare bautisacũ co mehne yoamahi. Tiro sehe yũ yũhdoro yoarohca. Espĩritu Santore masa mehne ã jirucuchũ yoarohca. Wiho mejeta paina sehere ti ñaare tũhotumari cjirire tũhotu cohtota duaeraina sehere tiro pichaca mehne buhiri dahrerohca. 17 Yũ baharo tariro cahsarire cohãriro yoaro sehe jira. Cahsarire cohãriro to batiro mehne jipihtia to trigo

yapari cahsarire putiwera. ã yoa tuhsu trigo sehere to wihbori wuhui cūnohca. Tó sehetā yoarohca ti tirore cahmainare yu baharo tariro. To putiwea cahsari sehere tiro jūnohca. Tí cahsarire to jūri pichaca ne yatisi. (ãta yoarohca tiro yu baharo tariro tirore cahmaerainare) –ni yahuha João.

¹⁸ Payu to ã ni yahua mehne masare noaa buheare yahuha João. ¹⁹ Tuhsu, puhtoro Herode sehe to baharo Felipe namonore to namo tiri buhiri, pjíro ñaare to yoari buhiri cūhure João tirore yahumaha. ²⁰ To ã ni yahuri buhiri Herode sehe ñaare yoa namoha, Joãoore peresu yoaro.

João Jesure bautisaha
(Mt 3.13-17; Mr 1.9-11)

²¹ Joãoore ti peresu yoahito pano paina masare João sehe bautisaro niha. Tinare bautisaro Jesu cūhure bautisaha. To ã bautisachu, Jesu diapu ducuriro Cohamacure to sinino watoi mūano parī mūa wahaha. ²² To parī mūari baharo Espíritu Santo buja yoaro sehe Jesu buipū duji taha. To ã duji tachū mūanopū durucuro coa taha:

–Mūhū yu macū yu cahīriro jira. Mūhū mehne wahcheja –nino coa taha mūanopū.

Jesu coyea panopū macainare yahua jira ahri
(Mt 1.1-17)

²³ Jesu to buhe dūcari cūhmare treinta cūhmari cjūaha tiro. “Tiro José macūno jira”, ni tūhotumaha masa. José sehe Elí macūno jiha. ²⁴ Elí Matat macūno jiha. Matat Leví macūno jiha. Leví Melqui macūno jiha. Melqui Jana macūno jiha. Jana José macūno jiha. ²⁵ José

Matatías macuño jiha. Matatías Amós macuño jiha. Amós Nahum macuño jiha. Nahum Esli macuño jiha. Esli Nagai macuño jiha. ²⁶ Nagai Maat macuño jiha. Maat Matatías macuño jiha. Matatías Semei macuño jiha. Semei Josec macuño jiha. Josec Joiadá macuño jiha. ²⁷ Joiadá Johanán macuño jiha. Johanán Resa macuño jiha. Resa Zorobabe macuño jiha. Zorobabe Salatíe macuño jiha. Salatíe Neri macuño jiha. ²⁸ Neri Melqui macuño jiha. Melqui Adi macuño jiha. Adi Cosam macuño jiha. Cosam Elmodam macuño jiha. Elmodam Er macuño jiha. ²⁹ Er Josué macuño jiha. Josué Eliezer macuño jiha. Eliezer Jorim macuño jiha. Jorim Matat macuño jiha. ³⁰ Matat Leví macuño jiha. Leví Simeo macuño jiha. Simeo Juda macuño jiha. Juda José macuño jiha. José Jonan macuño jiha. Jonan Eliaquim macuño jiha. ³¹ Eliaquim Melea macuño jiha. Melea Mená macuño jiha. Mená Matatá macuño jiha. Matatá Natán macuño jiha. ³² Natán Davi macuño jiha. Davi Jesé macuño jiha. Jesé Obed macuño jiha. Obed Booz macuño jiha. Booz Sélah macuño jiha. Sélah Nahasón macuño jiha. ³³ Nahasón Aminadab macuño jiha. Aminadab Admín macuño jiha. Admín Arní macuño jiha. Arní Esrom macuño jiha. Esrom Fares macuño jiha. Fares Juda macuño jiha. ³⁴ Juda Jacobo macuño jiha. Jacobo Isaa macuño jiha. Isaa Abrahã macuño jiha. Abrahã Taré macuño jiha. Taré Nahor macuño jiha. ³⁵ Nahor Serug macuño jiha. Serug Ragau macuño jiha. Ragau Péleg macuño jiha. Péleg Éber macuño jiha. Éber Sélah macuño jiha. ³⁶ Sélah

Cainán macуno jiha. Cainán Arfaxad macуno jiha. Arfaxad Sē macуno jiha. Sē Noé macуno jiha. Noé Lame macуno jiha. ³⁷ Lame Matusalē macуno jiha. Matusalē Enoco macуno jiha. Enoco Jared macуno jiha. Jared Mahalaleel macуno jiha. Mahalaleel Caina macуno jiha. ³⁸ Caina Eno macуno jiha. Eno Sete macуno jiha. Sete Adão macуno jiha. Adão Cohamacу to yoariro jiha.

4

*Watĩno ñaare yoa dutimaha Jesure
(Mt 4.1-11; Mr 1.12-13)*

¹ Jesu Espĩritu Santo to dutiro sejeta yoa pahñoriro jiro, tiro Jordão wama tiri mapу jiro tjuua wahaha. To ã tjuua wahachу Espĩritu Santo sehe tirore masa marienopу naaha. ² Tópу sуро cuarenta dachori waro jiha. Tópу to jiro wato watĩno sehe Jesure ñaare yoachу cahmamaha. Ñ jiro ñaare yoa dutimaha tirore. Tí dachorire Jesu chуeraha. Ñ jiro tí dachori pihtichу waro tiro jуca baaha.

³ To ã jуca baachу ñуno watĩno õ sehe nimaha Jesure:

—Mуhу Cohamacу macуno jicу, ahria tãcare chуa dojomehnega —nimaha Jesure.

⁴ Jesu õ sehe ni yуhtiha:

—Yoaeraja. Cohamacу yare ti joari pӯi õ sehe nina: “Masare chуa mehne dihta catieraro cahmana. [Jipihtia Cohamacу ya yahua mehne jiro cahmana]”, nina Cohamacу —ni yуhtiha Jesu watĩnore.

⁵ To ã niri baharo watĩno sehe tirore tãcу mуadу buipу na mуja sуроta jipihtia macari perire ño

bahrañooha Jesure. ⁶ ã ñono Jesure õ sehe ni yahuha:

—Jipihtia ahri macari yuhure to wari cjiri jira. ã jicü yu cahmarirore wa masija. ã jicü ahri macarine, ti cjuaa mehne mähure waihtja. (Yu ã wachü ahri macari macainare mühu dutiihca.)
⁷ Yuhure mü ño payochü ahri macari jipihtia macarine mähure waihtja —niha watño Jesure.

⁸ Jesu õ sehe ni yuhtiha tirore:

—Mähure ño payoeraja. Õ sehe nina Cohamacü yare ti joari püi: “Mü puhtoro Cohamacü dihtare ño payoga. To ya dutia dihtare yoaga”, ni joaa tiha Cohamacü yare —niha Jesu watñore.

⁹⁻¹¹ To ã niri baharo Jerusalëpu watño sehe tirore na wahcã, Cohamacü wühu bui na süha tirore. Na sü tuhsü tirore õ sehe nimaha:

—Cohamacü yare ti joari pü õ sehe nina:

“Cohamacü yaina anjoare mähure ñu wihbo dutirohca. ã jia tina sehe mähure ñu wihboahca, ‘Mühüpu täcapü puha tu müari’ nia”, ni joaa tiha Cohamacü yare ti joari püi. To ã niri quihõno jichü mühu Cohamacü macüno jicü, yahpüpu pju bora ño ñujata yuhure. Mähure yoadohochü ño ñujata yuhure —niha watño Jesure.

¹² Jesu pju bora ño duaeraro õ sehe ni yuhtiha tirore:

—Cohamacü yare ti joari püi õ sehe nina: “Müsa puhtoro Cohamacü to niri cjirire ‘¿Potocã tjijari?’ ni masi duana, Cohamacüre yoa ño duti macaena tjiga”, nina Cohamacü yare ti joari püi —niha Jesu watñore.

13 Ñ jiro watĩno jipihtia ñaare Jesure yoa dutimaha. Ñ duti tuhsuro mahanocã duhu wahcāsiniha.

Galilea yahpai Jesu buhe dꞩcaha

(Mt 4.12-17; Mr 1.14-15)

14 Baharo Jesu Galileapꞩ tjuaa wahaha. Ñ jiro, tiro Espíritu Santo tuua mehne yoaha. Tói jipihtiropꞩ masa tirore quiti tiha. 15 Judio masa buhea wꞩhꞩsei tiro buhea tiha. Ñ jia jipihtina masa tirore noano durucuha.

Nazare macaina Jesure ne cahmaeraha

(Mt 13.53-58; Mr 6.1-6)

16-17 Baharo Nazarepꞩ Jesu to bucuariropꞩta tju sꞩha. Tópꞩ tju sꞩro, Sabado jichꞩ to ñ yoarucuriro sehetá tiro judio masa ti buheri wꞩhꞩpꞩ sꞩa sꞩha. Tói tiro Cohamacꞩ yare ti joari pũre buhero taro ducuha. To ñ ducuchꞩ ñꞩa tó macaina sehe Cohamacꞩ yare yahu mꞩhtariro Isaia cjiro to joari pũre tirore waha. Tí pũi Jesu ahri yahuare bocaro buheha:

18 “Cohamacꞩ to Espíritu yꞩhꞩ mehne jiro, yꞩhꞩre dutira.

Tiro pꞩacꞩoinare noaa buheare yahu dutiro warocare yꞩhꞩre.

Ñ yoa peresupꞩ jiina cꞩhꞩre tinare to yꞩhꞩdohtore yahu dutiro warocare yꞩhꞩre.

Capari ñꞩeraina ti noano ñꞩhto cjihtore, painare ti ñꞩano ti yoapeinare wiohtiro cjihtore yꞩhꞩre warocare.

19 Mari pꞩhtoro Cohamacꞩ to yainare pichacapꞩ wahaborinare to yꞩhꞩdohtore yꞩhꞩre yahu dutiro warocare”,
ni buheha Jesu.

20 Ñ ni buhe tuhsu Jesu ti pũre noari tia turẽnoca, wuhu macaritore wia tuhsu, dujiha. To dujichu ñua tói jiina jipihtina tiro dihtare ñuha. 21 Ti ã yoachu tiro tinare õ sehe ni yahu ducaha:

—Ahri michapucacã yu buheriro seheta Cohamacu to niriro mu sũro nina —niha Jesu.

22 To ã nichu tuhoa “Ahriro noariro jira”, ni tuhotuha tina. Ñ jia tina to noano buhechu tuhoa, cuaa wahaha. Ñ cuaa waha, õ sehe niha tina ti basi:

—Cuenah, ¿José macuño jierajari ahriro? —niha tina ti basi.

23 Ti ã nichu masino Jesu õ sehe ni yahuha tinare:

—Yu buheare tuho duaerana, õ sehe ni tuhotura musa yuhure: “Duhturu dohatiro to basi co ti masina duhturu waro to jiare ñono. Muhu cãhu duhturu to yoa ñono seheta mu niriro sehe jiriro jicu Cohamacu tuaa mehne yoa ñoga sãre. Capernaupure Cohamacu tuaa mehne yoa ñoyuhti muhu. Sã cãhure ã yoa ñoga, mu buheare ‘Potocã tjira’, sã ni masihto sehe”, ni duara musa yuhure.

24 ‘Ahrire yahuihtja musare. Cohamacu yare yahu muhtaritore to ya maca macaina cahmaerara. Ñ jina yuhure cahmaerara musa õi yu bucuariro jichu. 25 Yuhure tuhoga mipure. Panopu Elia to jiri pjapure tia cãhma noano pa cãhma dacho maca waroi ne coro taeraha. Ñ jiro jipihtiropata ne chãa mariaha. Tí pjare payu wapewahya Israe yahpau ti jipachuta Cohamacu Elia cjirore tinare yoadoho dutiro warocaeraha. (Eliare, Cohamacu ya cãhure ti cahmaerachu ñano tinare yoadoho dutiro warocaeraha.) 26 To ya

macare ã yoa dutieraparota pa yahpai Sidõ cahai jiri macai Sarepta wama tiri maca macaricoro wapewahyorore yoadoho dutiro Elia cjirore warocaha Cohamacu.

²⁷ Baharo Cohamacu yare yahu muhtariro Eliseo cjiro to jiri pjarure Israe yahparu payu cami baina ti jipachuta cãiro Israe masunore ne noariro wahachu yoaeraha Eliseo cjiro. To ya yahpa macainare yoaeraparota Naaman wama tirirore Siria yahpa macariro dihtare noariro wahachu yoaha tiro. ã yoaro Israe masare yoadohoeraro, Israe masuno jierariro sehere yoadohoha Cohamacu —niha Jesu tinare.

²⁸ To ã nichu tuhoa jipihtina tí wuhui jiina sua yuhduwa wahaha. ²⁹ ã jia tina wahcãruca, Jesure na wijaa, tí maca duhtu cahai jiri cunaru tirore tjuroca boro duamaha. ³⁰ Ti ã yoa duapachuta Jesu ti watoihita wahaa wahaha.

Watĩno to cohtotariro Jesure piti boca
(Mr 1.21-28)

³¹ Baharo Jesu Galilea yahpai jiri macaru Capernaun wama tiri macaru su, Sabado jichu masare buheha. ³² Tiro noano masi pahñoriro to buhechu tuhoa masa tuho cuaa wahaha. ³³ Tí wuhui watĩno to cohtotariro jiro, õ sehe ni tuaro sañurucuha:

³⁴ —Muhu Jesu Nazare macariro sãre caribo tija mahu. ¿Dohse yoai tai nijari sãre? ¿Muhu sãre butichu yoai tai nijari? Yuhu masija Cohamacu macano, ñaa marieriro mu jiare —ni sañurucuha Jesure.

³⁵ To ã nichu tuhoru Jesu tuhtiha watĩnore:
—Dihta mariahga. Wijaahga tirore —niha Jesu.

To ã niri baharo masunore watĩno sehe yahpapu doca caha su tunuchu yoaro, tirore wijaaha. To ã yoari baharo tiro sehe noariro tjuaha. ³⁶ Tói jiina jipihtina to ã wahachu ñu cuaa wahaha. Ñ jia ti basi õ sehe ni durucuha:

—¿Yaba baro buhea jijari ahri ã wahachu yoaa? Cuenah. Tuaro mehne puhtoro yoaro seheta ahriro watĩare dutira. Ñ jia to dutiro seheta tina masare wijaara —ni durucuha tina ti basi.

³⁷ To ã yoachu ñua tí yahpapu jipihtiropu masa Jesu yoarire yahu siteha.

Jesu Simo Pedro marechonore noaricoro wahachu yoaha

(Mt 8.14-15; Mr 1.29-31)

³⁸ Judio masa ti buheri wuhure wijaa, Simo ya wuhapu sãa suha Jesu. Tói Simo marechono dohati, tuaro juaro tiha. Ñ jia tina ticoro to dohatichu yahuha Jesure. ³⁹ Ti ã yahuri baharo tiro ticoro cahai su, juarore suru dutiha. To ã suru dutiri baharo ticorore juaro surua waha, dóihta noaricoro wahaha. Ticoro ã waharo wahcã nuju su, tinare chure payoha.

Payu dohatiinare noaina wahachu yoaha Jesu

(Mt 8.16-17; Mr 1.32-34)

⁴⁰ Sũ sãari baharo jipihtina masa tó cahai jiina dohatiinare Jesu cahapu na suha. Dohatiina payu soro jia dohatiare cjuaha. Ñ jiro Jesu to wamomacari mehne tina bui ña payo, jipihtinare ti dohatiare noano yuhduchu yoaha. ⁴¹ Watĩa cãhure Jesu to wijaa dutichu tina wijaa waha, õ sehe ni sañurucuha:

—Mũhũ potocãta Cohamacũ macũno jira —niha tina Jesure.

Jesu Cohamacũ warocariro to Cristo to jichũ watĩa masiha. ã jiro Jesu tinare durucu dutieraha, “ ‘Cristo jira’, ni yahu siteri”, nino.

Galilea yahpai buheha Jesu

(Mr 1.35-39)

⁴² Bohrea mũja tachũ Jesu tí macai jiro waha, masa marienopũ sũha. To ã sũri baharo masa tirore maca, boca sũa õ sehe niha:

—Sã ya macai tjuaga. Wahai tjiga —nimaha tina Jesure.

⁴³ Ti ã nipachũta tiro sehe õ sehe ni yũhtiha:

—Cohamacũ masare pũhtoro to noano sũho jiare noaa buheare paye macaripũ cũhũre buhero cahmana yũhũre. Cohamacũ yũhũre warocare tíre yahuhtirore —niha Jesu tinare.

⁴⁴ ã ni tuhsũro judio masa ya yahpa macaa wũhũsei, judio masa ti buhea wũhũsei tiro buhe tiniha.

5

Jesu to buheinare payũ wahire bocachũ yoaha

(Mt 4.18-22; Mr 1.16-20)

¹ Pa nũmũ Jesu Genesare wama tiri bũcũpariro dũhtũ cahapũ sũha. Tói to jichũ ñũa payũ masa Cohamacũ yare tũho duaa tirore nũnũ ti sũha. Noano wahpa tarũcũ sũha masa peri. ² Pũaria bũso padũroi pahsaa bũsore Jesu ñũha. Tí bũso macaina wahi wajãina maja sũrũca, ti wañũyucũre cosaa niha. ³ ã jiro Jesu Simo yariapũ samua wahaha. Samu tuhsũ tia dohoriare dia dũhtũ cahai coãriare

siõ buhu dutiha. Tuhsu, dohoriapu duji, masare buheha. ⁴ Buhe tuhsu, Jesu Simore õ sehe niha:

—Dacho maca cureroi siõ wioga. ã jina mahu mehne macaina mehne musa wanyucure doca ñoga wahi ñahana —niha Jesu.

⁵ To ã nichu turo Simo Jesure õ sehe ni yuhtiha:

—Puhtoro, wahi maca bohreamahi sã micha ñamine. Bohreapanahta ne cãrocã wajãerahti sã. ã wajãerapanahta mu dutiro seheta doca ño ñunahtja —ni yuhtiha Simo.

⁶ ã ni tuhsu tina doca ñoha. ã ti doca ñochu ti wanyucure payu wahi sãaha. Payu ti sãachu wanyucu tuhna wahamaha. ⁷ ã wahachu ña tina paria macainare tina mehne macainare pjirocaha:

—Musa cãhu yoadohona tagã sãre —ni pjirocaha Simo cãhu.

Tina ti ã yoadohori baharo puria buso noano minipahro boca wahe. ⁸ Simo Pedro ã wahi payu ti sãachu ñno, Jesu panoi na tuhcuaha sa, tirore õ sehe ni yahuha:

—Yu puhtoro, mahu mehne jiboriro jieraja yu. Ñariro jija yu. ã jicu mu cahai ji masieraja —niha Simo Pedro Jesure.

⁹ Tiro, jipihtina tiro mehne macaina cãhu payu wahi sãachu ña, cuaa wahaha tina cãhu. ¹⁰ Puraro Simo Pedro mehne macaina Zebedeo pohna Santiago to baharo João mehne, tina cãhu ñu cuaa wahaha. Ti ã cuachu ñno Jesu Pedrore õ sehe ni yahuha:

—Cuaecu tjiga. Mipure mahu wahire ñaha cahmachuriro ma jiro seheta Cohamacu yaina cjihtire pji cahmachuriro jiihca mahu —niha Jesu Simo Pedrore.

¹¹ To ã niri baharo tina ti busore bucupariro duhtu cahapu waja mo cunoca, ti ya jipihtiare toihca cunoca, Jesu mehne wahaa wahaha.

*Jesu cami barirore noariro wahachu yoaha
(Mt 8.1-4; Mr 1.40-45)*

¹² ã yoa Jesu pa macai to jichu cami bariro tirore piti boca. ã piti bocaro tiro Jesure ñu, na tuhca caha su, õ sehe ni tuaro siniha:

—Puhtoro, mahu yoa duacu yuhure noariro yoa masina mahu —ni siniha.

¹³ To ã niri baharo Jesu tirore ña payoro õ sehe niha:

—Tíre yoa duaja. Mipure noariro jiga mahu —niha.

To ã nichuta to cami bari cjiro yati ma wahaha.

¹⁴ ã jiro Jesu tirore õ sehe ni dutiha:

—Ahri yu õ sehe yoarire painare yahui tjiga. Sacerdote cahai wahaga mipure. ã jicu ma pjacure noari pjacu to waharire ñoga tirore. Cohamacu dutia Moiserere to cūri to niriro seheta yoaga. ã yoacu sacerdotere puaro minichahcare waga noariro ma waharire sacerdotearere ñoi tai —niha cami bariro cjirore.

¹⁵ “Yahui tjia”, to nipachuta jipihtiropu masa tirore yahu site namoha. Ti ã yahu sitechu tuhoa masa payu tiro cahapu suha. Dohatiina noaina waha duaa, tina cūhu tiro cahapu suha. ¹⁶ Ti ã sapachuta Jesu masa marienopu Cohamacure sinino wahaha.

*Jesu pjacu bħharirore noariro wahachu yoaha
(Mt 9.1-8; Mr 2.1-12)*

¹⁷ Pa dachoi Jesu to buhechu fariseo curua macaina, judio masare buheina cħhu tói dujiha. Tina jipihtina Galilea yahpai jia macari macaina, Judea yahpai jia macari macaina, Jerusalē macaina jiha. Ti ā jichu ñuno Jesu Cohamacu tuaa mehne dohatiinare noaina wahachu yoaha.

¹⁸ Mahainacā mħa pjacu bħharirore to coāri cahsaro mehne yo wħa wihiha. Ā jia tirore Jesu cahai cū duaa, wħħpħ yo sħa duamaha tina tirore.

¹⁹ Ā sħa duapahta masa payħ jichu tina tirore yo sħa masieraha. Ā jia tirore wħħ buipħ yo mħjaha. Yo mħja sħ, mahanocā muji pahmare nawe, tí copai pjacu bħharirore to coāri cahsaro mehneta duhu boroha Jesu cahai jiina watoi. ²⁰ “Jesu ahrirore to dohatiare yħdħchħ yoarohca”, ni tħhotuha tina. Ti ā ni tħhotuchħ masino Jesu pjacu bħharirore õ sehe ni yahuha:

—Coyeiro, mħ ñaare yoari buhiri tiare yħħ cohã tuhsħja —niha Jesu tirore.

²¹ To ā nichu tħhoa fariseo curua macaina, judio masare buheina cħhu ti basi õ sehe ni tħhotumaha: “Ahriro ā ni durucuero tjijaro. Tiro masħno mari yoaro sehe jiro, ñaare to yoari buhiri tiare cohã masierara. Cohamacu dihta masa ti ñaare yoari buhiri tiare cohã masina”, ni tħhotumaha tina.

²² Jesu ti ā ni tħhotuare masino, õ sehe niha:

—¿Dohse yoana ā ni tħhotujari mħsa? ²³ “Mħ ñaa yoari buhiri tiare yħħ cohã tuhsħja”, yħ nichu, “Mahñoriro jira”, yħħre nina mħsa noano masier-apanahtha. “Wahcārħca wahaga”, yħ nichu yħ

niri potocã jia jichu dóihta masinahca. ²⁴ Yuhu masano Cohamacu warocariro ahri yahpai ti ñaare yoari buhiri tiare cohã masija yuhu. Masa ti ñaare yoari buhiri tiare cohãhtiro cjihtore cüre Cohamacu yuhure. Yu ã cohãrine musa masihtosehe õ seheta yoa ñoihtja musa ñuhti cjihtire –niha Jesu.

Ã ni tuhsu pjacu buharirore õ sehe niha:

–Muhure niita nija. Wahcãrucaga. Mu coãri cahsarore na wahcãga mu ya wuhuru –niha tirore.

²⁵ To ã nichu tuhoroa jipihtina ti ñurocaroi wahcãruca, to coãri cahsarore na, to ya wuhuru tjuua wahaha. Ã waharo tiro Cohamacure ño payoro, wahchea mehne noano durucuha. ²⁶ To ã yoachu ñua masa sehe jipihtina cuua wahaha. Tina cuua waha, Cohamacure ño payoa, wahchea mehne noano durucuha:

–Michare soro jiare ñuhi sã –niha tina.

Jesu Levíre piha

(Mt 9.9-13; Mr 2.13-17)

²⁷ Ã yoa tuhsu waha, Leví wama tirirore to dahrari tahtiapu jirirore boca suha Jesu. Leví sehe puhtoia ya cjihtire masare wapa na cohtariro jiha. Ã boca saro tirore õ sehe niha:

–Yuhu mehne macariro cjihto taga muhu –niha tiro Levíre.

²⁸ To ã nichu Leví sehe jipihtia to dahraare duhunoca, Jesu mehne wahaa wahaha.

²⁹ Baharo Leví ya wahu bese numu Jesure yoa payoro niha. Tói payu wapa na cohtaina, paina cãhu Leví mehne dujiha. ³⁰ Tina mehne Jesu cãhu ti dujichu ñua mahainacã fariseo curua macaina,

judio masare buheina mehne sua, Jesu buheinare ò sehe ni sinitu ñaha:

—¿Dohseana ñano yoaina, wapa na cohtaina mehne chujari masa? —ni tuhtiha tina.

³¹ Ti ã nichu tãhoro Jesu yãhtiha tinare. Ò sehe ni piti dahre buheha:

—Dohatieraina duhturure macaerara. Dohatina dihta duhturure macana. Ñaare yoaina dohatina yoaro sehe jira. ³² ã jicu ñaare yoainare yahui tai nihi yãhu Cohamacure cahma duticu. Ti basi “Noaina jija sã”, ni tãhotuinare yahui tai nierahi yãhu —niha Jesu.

*Chu duhuare Jesure sinituha paina
(Mt 9.14-17; Mr 2.18-22)*

³³ ã yoa mahainacã masa Jesure ò sehe ni sinitu ñaha:

—João buheina payu tahari Cohamacure ño payoa taa chu duhura. ã yoa, tina payu tahari Cohamacure sinina. Fariseo buheina cãhu ti yoaro seheta yoara. Ti ã yoapachuta mu buheina sehe Cohamacure ño payoa taa chu duhuerara. ¿Dohse yoa ã yoerajari tina? —niha tina Jesure.

³⁴ Ti ã nichu Jesu to tãhotua mehne quitu dahre buhero taro tinare ò sehe ni yãhtiha:

—Ò sehe jira ti: Wamomaca duhteromu ti pjirocaina wamomaca duhteriro mehne jia, chu duhu masierara. Tó seheta yu buheina cãhu yãhu mehne jia, chu duhu masierara. Yãhu wamomaca duhteriro yoaro sehe jija. Wamomaca duhteriro bose numu to yoachu tiro mehne macaina chueraina jierara. ³⁵ Yu Pucu Cohamacu yãhure to naari baharo pinihtare yu buheina mehne

jisi yuhũ. ã jia tí pjarũta yũ buheina cãhũ chũ duhuahca –niha Jesu.

³⁶ Panopũ macaa buhea wahma buhea mehne ti buhe more duachũ ñũno õ sehe ni namoha Jesu tinare piti dahre buhero:

–Ne wahma suhtirore mahari cahsarocã tãhrẽ na, mũnano suhtirore sere õno cahmaerara. Mari ã sere õna wahma cahsarore tãhrẽ cohãna nija. ã yoa wahma cahsaro mũnano suhtiro mehne cãno potori bajuerara. (Tó seheta mũna buhea wahma buhea mehne piti dahre buheraro cahmana.)

³⁷ ã yoa ne se co bisia core wahiquiro cahsaro wajuru mehne mũna wajuru mehne posaeraro cahmana. Mari ã yoachũ se co bisia pahmoapũ mũna wajurure tãhrẽnocahna. To tãhnũchũ se co cãhũ, wajuru cãhũ cohõa wahara. ³⁸ ã yoa se co wahma core wahma wajurupũ posaro cahmana. Mari ã yoachũ se co cohõera, wajuru cãhũ cohõerara. (Tó seheta wahma buhea mũna buhea mehne buhe moreraro cahmana.) ³⁹ Mũna core masa ti sihniri baharo, wahma core cahmaerara tina. Õ sehe nia tire masa: “Mũna co wahma co bui curero noaa jira”, nia tire masa –niha Jesu tinare.

6

Sabado jichũ Jesu buheina trigo parorire paha yũhdũ wahcãha

(Mt 12.1-8; Mr 2.23-28)

¹ Pa dacho Sabado jichũ Jesu cãhũ trigo wesepũ sãha. Tópũ sũ, to buheina sehe trigo parorire paha, tí pohcarire sahca site boro, tí yaparire chũ wahcãa niha. ² Ti ã yoachũ ñũa mahainacã fariseo curua macaina tinare õ sehe ni sinituha:

—¿Dohse yoana m̄sa Sabado mari sori n̄m̄ to jipach̄ta dahrajari? Marine dutiare ȳhd̄r̄ca n̄a nina m̄sa —niha fariseo curua macaina Jesure.

³⁻⁴ Ti ã nich̄ t̄horo Jesu tinare ȳhtiha, (“Ȳ buheina ȳhd̄r̄caa nierara”), nino taro:

—Davi cjiro tiro mehne macaina mehne j̄ca baaro, Cohamac̄ w̄h̄r̄p̄ s̄a, Cohamac̄ ya p̄ore ch̄ha. ã ch̄ro tó mehne macaina c̄h̄re tí p̄ore ch̄ dutiro waha. Tí p̄ore sacerdotia dihtare ch̄ dutira. Cohamac̄ dutia tí p̄ore painare ch̄ dutierara. ¿Davi cjiro tíre to yoari cjiro buherari m̄sa? (Tí p̄ore ch̄ro Cohamac̄re ȳhd̄r̄caro nieraha. Michare ahri yaparire ch̄a ȳ buheina c̄h̄ Cohamac̄re ȳhd̄r̄caa nierara.) ⁵ Ȳh̄ mas̄no Cohamac̄ warocariro ahri dacho Sabado dachore masa ti yoahire yahurirota jic̄ p̄htorota jija —niha Jesu.

Wamomaca b̄hariro quitijira
(Mt 12.9-14; Mr 3.1-6)

⁶ Pa dacho Sabado jich̄ Jesu judio masa ti buheri w̄h̄r̄p̄ s̄a s̄ro, buheha masare. Tói wamomaca pota b̄h̄sehe b̄hariro jiha.

⁷ Mahainac̄ judio masare buheina, fariseo curua macaina c̄h̄ Jesure yahusã duamaha. “Sabado dachoi mas̄nore noariro wahach̄ yoaboca Jesu” ni, ñ̄ n̄n̄ yahusã duamaha tina Jesure. ⁸ Jesu ti t̄hotuare mas̄no, b̄harirore ò sehe niha:

—Wahcã s̄r̄caga jipih̄tina ti ñ̄rocaroi —niha tire.

To ã niri baharo b̄hariro sehe wahc̄r̄c̄ s̄, tói duc̄ha. ⁹ ã jiro Jesu tinare ò sehe ni sinituha:

—M̄sare sinituihtja: ¿Sabado jich̄u yabare yoa dutijari Cohamac̄u dutia? ¿Noaare yoach̄u noaerajari? ¿O ñaare yoach̄u sehere noajari, m̄sa t̄hotuch̄u? Sabado jich̄u mas̄nore masoch̄u noa nina. Sabado jich̄u mas̄nore waj̄ach̄u sehere noaerara —niha Jesu tinare.

¹⁰ ã nino Jesu tinare ñuroca õ pahño, buharirore õ sehe niha tjoa:

—M̄u wamomacare siõrocahga —niha tiro.

To ã nich̄uta buhariro sehe siõroca, noari wamomaca wahaha. ¹¹ To ã yoach̄u ñ̄ua tina Jesu mehne tuaro suaha. ã suaa õ sehe niha:

—¿Dohse yoanahcari mari ahrirore? —niha tina ti basi.

Jesu to buheinare doce to warocahtinare bese dapoha

(Mt 10.1-4; Mr 3.13-19)

¹² Tí dachorire Jesu t̄sc̄u Cohamac̄u sinino m̄jaa wahaha. Tóru jiro, ñamine Cohamac̄u mehne durucu bohreaa. ¹³ Bohrearop̄u to buheinare to cahap̄u pjirocaha. Pjiroca tuhs̄u, tina mehne macainare doce waro to warocahtinare bese dapoha. ¹⁴⁻¹⁵ Ahrina jiha Jesu to bese daporina: Simo jiha. Simore Pedro ni pisuha Jesu sehe. Simo bahuro Andre, Santiago, João, Felipe, Bartolomé, Mateo, Toma, Santiago jiha. Santiago sehe Alfeo mac̄no jiha. ã jia Simo cananista ya curua macariro cjiro, ¹⁶ Juda Santiago mac̄no, Juda Iscariote tina jiha to bese daporina. Juda Iscariote sehe Jesure ñ̄u tuhtiinare ñohtiro jiha.

Jesu paȳu masare buheha

(Mt 4.23-25)

17 Ñ yoa Jesu to buheina mehne tãcũ buipũ jirina duji taa, payũ paina to buheina mehne duji wihirũca, noari wapai ducuha tina. Jipihtiro Judea yahpa macari macaina, Jerusalẽ macaina, Tiro wama tiri maca macaina, Sidõ wama tiri maca macaina, pjiri ma dũhtũ cahai jia macari macaina masa payũ tiro cahapũ wihaha. 18 Tina Jesu buheare tũhoa taa, ti dohatiare cohãchũ cahmaha tina. Watĩa ti cohtotarina cãhũ tiro cahapũ wihi, noaina wahaha. 19 Jesu to tuaa mehne noaina wahachũ yoaha tinare. Ñ jia tina jipihtina tirore dahra ñũa taha.

Jesu wahcheare, cahyaa cãhũre buheha
(Mt 5.1-12)

20 Baharo Jesu to buheinare ñũ, õ sehe ni yahuha:

—Mũsa pjacũoina, pũhtoro Cohamacũ to sũho jiropũ wahanahca mũsa. Ñ jina mũsa wahchenahca.

21 'Mipũre mũsa jũca baaina yapiina jinahca. Ñ jina wahchenahca.

'Mipũ tiina jina, baharo mũsa bujũnahca. Ñ yoa mũsa wahchenahca.

22 'Yũhũ masũno Cohamacũ to warocariro jija. Ñ jina yũ yare yoaina mũsa jiri buhiri paina mũsare ti ñũ tuhtipachũta wahcheina jira mũsa. Mũsare ti cohãpachũta wahchenahca. Mũsare ti ñãno durucupachũta "Ñaina jira", mũsare ti nipachũta mũsa sehe wahchenahca. 23 Mũsare ti ã yoachũ ñũno mũanopũ mũsa sũchũ pjĩro noano yoarohca Cohamacũ mũsare. Ñ jina tuaro wahcheina jiga. Noano yajeripohna tiina jiga. Mũsare ñũ tuhtiina

ti coyea panopu macaina tó seheta ñano yoaha Cohamacu yare yahu mautaina cjiri cãhure.

²⁴ Ñ yoa musa mipu payu cjuaina ahri yahrapu musa noano jinoca tuhsure. Ñ jina ñano yuhduina jinahca musa.

²⁵ Mipu yapiina musa jucã banahca. Musã ã jina ñano yuhduinahca.

Mipure musa bujuina jina baharopu musa cahya, tiinahca. Ñ jina musa ñano yuhduinahca.

²⁶ “Cohamacu yare yahu mautaina jija”, ni mahñoinare “Noaina jira”, nimaha payu panopu macaina. Ñ nimarina ti coyea mipu macaina cãhu ãta “Noaina jira”, niboca cãina musa mehne macainare. Ti ã nimarina musa jina ñano yuhduinahca musa cãhu —ni buheha Jesu.

Musare ñu tuhtiina ti jipachuta tina cãhure cahãga

(Mt 5.38-48; 7.12)

²⁷ Ñ yoa õ sehe ni buhe namoha Jesu:

—Yuhure tuho duainare, musareta nii nija. Musare ñu tuhtiina ti jipachuta tina cãhure cahãga. Musare ñu tuhtiinare noano yoaga. ²⁸ Musare “Ñano yuhdujaro”, niina ti jipachuta noa dutiga tinare. Musare ñano yoaina ti jipachuta “Tina cãhu noano jijaro”, ni sini payoga Cohamacure. ²⁹ Cãiro musa wahsupure to cjãchu, pa buhusehe cãhure cjã dutiga tirore. Musã bui macari suhtirore to machu musa camisa cãhure ã wanocahga tirore. ³⁰ Musare sinirirore to sinino purota waga tirore. Musã yare to nachu tirore sinituena tjia pari turi tíre. ³¹ Paina musare ti noano yoachu cahmana

musa. Tinare musa noano yoachũ cahmano sehetã musa cãhũ noano yoaga tinare. Musare ti noano yoaerapachũta musa sehe tinare noano yoaga.

³² 'Musare cahĩina dihtare musa cahĩchũ tí ne yaba cjihti jierara paina sehere musa cahĩerachũ. Ñaina cãhũ tinare cahĩina dihtare cahĩina. ³³ ã jina musare noano yoaina dihtare musa noano yoachũ tí cãhũ ne yaba cjihti jierara paina sehere musa noano yoaerachũ. Tíre ñaina cãhũ yoaa tire.

³⁴ ã yoa “Yũhũre wiaa tire”, musa niina dihtare musa wasochũ ne tí yaba cjihti jierara. Ñaina cãhũ painare “Yũhũre wiaa tire”, ti niinare wasoa tire. ³⁵ ã jina musa sehe musare ñũ tuhtiina cãhũre cahĩga. ã yoa, tinare noano yoaga. Pairore wasona “Yũhũre ne wiasi ahriro”, ni tũhotuenata tirore wasoga. Cohamacũ sehe tirore ji coeraina cãhũre, ñaina cãhũre noano yoara. To yoaro sehetã yoaga musa cãhũ. Musa ã yoachũ Cohamacũ pjíro noano yoarohca musare. Musa ã yoana Cohamacũ tua yũhdũariro mũano macariro pohna jinahca. ³⁶ Mari Pũcũ mũano macariro to pja ñũriro sehetã musa cãhũ masare pja ñũga —ni yahuha Jesu.

*Paina cãhũre “Ñaina jira”, niena tjiga
(Mt 7.1-5)*

³⁷ ã yoa tinare õ sehe ni yahu namoha:

—Painare “Ñaina jira”, niena tjiga musa. Musa ã nierachũ Cohamacũ musa cãhũre “Ñaina jira”, nisi. Paina musare ti ñano yoarire ti ñano niri cãhũre boga musa. Musa ã bochũ ñũno Cohamacũ musa cãhũre musa ñaa yoari buhirire borohca.

³⁸ Paye barore cjuana painare waga. Musa ã

wach_u Cohamac_u m_usare warohca. ã waro noano quihõno m_usare pj_uro warohca. Wahpa y_uhd_uaro warohca. Painare m_usa wariro purota Cohamac_u m_usa cãh_ure warohca —niha Jesu tinare.

³⁹ ã ni tuhs_u Jesu quitu mehne piti dahre buhero õ sehe ni yahu namoha:

—Capari ñ_ueraina sahsero ti basi noano t_uã wahcã masierara. ã t_uã wahcãa, tina p_uaro doca wahã s_u bora sãa wahaahca copap_u. (Tó seheta Cohamac_u yare masieraina painare buhe masierara. ã jia tina jipihtina pichacap_u wahaahca.) ⁴⁰ Buheina tinare buherirore masi y_uhd_ug_ucaerara. ã jipahta jipihtina buheina ti noano buhe pahñori baharo tinare buheriro yoaro seheta jiahca —niha Jesu.

⁴¹ ã ni tuhs_u paye quitu mehne yahu namoha:

—Mari piti dahre buhech_u õ sehe yoaina jira m_usa: M_usa coyeiro to capariacap_u mahari pohcarocã to sãach_u tí pohcarocãre noano ñ_una m_usa. M_usa ya capariacare pjiri pj_u to jipach_uta tí pj_une ne ñ_uerara m_usa. (Mahari pohcarocãre m_usa ñ_uno seheta m_usa coyeiro to ñ_uno yoaa sehere noano ñ_una m_usa. M_usa basi m_usa ñ_uare tuaro yoapanahta tíre masierara m_usa pjiri pj_une m_usa ñ_ueraro seheta.) ¿Dohse jiro baro ã jijari m_usa?

⁴² Õ sehe niina yoaro sehe jira m_usa: “Coyeiro, m_uh_u ñ_uare yoai nica m_uh_u. ã jic_u tíre duhuga”, niina yoaro sehe jira m_usa. ã niina jipanahta pj_uro ñ_uare yoara m_usa sehe. ¿Dohseana m_usa ñ_uare yoapanahta tíre masierajari m_usa? Masa ti baharo b_uh_usehei ñ_uno yoa cohtaina jira m_usa ã yoaina. Pjiri pj_une m_usa capariacai jiri pj_une

musa na m̄htaboriro seheta musa ñaa yoaa sehere duhu m̄htaga. Musa ã yoari baharo musa coyeiro to ñano yoaaare duhuch̄u yoaa masiboca mahari pohcaroc̄are musa naboro seheta –ni buheha Jesu.

Masa ti durucuare t̄hona ti jia tiare masija mari

(Mt 7.17-20; 12.34-35)

⁴³ ã yoaa piti dahre buhero õ sehe ni yahu namoha tinare:

–Noad̄u yuch̄u ñaaare dicha tierara. ã yoaa ñad̄u noaaare dicha tierara. ⁴⁴ Yuch̄u dichare masina t̄are masina. Pota tid̄u higuera pocare dicha tierara. ã yoaa agã potac̄u se t̄ohorine dicha tierara. ⁴⁵ Tó seheta jira masa c̄h̄u. Noariro to t̄hotuap̄u noaa jira. ã jiro tiro noaaare yoara noad̄u to noano dicha tiro seheta. Ñariro to t̄hotuap̄u ñaa jira. ã jiro tiro ñaaare yoara ñad̄u ñaaare to dicha tiro seheta. Mari t̄hotuap̄u marine ti jiro seheta durucuja mari –ni yahuha Jesu.

P̄ua w̄h̄u yoaina quitire yahuha Jesu

(Mt 7.24-27)

⁴⁶ ã yoaa tinare õ sehe ni yahu namoha:

–Musa yuh̄ure “P̄uhtoro”, nina. ã nipanahta yu dutia sehere yoaaerara musa. ¿Dohse jiro baro ã yoajari? ⁴⁷ Jipihtina yuh̄ure cahmaina yu yahuaare t̄h̄ora. ã jia yu dutiare yuh̄d̄u caerara. Õ seheta jira yuh̄ure yuh̄d̄u caeraina: ⁴⁸ W̄h̄u dahreriro yoaro sehe jira tina. Tiro c̄ãã coparire t̄aa wap̄ai to s̄ch̄u saha, w̄h̄ure noano dap̄o d̄ucaha. Tí w̄h̄u noano to yoari w̄h̄u jiro dia to minich̄u

tuaro to cotiãpachuta tí wuhũ noano tjuaha. ⁴⁹ ã jia yũ dutiare tãhopahta yũhdũũcaina sehe wũhũre noano yoarerario yoaro sehe jira. Tí wũhũre buicã dapo, noano dahre dũcaeraha. To ã cũri wũhũ jiro dia minino to cotiãchũ dóihta tí wũhũ burũa wahaha. ã jiro tí wũhũ tuaro bora sũ cahaa wahaha —niha Jesu.

7

Surara pũhtoro cahamacũnore to dohatichũ Jesu noariro wahachũ yoaha tirore (Mt 8.5-13)

¹ Tí quitire masare yahu tuhsũ Jesu cũhũ Capernaupũ sũha. ² Tóí jiro cien surara pũhtoro to cahamacũnore tuaro cahĩha. To cahamacũno sehe dohatiro jiro, yariaro cahariro jimaha. ³ ã jiro Jesu to yoare tũhoro, judio masa bũcũnare Jesu cahapũ warocaha pũhtoro sehe.

—Dohatirore noariro wahachũ yoai taga —ni yahu dutiro warocaha pũhtoro bũcũnare.

⁴ Tina Jesu cahapũ sũa, õ sehe ni tuaro mehne yahuha tirore:

—Surara pũhtoro sãre warocahre. To cahamacũnore dohatirore to yũhdũchũ cahmahre tiro. Tiro pũhtoro sehe noariro jira. To ã jichũ yoadohoga tirore. ⁵ Mari ya maca macainare tiro cahĩna. ã jiro tiro sã buheri wũhũre ti yoari wapa wapare —niha bũcũna Jesure.

⁶ Ti ã ni yahuchũ tũhoro Jesu sehe tina mehne wahaha. Surara pũhtoro ya wũhũ cahacãi to sũro cahachũ pũhtoro sehe tiro mehne macainare Jesure õ sehe ni yahu dutiro warocaha:

—Pũhtoro, noanohca. Tai tjiga. Noariro jieraja yũhũ. Ya wũhũni mũhũre sãa ta dutiboriro jieraja yũhũ. ⁷ ã jicũ mũ cahai wahaeraja. Yũ ã jipachũta mũ masia mehne noariro wahachũ yoaga mũhũ tirore. Mũ ã yoachũ yũ cahamacũno noariro waharohca. ⁸ Yũhũre yũ bui jiina paina pũhto dutira. ã jicũ yũhũ cũhũ surarare dutija. Cũirore “Wahaga”, yũ nichũ tiro wahara. Pairore “Taga”, yũ nichũ tiro tara. Yũ cahamacũnore “Ahrire yoaga”, yũ nichũ tíre tiro yoara. (Mũhũ cũhũ dutirirota jira. ã jiro mũ dutiriro sehta tiro dohatiriro yũhdũrohca) —ni yahu dutiha surara pũhtoro.

⁹ To ã nichũ tũho cũaa waharo, payũ masa tiro mehne jĩnare majarerũcũ sũ, õ sehe ni yahuha:

—Mũsare niita nija. Tiro surara pũhtoro Israe masũno jierariro Cohamacũre tuaro wacũ tuara. To cahamacũnore yũ noariro wahachũ yoachtire masi tuhsũra. Israe masare ne ahriro yoaro sehe jĩnare ñerasinija —niha Jesu.

¹⁰ To ã niri baharo surara pũhtoro Jesu cahai to warocarina sehe ti pũhtoro ya wũhũpũ tjuaa wahaha. Tju sũ dohatiriro to noariro jichũ ñũha tina.

Jesu wapewahyoro macũnore masoha

¹¹ To ã yoari baharocã Nai wama tiri macapũ Jesu to buheina mehne payũ masa mehne wahaha. ¹² Tí macare sãari sopaca cahai to sũchũ yariarirore masa na wijaa taa niha. Yariariro pocoro wapewahyoro jiha. Cũirota jiro yariaha. ã jia tó macaina masa payũ ticoro mehne wahaha.

¹³ To ã wahachũ ñũno Jesu ticorore pja ñũha.

—Tiieco tjiga —niha Jesu ticorore.

14 Ñ nino yariariro to masa putihi ña payoha. To ã ña payochu ñua tí putire wuaina sehe surucaha.

—Масу, уаһу мӱһуре õ sehe nija. Wahcã nuju suga —niha Jesu.

15 To ã niri baharo yariariro cjiro wahcã nuju su, durucuha. Ñ jiro Jesu tirore to pocore waha.

16 To ã yoachu ñua tina jipihina cuia wahaha. Ñ jia tina Cohamacure ño payoa, õ sehe niha:

—Cohamacu yare yahu mahtariro masi yuhdhariro mipu pinihtare mari watoi jira —niha tina.

—Cohamacu marine to yainare yoadohoro wihi tuhsuhre —niha paina.

17 Ñ jia jipihina Judea yahpa macainare tó duhtu cahai jia macari macainare Jesu to yoirire masa yahu site pahñoa.

João masare bautisariro to buheinare Jesure sinitu dutiha
(Mt 11.2-19)

18-19 Ñ yoa Jesu to yoirire ñua João yahuha to buheina. Ñ ti yahuchu turo puarore tiro cahai pjiroca, Jesure sinitu dutiro warocaha João. Õ sehe ni sinitu dutiha:

—¿João “Yu baharo paio tarohca”, to niriro tjijari muhu? ¿To niriro mu jierachu paire cohtanahcari sã? —ni sinitu dutiha João puaro to buheinare.

20 Ñ yoa tina Jesu cahai su, sinituha tirore:

—João masare bautisariro mure sinitu dutiro warocahre sare. ¿João “Yu baharo paio tarohca”, to niriro tjijari muhu? ¿To niriro mu jierachu paire cohtanahcari sã? —ni sinituha tina Jesure.

21 Tí pjata payu dohatiinare, watia ti cohtainare, capari ñerainare noaina wahachu yoaha Jesu. 22 ã jiro João warocainare Jesu õ sehe ni yuhtiha:

—Mipure musa ñurire musa tuhorire João yahuna wahaga: Õ sehe niga: “Capari ñeraina ñuna. Tini masieraina tinina. Cami bucu baaina noaina wahara. Tuho bocaeraina tuhoa wahara. Yariaina masaa wahara. Tina jipihtinare noaina wahachu yoahi yuhu. ã yoa pjacuoinare noaa buheare yahuja. 23 Yuhure tuhoriro ‘Potocã tjira’, niriro tiro wahcheriro jira”, João ni yahuna wahaga —niha Jesu.

24 João buheina ti wahari baharo Jesu sehe João to jia tiare yahu ducaha payu masare:

—Masa marienopu suna tjare wihnono to wãroca cohtotachu yoariro seheta to buheare cohtota mujaritore ñuna suerare musa. ã yoariro jierare João. 25 “Noa suhti tirirore ñuna wahajihna”, nierare musa masa marienopu wahana. Noaa suhti tiina wapa bujmare cjuaina puhto ya wuhusepu jira. Masa marienopu jierara. 26 Masa marienopu suna Cohamacu yare yahu muhtaritore ñuna suhre musa. Potocã tjira. João Cohamacu yare yahu muhtariro jira. Paina Cohamacu yare yahu muhtaina yuhdoro jiriro jira tiro. 27 Panopu Cohamacu yare ti joari pui João õ sehe ni yahu joaa tiha:

“Mari Pucu to macunore õ sehe niha: ‘Mu pano muhure yahuyuhtirore warocai nija’, niha Cohamacu”,

ni yahu joaa tiha panopure João. 28 Musare potocã niita nija. Paina jipihtina bui jira João. Ahri

turupure to ã jipachuta muanopure Cohamacu masare puhtoro to noano sãho jiropure jipihtina docapu jiriro pinihta João bui jira –niha Jesu masare.

²⁹ To ã nichu tuhoa jipihtina masa, puhtoa ya cjihtire wapa na cohtaina mehne João to bautisarina jia õ sehe ni tuhotuha Cohamacure. “Cohamacu quihõno yoariro jira”, ni tuhotuha tina. ³⁰ Fariseo curua macaina sehe judio masare buheina cãhu João to bautisanohrina ji duaeraha. ã jia tinare Cohamacu to yaina to yoa duachu cahmaeraha.

³¹ ã yoa Jesu pari turi õ sehe ni yahuha:

–¿Mipu macaina masa yabaina yoaro sehe jijari tina, musa tuhotuchu? ³² Tina macanacã yoaro sehe jira. Paina ti cahmano sehe ti yoerachu tó wahaerara tinacãre. Pache duaropu pape dujia, õ sehe ni pisurucura tinacã ti basi: “Musa basahti cjihtire sã putipemahi. ¿Dohseana musa basaerari sã tíre putipechu? Sã tuaro ñahacaha tiipe, sañurucumahi. ¿Musa sehe dohseana sã mehne tiiperari?” nirucuina yoaro seheta jira mipu macaina cãhu. (Mipu macaina ti cahmano seheta sã yoerachu ñua tó wahaerara tina cãhure.)

³³ João bautisariro Cohamacure ño payoro taro ne cheraro, vinore sihnierare. To ã sihnierachu ñua “Watño to cohtotariro jira”, nimahre musa tirore. ³⁴ Yuhu masno Cohamacu warocariro jicu, yuhu chu sihnija. Yu ã yoachu ñua õ sehe nina musa yuhu sehere. “Ñuga. Ahriro pjíro cheriro, cahariro jira. Puhtoa ya cjihtire wapa na cohtaina, ñano yoaina cãhu ti piti tiriro jira ahriro”, nina musa yuhure. ã nina macanacã yoaro sehe durucuina jira musa. (Musa cahmano sehe sã

yoaerach_u tó wahaerara m_usare. Ne wahcherara m_usa.) ³⁵ ã masierapanahta sã yoa ñorire ñ_una, Cohamac_u yare sã masich_u masinahca m_usa —ni yahuha Jesu.

Simo wama tiriio fariseo curua macariro ya w_uh_ui jiha Jesu

³⁶ Fariseo curua macariro to w_uh_up_u ch_u dutiro pjija Jesure. To ã pjich_u Jesu to ya w_uh_up_u s_u, ti ch_uri mesa cahai nuju s_uha. ³⁷⁻³⁸ Tí macap_ure ñaare ñaare yoarucuricoro cjiro jiha. Jesu fariseo curua macariro ya w_uh_up_u to dujich_u ticoro t_uhoha. ã t_uho tuhs_u alabastro mehne yoariare me sitia posa tiriare na ta, Jesu baharo bah_usehei wihi tar_uca, tiha. ã tiro Jesu dahporire to yahco co mehne wayo, to pjoari mehne pahã cohãha. To dahpori w_uach_u ñ_u ticoro to dahporire wihi, me sitia mehne pio payoha. ³⁹ To ã yoach_u ñ_uno fariseo curua macariro Jesure pjiriro to basi õ sehe ni t_uhotumaha: “Ahricoro t_urore ñaha ñ_uricoro ñaare yoarucuricoro jira. Ahriro Jesu Cohamac_u yare yahu m_uhtariro jiro tíre masiboa”, ni t_uhotumaha. ⁴⁰ To ã ni t_uhotuare masino Jesu õ sehe ni yahuha t_urore:

—Simo mip_u pinihtare m_uh_ure yahu duaja —niha Jesu.

—Buheriro, ¿y_uh_ure dohse ni yahu duajari m_uh_u? —ni y_uhtiha Simo.

⁴¹ To ã nich_u Jesu õ sehe ni piti dahre buhe y_uhtiha:

—P_uhtorore p_uaro wapamoina jiha. Cãiro wapamoriro quinientos niñeru t_urire wapamoha. Pairo sehe cincuenta niñeru t_urire wapamoha.

42 ã jia tina ti wapamoare ti wapa bihoerachũ ñno pũhtoro ti wapamoare wapa dutieraha. ¿Mipũ pinihtare diro sehe wapamoriro sehe to pũhtorore cahĩ yũhdũrohcarĩ? –ni sinituha Jesu.

43 Simo õ sehe ni yũhtiha:

–Bũah, pjĩro wapamoriro mahanocã wapamoriro yũdoro to pũhtorore cahĩ yũhdũboca –niha Simo.

–Potocã ni yũhtihre mũhũ yũhũre –niha Jesu.

44 ã ni tuhsũ tirore pio payoricorore majare ñũ, Jesu Simore õ sehe ni yahu namoha:

–Ahricorore ñũga mũhũ. Mũ ya wũhũpũ yũ sãa wihiri baharo yũ dahporire cosahti core yũhũre waerare mũhũ. Ahricoro sehe to yahco co mehne yũ dahporire wayo, to pjoari mehne pahã cohãhre yũhũre. 45 Mũhũ sehe yũhũre piti boca wihmierare. Ahricoro sehe õi yũ dujiro puro yũ dahporire wihmihre. 46 Mũhũ sehe yũ dapure se mehne pio payoerare. Ticoro sehe yũ dahporire me sitia mehne pio payohre. 47 ã nicũ mũhũreta yahui nija. Ahricoro to ñaa yoari cjiri payũbia jira. ã jiricoro jiparota ticoro tuaro cahĩhre yũhũre. ã jicũ ñaare to yoari buhirire cohãhi. ã jia ñaare ti yoari buhirire mahanocã yũ cohãnohrina mahanocã cahĩna yũhũre –niha Jesu Simore.

48 ã ni tuhsũ tiro ticorore õ sehe ni yahuha:

–Mipũ pinihtare ñaare mũ yoari buhirire boja –niha Jesu.

49 To ã nichũ tũhoa Jesu mehne dujiina ti basi õ sehe ni durucuha:

–¿Dohse jiro baro jijari ahriro ñaa buhirire boriro? –niha tina ti basi.

50 Ñ ni tuhsu, Jesu numinore õ sehe ni yahuha:
 —Yuhure mu wacũ tuachu muhure pichacamu
 wahaboricorore yuhdoja. Cuiro marieno mu
 wuhumu tjuaa wahaga —niha Jesu ticorore.

8

Numia Jesure yoadohoha

1 Baharo bujua macaripu daa macaricãpu cãhure
 su, Cohamacu masare puhtoro to noano suho jiare
 noaa buheare yahuha Jesu. Doce to buheina sehe
 tiro mehne jiha. 2 Ñ yoa numia cãhu watã ti cohto-
 tari numia cjiri, dohatia numia cjiri Jesu noaa nu-
 mia to yoari numia tiro mehne tiniha. “María”, ti
 nimaricorore “Magdalena”, ni pisua tiha ticorore.
 Ticorore siete watãre Jesu cohã wioha tó pano. Ñ
 jiro ticoro cãhu Jesu mehne tiniha. 3 Cuza wama
 tiriro Herodere dahra cohtaina puhtoro cjiro na-
 mono Juana cãhu Jesu mehne tiniha. Susana
 wama tiricoro cãhu paye numia mehne payu ti
 cjuaa mehne tirore yoadohoha.

Jesu wesere toari masuno quitire yahuha (Mt 13.1-9; Mr 4.1-9)

4 Ñ yoa payu macari macaina Jesu cahapu cah-
 machuha. Ti ã cahmachuri baharo Jesu to tuhotua
 mehne quitu dahre tinare õ sehe ni yahuha buhero
 taro:

5 —Toari masuno toaro, to toaa yaparire doca
 site cõno wahaha. To ã doca site cõ wahcãchu
 paye yapari mahai bora caha suha. Ti ã bora caha
 suchu paye yaparire masa tu diho cãha. Ñ jia paye
 yaparire minichahca duji ta, chunocaha. 6 Ñ yoa
 paye yapari sehe tãa wapa bui dihta se mininocã

bui bora caha s̄aha. Tí yahpap̄u co mariaha. ã jia tí yapari du wija tarucuma ñaia wahaha. ⁷ Paye yapari sehe tja watoi bora caha s̄aha. Tja sehe tí toaa mehne duha. Tja sehe dia ȳuhduha waha, toaare wajānocaha. ⁸ Paye yapari noari yahpai bora caha s̄aha. Noano dua jia noano dicha tiha. ã jia paȳu dicha tiha –niha Jesu.

ã ni tuhs̄u õ sehe tuaro ni namoha:

–Ahrire t̄aho duaina noano t̄ahoga m̄asa –niha tiro.

Jesu quiti mehne to buherire yahuha

(Mt 13.10-17; Mr 4.10-12)

⁹ Baharo to buheina tí quitire masi duaa, Jesure õ sehe ni sinituha:

–¿Ahri quiti mehne dohse ni yahui nijari m̄ah̄u? –ni sinituha tina.

¹⁰ Ti ã nich̄u Jesu õ sehe ni ȳuhtiha:

–Cohamac̄u masa bui p̄uhtoro to noano s̄aho jiare panop̄u paina ti masierari cjirire m̄usare masich̄u yoarohca Cohamac̄u. Paina sehere ã yoaerara tiro. Tinare quiti mehneta buheihtja. Ȳu ã yoach̄u tina ȳu buheare t̄ahopahta masisi –niha Jesu to buheinare.

Jesu wesere toari mas̄u no quitire yahu pah̄ñoha

(Mt 13.18-23; Mr 4.13-20)

¹¹ ã ni tuhs̄u tinare õ sehe ni yahu namoha:

–Õ sehe ni yahura ahri quiti: Toaa yapari noaa buhea yoaro sehe jira. ¹² ã yoa maha duht̄u cahai bora yapari sehe noaa buhea yoaro sehe jira. Cãina masa noaa buheare ti t̄ahoch̄u ñ̄ano wat̄ño sehe ta, tí buheare masi dutierara masare, minichahca tí yaparire ti ch̄u coh̄ano seheta yoaro.

To ã yoaerach_u tina Cohamac_ure wacũ tuaboa. Ti ã wacũ tuach_u ñ_uno Cohamac_u sehe tinare pichacap_u wahaborinare y_uhdoboa. ¹³ ã yoa tãa wapa bui dihta se mininocã bui bora yapari noaa buhea yoaro sehe jira. ã jia masa noaa buheare t_uho, wahchea mehne tíre t_uho n_un_u wahcãna. ã t_uho n_un_upahta tãa wapa buicã jia yuc_u n_uhcori mariea yuc_u yoaro seheta ahrina masa cãh_u yoari pja cãno pjaerara. ã cãno pjaeraa y_u yare ti cahmari buhiri paina tinare ti ñ_uno yoach_u ñ_ua y_u yare duhunocahna. ¹⁴ ã yoa tja watoi bora yapari noaa buhea yoaro sehe jira. ã jia masa noaa buheare t_uhopahta, ahri yahpa macaare wacũ n_un_u y_uhd_uara. Niñerure buj_ua cahma, paye baro cãh_ure pay_u cahma, tíre goa pja y_uhd_uara tina. Ti ã yoach_u tí sehe noaa buheare d_ucata. Ti ã d_ucatach_u masa noaa sehere yoaerara. Dicha maria yuc_u yoaro seheta jira. ¹⁵ ã yoa noari yahpai bora yapari noaa buhea yoaro sehe jira. ã jia masa noaa buheare t_uho, noano mehne tí buheare y_uhd_ur_ucaerara. ã jia yuc_uc_u dicha tiro seheta noaa buheare t_uhoina sehe Cohamac_u to cahmano seheta noaare yoara —niha Jesu.

Jesu sihãria quitire buheha
(Mr 4.21-25)

¹⁶ ã ni tuhs_u paye quiti mehne piti dahre buheha tiro:

—Ne sihãriare ti sihãri baharo tiare dihi biato docai cãerara masa. ã yoa tiare coãri casario docai cãerara. M_uanop_u tiare duhu payora w_uh_up_u sãa taina ti noano ñ_u sãahto sehe. ¹⁷ Jipihti ti masierari

cjirire baharo masa masiahca. Sihãria to buhri-achu mari ñu masino seheta panopu ti masierari cjirire masiahca masa.

¹⁸ 'Ã jina musa tuhona noano tuho nunuga. Noano tuho nuneriro, noano masinohca. Tuho nunerariro "Mahanocã tuhoja", to nipachuta tí sehere boa waharohca –niha Jesu.

Jesu coyea tirore pjihã

(Mt 12.46-50; Mr 3.31-35)

¹⁹ Baharo Jesu bahana ti pocoro mehne tiro cahapu wahaa nimaha. Masa payu jichu to cahapu suraha. ²⁰ 'Ã jiro cãiro Jesure õ sehe ni yahuha:

–Mu poco mu bahana mehne sopacapu ducuhre. Mahure ñua taa niyuhti –niha tiro Jesure.

²¹ To ã nichu Jesu õ sehe ni yahuha jipihtinare:

–Cohamacu ya buheare tuhoina, tãre yuhducaeraina tinata yu poco yu bahana yoaro sehe jira –niha Jesu tinare.

Jesu wihnonore yusu dutiha

(Mt 8.23-27; Mr 4.35-41)

²² Pa dachoi Jesu to buheina mehne dohoriapu samu:

–Basa, pahãjihna –ni, tina jipihtina tia mehne bucupariropu pahãa wahaha.

²³ 'Ã pahãno carã wahaha Jesu. Ti ã pahãrucuchu waro tuaro wihnono taha. Wihnono to tachu bujua pahcõri wahcã, tinare mionocamaha. 'Ã to wahachu minihto cua yuhduaha tinare. ²⁴ 'Ã wahachu ñua Jesu cahai waha, tirore wahcõha.

–Buheriro, mari mini yariana tana nijã –niha tina.

Ti ã nichu Jesu sehe wahcã, wihnonore “Tó purota wã duhuga”, niha. ã ninota pahcõri cãhure “Yusua wahaga”, niha. To ã nichuta wihnono yuhduwa wahaha. ã yoa pahcõri cãhu yusu boraa wahaha. ²⁵ ã wahari baharo Jesu tinare õ sehe niha:

—¿Musa yuhure wacũ tuaerasinijari? —niha tiro.

To ã nichu tina sehe cui, cãaa waha, ti basi õ sehe ni durucuha:

—Cue, ¿dohse jiriro baro masuno jijari ahriro? Ahri wihnono, pahcõri cãhu to dutichu yuhduwãcaerara tirore —niha tina ti basi.

Watã ti cohtotarirore noariro wahachu yoaha Jesu

(Mt 8.28-34; Mr 5.1-20)

²⁶ ã yoa tina sie coapu Gerasa macaina ya yahpapu pahã suha. Tí yahpa Galilea yahpa potoihta jiha. ²⁷ Tóí Jesu to maja surucu suchu waro tó macariro watã ti cohtotariro tiro cahapu taha. Tiro yoari pja suhti marieriro jiro, to wuhapure ne jieraha. ã yoa masa copari tãa copari watoi jia tiha tiro. ²⁸⁻²⁹ ã jia payu tahari watã tirore ñahaha. ã jiro tiro peresui to jichu to wamomacarine dahporire comaa dari mehne duhteriro jiparota, tiro tí darire nuha mɔjaha. ã yoa watã sehe tirore masa marienopu na wahcãa tiha. ã yoa tiro Jesure ñuroca õ tuaro sañurucu, Jesu panoi na tuhcuca caha suha. To ã yoachu ñuno Jesu sehe tirore õ sehe ni dutiha:

—Watã, duhuga ahrirore —niha Jesu.

To ã nichu tuhoro watã ti cohtotariro tuaro sañurucu, õ sehe ni sinituha Jesure:

—Jesu, ¿Cohamacu Jipihtina Bui Jiro macano yabare yoai tai nijari mahu yuhure? Yuhure, ñano yoai tjiga —niha watia ti cohtotariro.

³⁰ To ã nichu Jesu sehe õ sehe ni sinituha tirore:

—¿Yabariro wama tijari mahu? —niha.

Payu watia tiro mehne jiha. ã jiro õ sehe niha watia ti cohtotariro:

—Watia payu wama tija sã —ni yuhtiha watia ti cohtotariro tiro.

³¹ —Cuãri copapu sãre waha dutiecu tjiga —ni, tuaro siniha watia sehe.

³² Tí pjare tói tãcu dahpotoi yesea payu chua niha. Ti tói chachu ñua watia õ sehe ni siniha Jesure:

—Sina yesea cahapu warocaga sãre ti pjacuripu sã sãahto sehe —ni siniha watia.

Ti ã sinichu tuhoro “Jai. Wahaga”, niha Jesu.

³³ To ã dutichu, watia masano mehne jirina cjiri sehe wahaa, yesea pjacuripu sãa wahaha. ã yoa tinare ti sãari baharo, yesea jipihtina bucupariro duhtu cahapu pari cunupu muroca buha, tí taropu bora ñoja, mini yaria phtia wahaha.

³⁴ Yeseare ñu wihboina yesea ti ã minichu ñua, cui, murocaa wahaha. ã muroca wahcã pjiri macapu cuhure, daa macaricãpu cuhure tíre ti ñurire yahu sitea wahaha. ³⁵ Ti ã yahuchu tuhoa,

masa sehe payu ti ã waharire ñua wahaha. ã jia Jesu cahi su, watia ti cohtotariro cjirore to suhti tiriro, tuho masiro to dujichu ñua tina. Tí jipihitiare ñua, tina cui niha. ³⁶ Watia ti cohtotariro cjiro noariro to waharire ñuina, ti ñurire painare noano yahu pahnoha. ³⁷ Tí pjata Gerasa yahpa macaina payu Jesure tuaro cuia, tirore pa seheru

waha dutiha. Ti ã waha dutichu Jesu dohoriapu samu, waharo taro niha. ³⁸ Watia ti cohtotariro cjiro Jesu to wahahto pano tuaro siniha tirore:

—Muhu mehne waha duaja —ni sinimaha.

³⁹ To ã nichuta Jesu tirore õ sehe ni yuhtiha:

—Mu ya macapu wahaga. ã wahacu Cohamacu mahure to yoarire yahuga painare —niha Jesu.

To ã niri baharo waha to ya macapu saro watia ti cohtotariro cjiro sehe Jesu tirore to yoarire jipihina to ya maca macainare yahuha.

*Jairo maconore yuhduchu yoa, cahã ñaricoro cãhure yuhduchu yoaha Jesu
(Mt 9.18-26; Mr 5.21-43)*

⁴⁰ Pari turi Jesu tí bucupariropu pahãa wahaha tjoa. To pahã tariroputa masa payu tirore cohtaa niha. ã cohtaa, tirore piti bocasiniha wahchea mehne. ⁴¹⁻⁴² Tó judio masa buheri wahu puhtoro Jairo wama tiroro Jesu cahai su, to dahpori cahai na tuhcuca caha suha tirore ño payoro. To macono yariaro niha. Ticoro cãcorota jiricoro doce cãhmari cãaricoro jiha. ã jiro tiro to ya wuhuru Jesure pji wahcãha. “Jai” ni, tiro mehne wahaha Jesu cãhu.

Mahai ti ã wahachu payubia masa tirore nãnu ti wahcã, bihsaro sarucu suha tirore. ⁴³ To ã bihsaro wahachu numino doce cãhmari waro ã cahã ñarucuricoro tó jiha. Tó pano duhturuare jipihina to niñeru mehne wapamaha ticoro co wa dutiro. Ti ã co wapachuta mananota jirucunocaha ticoro.

⁴⁴ ã jiro ticoro Jesu baharo masa payu watoi wihi, Jesu suhtirore to ñaha ñuchuta to cahã ñua pihtia

wahaha. ⁴⁵ To ã ñaha ñuchu t̄hoturo Jesu õ sehe ni sinituha:

—¿Noa yu suhtirore ñaha ñari? —niha tiro.

Jipihina “Yoaerahi”, niha. ã jia Pedro c̄hu õ sehe niha:

—Buheriro, bihsa nina. ã jia masa payu mahure pihanocahna. ¿Dohseacu ã ni sinitujari mahu? —niha tina Jesure.

⁴⁶ Ti ã nichu Jesu õ sehe ni yuhtiha:

—Michapucacã yuh noaricoro wahachu yoahi c̄corore. ã jicu yuhare to ñaha ñuchu masija —niha tiro.

⁴⁷ To ã nichu t̄horu ticoro duhti masieraro, teterericoro Jesu cahai na tuhcuca caha s̄ha tirore ño payoro. ã jiro jipihina masa ti t̄horu to dohatiare, Jesure to ñaha ñurire to noaricoro to waharire yahuha ticoro. ⁴⁸ To ã ni yahu tuhsuchu Jesu ticorore õ sehe ni yahuha:

—Maco, yuhare mu wacũ tuua mehne noaricoro tjuara mipure. Wahchea mehne wahaga —niha ticorore.

⁴⁹ To ã nino watoi Jairo ya w̄hu jiriro yahuro wihaha:

—Mu macocã yariaa wahahre. ã jicu buherirore pji tai tjiga —niha tiro.

⁵⁰ To ã nichu t̄horu, Jairore õ sehe ni yahuha Jesu:

—Cahya t̄hotui tjiga. Yuhare wacũ tuaga. Tí dihtare yoaga. Mu ã yoachu ticorocã masaa waharohca —niha Jesu.

⁵¹ ã ni tuhsu to w̄hu pu s̄, Pedro, João, Santiago, dohatiricoro p̄c̄suma tópeinata na s̄aha. Paina

sehere Jesu sãa dutieraha. ⁵² Tóí jipihtina masa ti ñahacaha tiiro watoi sãa sãha Jesu.

—Tiiena tjiga. Ticorocã yariaerare. Carĩno nica —niha tiro.

⁵³ To ã nichu tuhoa tina sehe ticoro yariaricoro to jichu masia, Jesure bujũha. “Ã nimacano nina”, ni bujũha. ⁵⁴ Ã yoa Jesu ticorocã wamomacare ñaha, õ sehe ni pisuha:

—Maharicorocã wahcãga —niha.

⁵⁵ To ã nichuta yariaricoro masaa waha, tí pjata wahcãruçu sãha ticorocã. To wahcãri baharo Jesu ticorore chũare wa dutiha. ⁵⁶ To ã masachu ñu to puçusuma ñu cãaa wahaha. Ã jiro Jesu tíre painare yahu dutieraha.

9

Jesu doce to buheinare buhe dutiro warocaha (Mt 10.5-15; Mr 6.7-13)

¹ Ã yoa Jesu doce to buheinare pjiroca, to tuaare waha tinare. Watĩare ti cohãhti cjihtire, dohatiinare noaina ti yoahiti cjihtire to tuaare waha tinare. ² Ã yoa tuhsu tinare Cohamacu masare puhtoro to noano sũho jiare buhe dutiro, dohatiinare noaina wahachu yoa dutiro warocaha tinare. ³ Õ sehe ni dutiha Jesu tinare:

—Mũsa wahana paye barore naaena tjiga. Tjuadũre, wajure, chũare, niñerure naaena tjiga. Mũsa sãano dihtare sãa wahcãga. Paye suhtire naaena tjiga. ⁴ Jipihtia macaripu mũsare ti carĩno wachu tí wũhũihta jinocasiniga. Coã wahanapu wijaahga tí wũhũre. ⁵ Paye macari macaina mũsare ti cahmaerachu ñu na tí macarine yũhũ

wahcãa wahaga. ã wahana m̄sa dahpori macaa dihta pohcari mene wajã site cūga m̄sa tinare ti ya buhirire masich̄u yoana —niha Jesu.

⁶ To ã niri baharo to buheina sehe waha, jipihtia macaripep̄u noaa buheare yahu tinia tiha. ã yoa dohatiinare noaina wahach̄u yoaa tiha.

Jesu to yoarire Herode t̄hohoa

(Mt 14.1-12; Mr 6.14-29)

⁷ ã yoa Herode Galilea yahpa macaina p̄htoro Jesu yoarire t̄horocaha. “¿Diro baro jijari tiro Jesu?” niparota ne masieraha. Cãina õ sehe nimaha Jesure: “João masare bautisariro cjiro pari turi bajuaro nica. ã jiro ‘Jesu’, ti niriro tiro tjira”, nimaha cãina. Ti ã nich̄u t̄horo Herode Jesure dohse ni masieraha. ⁸ Paina “Tiro Elia cjiro mip̄u bajuaro nina”, nimaha. Paina sehe “Cohamac̄u yare yahu m̄htaina panop̄u macaina mehne macariro cjiro mip̄u bajuaro nica”, nimaha Jesure. ⁹ Ti ã ni durucupach̄ta õ sehe ni t̄hotuha Herode sehe: “João dapure d̄ute ta duti tuhs̄hi ȳh̄u. ¿Mip̄ure jiriro masa ti yahuriro diro baro jibocari tiro sehe?” ni t̄hoturo tiro Jesure ñ̄u duamaha.

Jesu cinco mil bui masare ch̄u waha

(Mt 14.13-21; Mr 6.30-44; Jn 6.1-14)

¹⁰ ã yoa Jesu to warocarina tiro cahap̄u tju s̄ua, ti yoarire yahua Jesure. Ti yahu tuhs̄ch̄u Jesu tina dihtare Betsaida wama tiri macap̄u s̄aho wahamaha. ¹¹ Ti waharire masia, masa paȳu tinare n̄n̄u ti wahcãha. Jesure ti m̄ s̄ch̄u ñ̄no piti bocasiniha Jesu tinare. ã jiro tiro Cohamac̄u

masare pũhtoro to noano sũho jiare tinare yahu, dohatiinare noaina wahachũ yoaha.

¹² Ñamichahapũ doce to buheina tiro cahapũ sũ, Jesure õ sehe ni yahuha:

—Õ masa marienopũ jira. Õ majano macaa macaripũ, daa macaricãpũ cũhare ahrina masare warocaga. Carĩa ti chũhti cjihtire maca dutiga tinare —niha tina Jesure.

¹³⁻¹⁴ Ti ã nichũ Jesu õ sehe ni yũhtiha tinare:

—Ã nienata chũare waga tinare —niha.

To ã nichũ tũhoa tina õ sehe ni yũhtiha:

—Cũ wamomaca pihtia pão curiri, pũaro wahi tó purocãta cjũaja mari. ¿Ahrina payũ masa ti chũhti cjihtire nuchũbocari sã? —niha to buheina.

Payũ masa ti jichũ ñũa ã niha to buheina. Tópurẽ cinco mil mũa jiha. (Numia, macanacã cũhũ jiha.) ã jiro Jesu õ sehe ni yahuha to buheinare:

—Cincuenta masare cũ curuai duji dutiga. Paye curuari cũhare tópeinata duji dutiga —niha Jesu to buheinare.

¹⁵ To ã nichũ to buheina to dutiriro seheta yoa, jipihtina masare duji dutiha. ¹⁶ Duji duti tuhsũ Jesu cũ wamomaca pihtia pão curirire pũaro wahi mehne na, mũanopũ ñũha. ã ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. ¹⁷ Ti ã witi tuhsũchũ, tina jipihtina masa chũ, yapi yũhdũa wahaha. Ti yapi wahyorire doce pũhũse waro wahpo dapoha to buheina.

*Jesu potocã Cristo to jiare Cohamacũ waro-
cariro to jiare yahuha Pedro
(Mt 16.13-19; Mr 8.27-29)*

18 Cũ dacho Jesu cãirota jiro, Cohamacure sinino niha. To ã sinino watoi to buheina tiro cahapũ sũha. ã jiro Jesu õ sehe ni sinitu ñũha tinare:

—¿Diro baro jicari yũhũ masa yũhare ti tũhotuchũ? —ni sinitu ñũha.

19 To ã sinituchũ tũhoa to buheina õ sehe ni yũhtiha:

—“João masare bautisariro jira”, nina mũhare. Paina “Elia cjiro jira”, nina. Paina “Panopũ macariro Cohamacũ yare yahu mũhtariro cjiro masa wijariro cjiro jira”, nina mũhare —ni yũhtiha to buheina sehe tirore.

20 Ti ã niri baharo Jesu tinare õ sehe ni sinitu ñũha tjoa:

—¿Mũsa sehe mũsa tũhotuchũ diro baro jicari yũhũ? —ni sinitu ñũha tjoa.

—Mũhũ Cristo Cohamacũ warocariro jira —ni yũhtiha Pedro.

Jesu to yariahto cjihtore yahuha

(Mt 16.20-28; Mr 8.30-9.1)

21 ã yoa Pedro “Cristo jira mũhũ”, to nirire painare Jesu yahu site dutieraha to buheinare.

22 ã ni yahu site dutiera tuhsũ õ sehe ni namoha:

—Yũhũ masũno Cohamacũ warocariro tuaro ñano yũhdũihca. ãta yũhdũro cahmana yũhare. ã jia mari coyea judio masare buheina, bũcũna, sacerdotea pũhũa mehne yũhare cahmaeraa, yũhare wajãahca. Ti ã wajãri baharo tia dacho wahaboroi masa mũjaihca —niha Jesu tinare.

23 Baharo jipihtinare õ sehe ni yahuha Jesu:

—Cãiro yũ yairo ji duaro, to cahmano yoa duamarine duhunocanhca. ã yoa crusapũ yũ ñano

yuhduhtiro seheta yu yairo to jiri buhiri ñano yuhduparota yuhure duhusi. Ñ jiro yu yare yoarucuriro jirohca. ²⁴ Masuno yuhure wacũno marieno to mu saro to cahmano seheta yoariro pichacaru tiro waharohca. Ñ jiro yu yare ã yoarucuriro jipihitia dachoripe yuhu mehne manopu jirucurohca. ²⁵ ¿Cũiro masuno ahri yahpa macaare jipihtiare cjaruro Cohamacure cahmaeraro pichacaru waharo yabare wapatajari tiro? Ñ jiro ne wapataerara. ²⁶ Cãina yuhure, yu buheare buo tiboca. Ti ã yoachu ñucu yuhu cũhu yuhure ã yoainare buo tisãaihca. Yuhu masuno Cohamacu warocaruro noaina anjoa ti si sitea mehne, yu si sitea mehne, yu Pucu to si sitea mehne tjua tacu tinare buo tisãaihca. ²⁷ Potocã niita nija musare. Mipure cãina musa õpurre jina musa yariahto pano Cohamacu jipihitina bui puhtoro noano to sũho ji ducachu ñunahca –niha Jesu tinare.

Jesu pjacu cohtotaha
(Mt 17.1-8; Mr 9.2-8)

²⁸ Ñ yoa ocho dachori tíre to yahuri baharo Jesu Pedrore, Joãore, Santiagore tina dihtare pjiha. Ñ yoa waha, Cohamacure sinia waha, tãcupu mujaa wahaha tina. ²⁹ Cohamacure to sinino watoi Jesu wuhduha cohtotaha. To ã cohtotachu to suhtiro minoari suhtiro noano yehseri suhtiro wahaha. ³⁰ To ã waharo watoi puaro mua tiro mehne durucua niha. Durucua sehe Elia cjiro, Moise cjiro jiha. ³¹ Tina manano macaa si sitea mehne bajuaha. Jesu baharocãta Jerusalẽpu to yariahtore tina Jesu mehne durucua niha. ³² Pedro cũhu wujo caha yuhduaha. Ñ carĩpahta cua wahcã wihi Jesu to

si siteare ñha, puaro tiro mehne ducuina cãhure ñha. ³³ Moise cjiro cãh ti wahahto panocã Pedro Jesure õ sehe nimaha:

—Puhtoro, mari õre jich noa duara. Tia wãhucã yoanahtja. M ya wãhucã, Moise ya wãhucã, Elia ya wãhucã yoanahtja —nimaha Pedro.

Ã niparota to nirire ne masieraha. ³⁴ To ã ni durucuro watoi tinare me curua duji boro pja sãha. To ã duji boro pja sãch ñha tina cuia wahaha. ³⁵ Tuhs, me curua puhichap õ sehe ni durucuro coa taha:

—Ahiro y mac, y beseriro jira. Noano tãhoga tirore —nino coa taha me curua puhichap.

³⁶ To ã nino coa tari baharo Jesu dihtare ñha tina. Baharo ti ñire painare yahueraha. Ne cãirore yahueraha.

Jesu watño to cohtotarirocãre noariro wahach yoaha

(Mt 17.14-21; Mr 9.14-29)

³⁷ Pa dachoi tina tãcup ti duji tach pay masa Jesure piti bocaha. ³⁸ Ã jiro tina mehne macariro Jesure õ sehe ni pisuha:

—Buheriro, mãhure tuaro ahrire sini duaja yãh. Y mac cãirota jira. Ã jic tirore ñbasaga mãh. ³⁹ Watño tirore ñaha, sañurucuch yoa, tunu teterech yoa, sahpo tua wahach yoa tihre. Ã yoaro watño y macure ñano yãhduch yoa, ne duhu duaerara. ⁴⁰ M buheinare watñore cohã wio dutic tuaro sinimahi. Y ã sinipachata tina sehe tirore cohã wio masierare —niha tiro Jesure.

⁴¹ To ã nich Jesu sehe õ sehe niha:

—Mip_u macaina m_usa ñaina jira. ¿Y_uh_ure ne wacũ tuaeraputiajari? Yoabiari pja m_usare buhemaja y_uh_u. ¿Noho puro yoari pja y_uh_ure m_usa caribobocari? —ni tuhtiha Jesu.

Ã ni tuhs_u watĩno ti cohtotariro p_uch_urore õ sehe niha:

—M_u mac_ure na tahga —niha.

⁴² To ã niri baharo to mac_uno Jesu cahap_u to taro watoi watĩno sehe tirore yahpap_u doca caha s_u, tunu teterech_u yoaha. To ã yoach_u Jesu watĩnore wijaa dutiha. To ã wijaa dutich_u watĩno sãarirocã noariro wahaha. Ã jiro Jesu sehe tirocãre wiaha to p_uch_urore. ⁴³ Cohamac_u tuaa mehne noariro to wahach_u ñ_ua, jipihtina masa c_uaa wahaha.

Pari turi Jesu to yariahtore, to masahtore yahuha

(Mt 17.22-23; Mr 9.30-32)

Masa Jesu to yoarire ti ñ_u, c_uaa wahach_u Jesu sehe to buheinare õ sehe ni yahuha:

⁴⁴ —Michapucacã y_u yahuhtire boena tjiga m_usa. Y_uh_ure Cohamac_u to warocarirore paio y_uh_ure ñaha dutiro warohca masare —niha Jesu.

⁴⁵ To ã nipach_uta tina sehe to yahuare noano t_uho ñahaeraha. To yahurire tinare masihto basioeraha. Tí pjata Cohamac_u tinare tíre t_uho ñaha dutierasiniha. Ã jia tina cuia, tíre tirore sinitu ñ_ueraha.

Jesu buheina tina mehne macarirore p_uhtoro sõ duamaha

(Mt 18.1-5; Mr 9.33-37)

⁴⁶ Baharo Jesu buheina durucu sayoa niha:

—¿Mari mehne macariro diro sehe puhtoro ti cohtotacari? —ni sayoa niha tina ti basi.

⁴⁷ Ti ã nichu Jesu sehe ti tuhotuare masino, ni-jinocãre to cahai duhu dapo, to buheinare õ sehe ni yahuha:

⁴⁸ —Yu yare yoana tana ahrirocãre cahmana yuhu cãhure cahmana musa. ã yoa yuhure cahmana, yuhure warocariro cãhure cahmana musa. Musa mehne macariro musa cahamacuno jiro tiro cãhu puhtoro tjirohca —niha Jesu.

Marine ñu tuhtiriro jieraro, mari mehne macariro jira

(Mr 9.38-40)

⁴⁹ Baharo João Jesure õ sehe ni yahuha:

—Buheriro, mu wama mehne watãre cohãrيره sã ñuhi. Tiro mari mehne macariro to jierachu ñuna tíre tirore yoa dutiera tihí sã —niha João Jesure.

⁵⁰ To ã nichu Jesu Joãoire paina buheina cãhure õ sehe ni yahuha:

—Ã niena tjiga musa tirore. Marine ñu tuhtiriro jieraro, tiro mari mehne macariro jira —niha Jesu to buheinare.

Jesu Santiagore, João cãhure tuhtiha

⁵¹ Tí pjare Jesu manopu to wahahto panocã, “Jerusalẽpu wahahtja”, niha tiro. ã nino tópu waharo niha. ⁵² ã jia Jesu to panoi warocaina waha, Samaria yahpa macari macapu su, tói Jesu to jhtore cahno duamaha. ⁵³ Jesu Jerusalẽpu waharo taro niha. Tópu wahahtiro to jichu tuhoa, tó macaina tirore cahmaeraha. ⁵⁴ Tíre tuhoa Santiago, João mehne õ sehe ni yahuha Jesure:

—Puhtoro, m_u cahmach_u m_uano macari pichaca mehne tinare wajã dutinahca —niha tina tirore.

⁵⁵ Ti ã nich_u Jesu majare ñ_u, tuhtiha tina puarore.

[—Espíritu Santo yaina jira m_usa. Mip_u m_usa tuhoturo seheta tiro sehe tuhotuerara. Yuh_u mas_uno Cohamac_u warocariro ahri yahpap_u tac_u pichacap_u wahaborinare yoadohohtiro tai. Masare butich_u yoac_u tac_u nierahi —ni yahuha Jesu.]

⁵⁶ ã tuhti tuhs_u, pa macap_u Jesu cãh_u wahaa wahaha.

Paina Jesu mehne wahamaha

(Mt 8.19-22)

⁵⁷ Tina mahai ti wahach_u, mas_uno Jesure õ sehe ni yahuha:

—M_uh_u mehne waha duaja nohoi m_u waharoi —niha tiro.

⁵⁸ To ã ni tuhs_uch_u Jesu õ sehe ni yuhtiha:

—Cãina macaroca macaina wahiquina ti copari cj_uara. Minichahca cãh_u ti suhti cj_uara. Yuh_u mas_uno Cohamac_u warocariro sehe y_u carĩri wãh_u maeraja —niha Jesu.

⁵⁹ Baharo pairore Jesu pjiha:

—Yuh_u mehne macariro cjihto taga —niha.

To ã nich_u tiro õ sehe ni yuhtiha Jesure:

—Puhtoro, y_u pu_usc_u to yariach_u yasinii wahaihtja.

ã ya tuhs_uch_u pinihta m_uh_u mehne wahaihtja —niha tiro.

⁶⁰ To ã nich_u Jesu õ sehe ni yahuha:

—Yuh_ure cahmaeraina yariaina yoaro seheta jira. Tina sehe yariainare yajaro. ã jic_u m_uh_u sehe

Cohamacu masare puhtoro to noano saho jiare noaa buheare buhei taga —niha Jesu tirore.

⁶¹ ã yoa paio Jesure õ sehe niha:

—Puhtoro, muhu mehne wahihtja. Wahmanore yu coyeare coha sitisini wahihtja —niha tiro Jesure.

⁶² To ã nichu Jesu õ sehe ni yahuha tirore:

—Wachu sahari pjine tua puriro mehne dahrariro noari dare saha duara. ã dahrariro to baharo buhusehere majare ñano, noano potori da saha masierara. (Tó seheta Cohamacu yare yoaro taro, dahrariro tó pano to jia tiare tuaro wacuboca tîre duhu duaeraro, dahrariro to majare ñano seheta.) ã wacûriro Cohamacu mari puhtoro yare dahraboriro jierara —niha Jesu.

10

Jesu setenta y dos buheinare buhe dutiro warocaha

¹ Baharo Jesu paina buheinare setenta y dos buheinare bese, macaripepu to wahahto pano warocayuha. Cãa macaripure puaro dihta warocaha tiro. ² ã warocarõ õ sehe ni yahuha tinare piti dahre buhero:

—Trigo payu ti bucuu tuhsuchu payu jichu dahraa pjíro jira. Wího mejeta dahraina sehe mahainacã jira. Tó seheta noaa buheare tahohtina payu jichu pjíro jira mari dahraa. To ã jipachuta mahainacã dahrari masa yoaro seheta noaa buheare buehtina cûhu mahainacã jira. ã jina noaa buheare

buhehtinare painare to warocahtore siniga Cohamacure m̄sa. ³ Wahaga m̄sa. M̄sare ȳ warocach̄ m̄sa oveja pohna yaya watoi ti jiro seheta m̄sa c̄h̄ ñaina suaina watoi jinahca. ⁴ Niñeru wajure, būwawac̄a waju c̄h̄re, dahpo suhtire naaena tjiga. M̄sa mahai tinina painare boca s̄ durucuena tjiga. Poto wahaga. ⁵ Jipihtia m̄sa s̄a w̄h̄sep̄ s̄ahna “Ahri w̄h̄ macaina noano jijaro”, ni m̄htaga. ⁶ Tí w̄h̄ macaina noano mehne jiina cahmachea marieina ti jich̄, tíre niga tinare. Noano mehne ti jierach̄ ñ̄na tí w̄h̄ macainare ã niena tjiga. ⁷ C̄ w̄h̄i s̄a s̄ucana ti noaina jich̄ tí w̄h̄ihta tjuaga. Tói ti duhu payorire ch̄, sihnituga. Dahrainare ti wapataare nano cahmana. ã jina ti wapataare ti nano seheta ti duhu payorire naga m̄sa c̄h̄. ã jina c̄ w̄h̄ihta m̄sa s̄ri w̄h̄ihta jina, tí maca macaa w̄h̄sep̄ ji tiniena tjiga. ⁸ Macap̄re m̄sa s̄na tó macaina sehe m̄sare ti cahmaina jich̄ ti ch̄a ti duhu payorire ch̄ga. ⁹ Tó macaina dohatiinare noaina wahach̄ yoaga. ã jina õ sehe niga tinare: “Cohamac̄ mip̄re mari p̄htoro noano to s̄ho jhtore yahuna nija m̄sare”, niga tinare. ¹⁰ Pa macap̄ m̄sa s̄ch̄ tina sehe m̄sare cahmaeraboca. Tí ã cahmaerach̄ ñ̄na tí maca dacho macap̄ waha, õ sehe niga tinare. ¹¹ “Ahri maca macaa dihta pohcari mene wajã site c̄na nija s̄re m̄sa cahmaerari buhiri ñona. ã jina ahrire wac̄ga. Cohamac̄ mari p̄htoro mip̄re to noano s̄ho jhtore yahuna nija m̄sare”, niga tinare. ¹² M̄sare potocã niita nija. Sodoma macaina ñabiaina jiha. Tí ã jipach̄ta pihtiri da-

cho jichu Cohamacu to buhiri dahreri dacho jichu Sodoma macaina yuhdoro musare cahmaeraina sehere buhiri dahrerohca —niha Jesu.

*Paye macari macaina Cohamacure
yuhdurucaina jira
(Mt 11.20-24)*

¹³ Baharo Jesu õ sehe niha macari macainare:

—Corazĩ macaina, musa ñano yuhdunahca. Bet-saida macaina, musa cãhu ñano yuhdunahca. Musa ya macaripure Cohamacu tuaa mehne yoa ñomahi. Tiro wama tiri macare, Sidõ wama tiri maca cãhure to tuaa mehne yu yoa ñochu ñua tó macaina sehe ti ñaare cahyaboa. ã yoa “Noaina jija”, ni ti tãhotumari cjrيره tãhotu cohtotaboa. Dóhta tina duji, cahyaa suhtire sãa, ti basi niti pohcare ti bui dahra site payoboa ti ñaare cahyaare ñoa.

¹⁴ Cohamacu to buhiri dahreri dacho jichu Tiro macaina, Sidõ macaina yuhdoro ñaa buhiri tiina musa jiri buhiri musare ñano waro buhiri dahrerohca tiro. ¹⁵ Capernau macaina, musa mu sũro manopu waha duamana. Musa ã waha duapachuta musa ñaa buhiri tiina musa jiri buhiri musare Cohamacu pichacapu cohãnohca —niha Jesu.

¹⁶ ã ni tuhsu Jesu to buheinare õ sehe ni yahuha:

—Musare tãhoina yuhu cãhure tãhora. Musare cahmaeraina, yuhu cãhure cahmaerara. ã jia yuhure cahmaeraina, tina yuhure warocariro cãhure cahmaerara —niha Jesu tinare.

Setenta y dos buheina tju wihia

¹⁷ Baharo setenta y dos buheina wahchea mehne tju wihia:

—Puh̄toro, m̄u wama mehne m̄u tuaa mehne wat̄iare sã dutich̄u tina sehe sãre ȳhd̄ur̄caerare —niha tina Jesure.

¹⁸ Ti ã nich̄u Jesu õ sehe ni ȳhtiha tinare:

—M̄hanop̄u to oroca site bora taro seheta, wat̄ino to bora tach̄u ñ̄hi. ¹⁹ Noano t̄hoga. M̄sare ȳu tuaare wahi ȳh̄u. ã jina agãare, pichõno soroare, wat̄inore marine ñ̄u tuhtirirore m̄usa ȳhd̄ur̄cahtire wahi ȳh̄u. ã jia tina m̄sare ñ̄ano yoa masierara. ²⁰ Ȳu ã wapach̄uta wat̄ia m̄sare ti ȳhd̄ur̄caerach̄u ñ̄una tí dihtare wahchena tjiga. Ahri sehere wahchega. M̄hanop̄u Cohamac̄u yaina ti wamare to joa õri t̄jui m̄usa wamare to joa õch̄u ñ̄una, tí sehere wahchega m̄usa —niha Jesu tinare.

Jesu wahcheha

(Mt 11.25-27; 13.16-17)

²¹ Tí pjare Esp̄iritu Santo Jesure tuaro wahchech̄u yoaha. ã jiro Jesu õ sehe niha:

—Mai, m̄h̄u m̄hanop̄u c̄h̄ure yahpap̄u c̄h̄ure puh̄toro jira. Masi ȳhd̄ur̄cu s̄inare m̄u yahuerari cjirire wiho jiina sehere yahure m̄h̄u. M̄u ã yoach̄u ñ̄cu “Noa ȳhd̄uara”, nija. ã tjira, Mai. M̄u yoa duariro seheta, m̄u cahmariro seheta tinare m̄u yare yahure —niha Jesu.

ã ni tuhs̄u painare õ sehe niha:

²² —Ȳu P̄cu jipihtiare ȳh̄ure ware. Ȳu P̄cu dihta ȳh̄ure masina. Ȳh̄u c̄h̄u tirore masija. Ȳu beserina c̄h̄u tirore masina, ȳu masi dutiina jia. Tópeinata ȳu P̄cure masija sã —niha Jesu.

²³ To ã niri baharo ti sahsero ti jich̄u Jesu to buheinare õ sehe niha:

—Ahri jipihtiare m̄sa ñ̄na wahcheina jira.
 24 Potocã tjira. Paȳ Cohamac̄ yare yahu
 m̄htaina cjiri, yahpari macaina p̄h̄toa c̄h̄u
 mip̄ m̄sa ñ̄r̄ire ñ̄ duamaha tina c̄h̄u. ã jia
 m̄sa t̄h̄ori c̄h̄ure t̄ho duamaha —niha Jesu.

Noariro Samaria macariro quitire yahuha Jesu

25 Tí pjata judio masare buheriro Jesu cahai
 wihi, Jesure ñ̄ano to durucuch̄ yoa duamaha
 tirore yahusã duaro:

—¿Buheriro, ȳh̄u jipihtia dachoripe Cohamac̄
 mehne ji duac̄ dohse yoaih̄cari ȳh̄u? —ni sini-
 tuha tiro Jesure.

26 To ã nich̄ Jesu õ sehe ni ȳhtiha tirore:

—¿Dohse ni yahujari Cohamac̄ yare ti joari p̄i?
 ¿Cohamac̄ to ni joari cjirire dohse ni t̄hotujarita
 m̄h̄u? —niha Jesu tirore.

27 To ã nich̄ tiro õ sehe ni ȳhtiha:

—Õ sehe niha Cohamac̄: “Tuaro m̄sa ya-
 jeripohnari mehne, noano m̄sa tuaa mehne,
 m̄sa wac̄a mehne Cohamac̄ure cah̄ga. ã yoa
 m̄ basi m̄ cah̄no seheta m̄ cahai jiina c̄h̄ure
 cah̄ga” —niha tiro Jesure.

28 To ã nich̄ Jesu õ sehe ni yahuha:

—Quih̄no nire m̄h̄u. Tíre yoaga. ã yoac̄
 jipihtia dachoripe Cohamac̄ mehne jiih̄ca m̄h̄u
 —niha tirore.

29 “Ahr̄iro Cohamac̄ dutiare yoa pah̄noriro
 jira”, masa tirore ti ni t̄hotuch̄ cahmaha judio
 masare buheriro. ã cahmano tiro Jesure õ sehe ni
 sinituha:

—¿Yabariro baro jicari ȳh̄ure m̄ cah̄ dutiriro?
 —niha tiro.

³⁰ To ã nichu Jesu õ sehe ni piti dahre quiti mehne yuhtiha:

—Cũ dacho Jerusalẽpu tariro Jericópu wahariro mahai to tinichu yacaina tirore ñahaha. ã ñahaa, to suhtirore tjuwe na, tirore tuaro cjãha. ã tuaro cjãa, mahano to yariaro cahachu waro duhuha tina tirore. ³¹ Tí pjata sacerdote tí mahapu taha. ã taro ti cjãriro cjirore ñuparota maha pa buhusehe duhtu cahai do yuhdu wahcã, yuhdu wahaha. ³² ã yoa Cohamacu wuhui dahrariro cũhu pjacuriro cahai su, tirore ñu, maha pa buhusehe coai do yuhdu wahcãa wahaha. ³³ ã yoa Samaria macariro sehe tói waha, yoa cureropu pjacurirore ñu, tirore pja ñuha. ³⁴ ã pja ñuno, tiro pjacuriro cahai su, se, vino mehne morea core to camine pio sihõha. Pio sihõ tuhsu suhtiro cahsaro mehne duhteha to camine. Tuhsu, pjacurirore to burro bui duhu payo, carĩni wuhupu na suha tirore. Tói jiro, Samaria macariro noano ñu wihboha tirore. ³⁵ Pa dachoi tiro carĩni wuhu purore puu tu niñeru turire wa, õ sehe niha: “Ahriroro ñu wihboga. Ahri mu suerachu pari turi tjua tacu wapa pahñoihtja”, niha Samaria macariro wuhu puroro —niha Jesu.

³⁶ ã ni tuhsu judio masare buherirore õ sehe ni sinituha Jesu:

—¿Ahrina tiaro muu diro sehe jijari pjacurirore cahĩriro? —niha Jesu.

³⁷ To ã nichu tuhoro buheriro sehe Jesure õ sehe ni yuhtiha:

—Pjacurirore yoadohoriro jica tirore cahĩriro —niha tiro Jesure.

—Wahaga. Mũhũ cãhũ masare tó seheta yoai wahaga —niha Jesu buherirore.

Marta, María cãhũ cahai Jesu tiniha

³⁸ ã yoa Jesu to buheina mehne ti wahachũ, pa macapũ ti tinichũ, Marta wama tiricoro tinare to wũhũĩ sãa ta dutiha. ³⁹ To bahoro María to dahpori cahai duji, to buheare tũhoha. ⁴⁰ To ã yoachũ ñũno Marta to dahraa pjíro jichũ suaha. ã jiro ticoro Jesure ò sehe ni sinituha:

—Pũhoro, ¿yũhũ cũcoro yũ dahrachũ yũhũre yũ baho to yoadohoerachũ mũhũre noajari, mũ ñũchũ? Ticorore yũhũre yoadoho dutiga —niha Marta Jesure.

⁴¹ To ã nichũ Jesu ò sehe ni yũhtiha:

—Marta, dahraa pjíro cjũaco pjíro tũhotura mũhũ. ⁴² Cohamacũ to yare tũho dutira. María noaare yoaro taro tíre cahmahre. ã jicũ yũhũre to tũhochũ “Dahradohoco wahaga”, nieraja ticorore —niha Jesu Martare.

11

Jesu Cohamacũre siniare buheha

(Mt 6.9-15; 7.7-11)

¹ Cũ dacho Jesu Cohamacũre sinino niha. To sini tuhsũchũ, cũiro to buheina mehne macariro tirore ò sehe niha:

—Pũhoro, João to buheinare to buheriro seheta Cohamacũre siniare sã cũhũre buhega mũhũ —niha tiro Jesure.

² To ã nichũ tũhoro Jesu tinare ò sehe ni yahuha:

—Ò sehe ni Cohamacũre siniga:
“Sã Pũcũ, mũhũ ñaa marieriro ã jirucura.

Mip̄are jipihtina bui p̄htoro jiga.

³ ã yoa dachoripe sã ch̄htire warucuga sãre.

⁴ Paina sãre ti ñano yoarire sã boja.

Ã jic̄u m̄h̄u c̄h̄u sã ñaa yoarire boga.

Tuhs̄u, sã ñaare yoa duana sã goa pjach̄u ñ̄uc̄u tíre
sãre yoa duaerach̄u yoaga”,

ni siniga Cohamac̄ure –niha Jesu tinare.

⁵ Baharo Jesu quitu mehne to buheinare õ sehe ni buheha:

–Cãiro ñami dacho macai to coyeiro ya w̄h̄up̄u waha, tirore õ sehe ni siniha: “Coyeiro tia curi p̄ão curi waga ȳh̄ure. ⁶ Pairo ȳu coyeiro tinino tariro michapucacãta ya w̄h̄u wihihre. ã yoa tirore ȳu ch̄u waboa mariaha”, niha tiro to coyeirore. ⁷ To ã nich̄u to coyeiro w̄h̄u puhichap̄u jiro ȳh̄tiha: “Ȳh̄ure cariboi tjiga. Sopa pahma bihariro jira. Ȳh̄u ȳu pohna mehne carĩna nija. Wahcãno pjaeraca ȳh̄ure. M̄h̄ure ch̄ure waboric̄u jieraja”, niha to coyeiro. ⁸ ¿Dohse waharohcari sinirirore? Potocã niita nija m̄sare. To coyeiro jiparota, ch̄u waboriro wahcã duaeraha. Wahcã duaeraparota ch̄u siniriro sehe b̄u tiro marieno to yoari pja sinirucuch̄u t̄horo jipihtia to siniriro seheta warohca. ⁹ ã jic̄u ahrire m̄sare ni yahui nija: Cohamac̄ure siniga. ã sinina m̄sa sinirire ñahanahca. M̄sa sinirire bocanahca. Tirore ã sinirucuga. M̄sa ã yoach̄u tiro m̄sare warohca. ¹⁰ Jipihtina Cohamac̄ure siniina ti sinirire naahca. ã yoa ti sinirire bocaahca. ã jiro jipihtina Cohamac̄ure ã sinirucuinare tiro tinare warohca.

¹¹ ¿M̄sa pohna m̄sare wahire ti sinich̄u agã sehere wabocari m̄sa tinare? ¹² ¿M̄sa pohna

caraca diecare ti sinichu pichõno soro sehere wabocari mûsa tinare? Ne wasi. ¹³ Mûsa ñaina jipanahta mûsa pohnare noaare wa masina mûsa. ã yoa Cohamacu sehe mûsa wari yuhdoro noaare wara mûsare. Tiro mari Pucû mûano macariro to Espíritu Santore warohca tirore siniinare –niha Jesu to buheinare.

*“Jesu watĩno tuaare cjûara”, ni yahusãha masa
(Mt 12.22-30; Mr 3.19-27)*

¹⁴ Tí pjare Jesu watĩnore cohã wioro niha. Watĩno sehe durucu masierariro jichu yoaha masunore. ã jiro watĩno masunore to duhuri baharo masuno sehe durucu ducaha. To durucuchû tuhõa masa payû cuaa wahaha. ¹⁵ Ti ã cûapachuta paina sehe õ sehe niha:

–Ahiro Jesu watĩare to cohã wiochû Beelzebú wama tiriro watĩa puhtoro sehe tirore yoadohora –niha paina.

¹⁶ Paina “¿Jesu Cohamacu to warocariro jijari?” ni masi dua tirore Cohamacu tuaa mehne yoa ño dutimaha. ¹⁷ Ti ã dutichû tuhõro “Watĩno tuaa mehne watĩare cohã wiora”, ni ti tuhõtuare masino, tinare õ sehe ni yahuha Jesu:

–Watĩno ya tuaa mehne watĩare cohã wioi nieraja. Cû maca macaina ti basi cahma wajãa, tí maca macaina yaria pihtia wahara. ã jia cû wuhû macaina ti basi cahmachea, tí wuhû macaina waha pihtia wahara. ¹⁸ ã yoa watĩno yaina watĩa ti basi cahmachea, tina watĩa cûhû waha pihtia wahaboa. Cû curua ji masieraboa. Mûsa yuhure õ sehe nina. “Tiro watĩno tuaa mehne watĩare cohã wiora”, mûsa yuhure nina nica. ¹⁹ ¿Yuhure mûsa niri potocã jichû mûsa mehne macaina watĩare

cohã wioa, watĩno tuaa mehnetã cohã wiojari tina cũhũ, mũsa ñũchũ? Mũsa mehne macaina watĩare cohã wioa, watĩno tuaa mehne cohã wioa nierara. Ahrire masina watĩno to tuaa mehne watĩare yũ cohã wioerachũ masinahca mũsa. ²⁰ ã jicũ yũhũ sehe watĩare cohã wiochũ Cohamacũ tuaa mehne cohã wioja. Ahrire masina, Cohamacũ mũsa pũhoro to noano sũho ji dũcaare masinahca mũsa.

²¹ Tuariro to wamoa mehne to wũhũre to ñũ wi-hbochũ to yare paina na masierara. ²² To ã ñũ wi-hbopachũta paio tua yũhdũriro tiro mehne cah-mache, tirore yũhdũrũca, to wamoare manoca, to yare manocahna. (Õ sehetã yoa yũhdũrũcaro cahmana watĩare.) ²³ Cũiro yũhũre cahmaeraro, yũhũre ñũ tuhtiriro jira. Cũiro yũhũre yoadohoeraro yũhũre ñano yoaro nina –ni buheha Jesu.

Watĩno pari turi masũnore to sãari quitire yahuha Jesu

(Mt 12.43-45)

²⁴ ã yoa to tũhotua mehne õ sehe ni piti dahre buheha tinare:

–Watĩno masũnore duhuro tiro co marieni yah-pai tinino, to sohto cjihtore macamaha. Bocaeraro, õ sehe ni tũhotuha: “Masũno yũ duhuriro mehne pari turi jii wahaihtja”, ni tũhotuha tiro.

²⁵ ã nino tiro tjua waha, masũnore bocaaha. ã to bocachũ masũno sehe noariro jimaha. ²⁶ Tuhsũ, watĩno paina siete watĩare tiro bui ñaa yũhdũinare nano wahaha. Na wihi, tina jipihtina watĩa masũno mehne jiha. ã jiro masũno sehe tó pano cũiro watĩnore cjuaro, ñariro jimaha. Mipũ sehere

payu watĩa ti cohtotariro jiro, tó pano to jiriro yũhdoro ña yũhdũariro jiha –niha Jesu.

Jesu wahcheare yahuha

²⁷ Tíre to ã nichu masa watoi jiricoro numino Jesure õ sehe ni yahuha:

–Mũhare pohna tiricoro, mũhare pũricoro wahchericoro jira –niha Jesure.

²⁸ To ã ni tuhsũchu tũhoro Jesu ticorore õ sehe ni yũhtiha:

–Cohamacu durucuare tũhoina to dutiare yoaina tina tjica wahcheina –niha Jesu ticorore.

Masa ñaina Jesure Cohamacu tuaa mehne yoa ño dutiha

(Mt 12.38-42; Mr 8.12)

²⁹ ã yoa payu masa Jesu cahai ti wihichu, tiro tinare õ sehe ni yahu namoha:

–Mipũ macaina nu ñaina jira. Cohamacu tuaa mehne yu yoa ñochu ñu duamana. Ti ã ñu dupachũta Jona panopũ macariro Cohamacu tuaa mehne to yolari dihtare ñonohca Cohamacu tinare.

³⁰ Jona Cohamacu yare yahu mũhtariro jiro, tiro Nínive macainare Cohamacu yare to masichu yoariro seheta yũhu masũno Cohamacu warocariro masichu yoaja mipũ macainare. ³¹ Buhiri dahrehti dacho jichu pũhtorocoro sur macaricoro panopũ macaricoro ducu, mipũ macainare “Ñaina jira”, ni yahusãnohca ticoro. Ticoro Salomo panopũ macariro to masiare tũho duaro yoaropũ ahri yahpa pa sehepũ jiricoro Salomore tũhoro taha. ã yoaro noano yoaro niha mipũ macaina yũhdoro. ã jiro ticoro yahusãnohca mipũ macainare. ã nicu mũsare potocã niita

nija. Mip_u m_usare y_u buhea Salomo to buheri y_uhdoro jira. ³² Buhiri dahrehti dacho jich_u Nínive macaina c_uh_u ducu, mip_u macainare “Ñaina jira”, ni yahus_uahca tina. Jona tinare Cohamac_u yare to yahuch_u t_uhoa, ti ñaare t_uhotumarire t_uhotu cohtota Cohamac_ure cahmaha tina sehe. Ñ cahmaa noano yoaa niha mip_u macaina y_uhdoro. Ñ jia tina c_uh_u mip_u macainare “Ñaina jira”, ni yahus_uahca. M_usare potocã niita nija. Mip_u m_usare y_u buhea Jona to buheri y_uhdoro jira –ni yahuha Jesu.

Masa ti t_uhoturo seheta yoara

(Mt 5.15; 6.22-23)

³³ Ñ ni yahu tuhs_u, piti dahre buhero õ sehe ni yahu namoha tinare:

–Masa sih_uriare sih_ua n_uoerara. Tiare sih_ua dihi biato docap_u duhu dapoerara. Tiare m_uanoi duhu payora w_uh_up_u s_ua taina ti noano ñ_u s_uahto sehe. ³⁴ Sih_uria to noano buhriach_u mari noano ñ_u masino seheta noaare t_uhotua mehne noaare yoa masinahca m_usa. M_usa t_uhoturo seheta yoara m_usa. Noaare t_uhotuna noaare yoara m_usa. Noaare t_uhotuerana ñaare yoara m_usa.

³⁵ Ñ jina noano yoaga. M_usa t_uhotuap_u ñaa jiero tjijaro. Ñaare goa pjaena tjiga. ³⁶ Tuhs_u m_usa t_uhotuap_u noaa jich_u, ñaa ne mariach_u noaa dihtare t_uhotunahca –ni buheha Jesu.

Fariseo curua macaina, judio masare buheina c_uh_ure Jesu tuhtiha

(Mt 23.1-36; Mr 12.38-40; Lc 20.45-47)

³⁷ Jesu to buhe tuhs_uch_u ñ_u fariseo curua macariro tirore to ya w_uh_up_u ch_u dutiro pjiha. Ñ jiro Jesu tiro ya w_uh_up_u s_ua s_u, ti ch_uroi tina

mehne nuju s̄aha. ³⁸ To ã nuju s̄ach̄u fariseo curua macariro sehe Jesure ñ̄u n̄an̄no judio masa ti wamo cosarucuro seheta to wamo cosaerach̄u ñ̄no õ sehe ni t̄hotuha: “Cuenah. ¿Ahr̄iro dohsearo wamo cosaerajari mari yoaro sehe?” ni t̄hotuha. ³⁹ To ã ni t̄hotuch̄u masino Jesu tire õ sehe ni yahuha:

—M̄usa fariseo curua macaina sihnia wahwarire, wapari c̄h̄ure bui sehe dihtare m̄usa cosaro seheta noaare yoa ñ̄ona m̄usa buicã warohna. ã yoapanahta Cohamac̄u yare quihõno yoerara. Paina yare maina jina, ñ̄aa dihtare t̄hotura m̄usa. ⁴⁰ T̄ho masieraina jira m̄usa. Cohamac̄u m̄usa p̄jac̄ure yoariro m̄usa t̄hotuhti c̄h̄ure yoaha. ¿T̄re masierajari m̄usa? ⁴¹ ã jina m̄usa yare p̄jacoinare waga m̄usa. M̄usa ã yoana noaare t̄hotuina jinahca.

⁴² 'M̄usa fariseo curua macaina ñ̄ano ȳhd̄nahca. Moa yoaro sehe jiare ch̄ure coach̄u yoare c̄jana mahanocã wamana m̄usa. Cohamac̄ure ñ̄o payona tana sacerdotearẽ wamana m̄usa. ã wapanahta noaare yoerara m̄usa. ã jina masare p̄ja ñ̄erara m̄usa. ã yoa Cohamac̄ure ñ̄o payoerara m̄usa. Toaa dichacãre m̄usa narire mahanocã Cohamac̄ure m̄usa wach̄u noa nina. ã wana õ sehe yoa namoga: Noaare yoaga. ã yoa p̄ja ñ̄ga m̄usa masare. Tuhs̄, Cohamac̄ure ñ̄o payoga m̄usa.

⁴³ 'M̄usa fariseo curua macaina ñ̄ano ȳhd̄nahca. Buheri w̄h̄ur̄u jina, noaa dujia dihtare duji duara m̄usa. Pache duarop̄u masa m̄sare p̄htoare noano ñ̄o payo ti sinino sehe ti piti bocasinich̄u cahmana m̄usa.

44 'Ñano yuhdunahca musa. Masa copa nuori copa yoaro seheta jira musa. Tí copa cahai masa jia, puhicha macariro baarirore ñuerara tina. Tó seheta masa musa cahai jia, musa tuhoutuapũ ñaa jiare masierara tina —niha Jesu tinare.

45 To ã nichũ tũhoro judio masare buheina mehne macariro Jesure õ sehe ni yahuha:

—Buheriro, tíre nicũ sã cũhũre ñano nii nica mũhũ —niha tiro Jesure.

46 To ã nichũ Jesu õ sehe ni yuhtiha:

—Potocã tjira. Judio masare buheina musa cũhũ ñano yuhdunahca. Mũsa painare ti bihoeraare yoa dutira tinare. ã dutipanahta musa sehe tinare ne mahanocã yoadohoerara tí dutiare ti yoahto sehe.

47 'Ã jina musa ñano yuhdunahca. Cohamacũ yare yahu mũhtaina panopũ macaina ti masa coparire noano cahnomana musa tinare ño payoro sehe yoana. Mũsa ã yoapachũta panopũ macaina musa coyeya sehe tinare wajãha. 48 Tina sehe Cohamacũ yare yahu mũhtaina cjirire ti wajãiro seheta musa cũhũ yoaboa. ã jina mipũre ti masa coparire cahnomana musa. ã cahnona musa coyeya tinare ti wajãri cjirire wacũ bajuro wana nica musa. ã ti wajãrire wacũna “Noa nina”, nina nica musa.

49 'Cohamacũ to masia mehne õ sehe ni yahuha: “Yu yare yahu mũhtaina cũhũre yũ buhe duti cũrina cũhũre warocaihtja tinare. ã jia tina yũ warocainare painare wajã, painare ñano yoaahca”, niha Cohamacũ. 50-51 Ahri yahpare Cohamacũ to bajuamehneri baharo Caĩ sehe Abere wajãha. Tuhsũ, Cohamacũ yare yahu

m̄h̄taina c̄jirire Abe baharo jiina c̄h̄ure ñaina wajãha. Baharo Zacariare Cohamac̄u w̄h̄ūi Cohamac̄ure ño payori mesa cahai m̄sa coyeata wajãha. Jipihtina tinare ti wajãri buhiri mip̄u macainare Cohamac̄u buhiri dahrerohca. ã tjira. M̄sareta nii nija. Jipihtina tinare ti wajãri buhirire mip̄u macainare Cohamac̄u buhiri dahrerohca.

⁵² 'M̄sa judio masare buheina, ñano ȳhd̄nahca. Cohamac̄u masiare ti joaa p̄rine c̄h̄apanah̄ta painare yahuerara m̄sa. M̄sa basi Cohamac̄u yare t̄hoerara. Tuhs̄u, paina to yare ti t̄ho duapach̄ta tíre m̄sa tinare t̄ho dutierara —niha Jesu tinare.

⁵³⁻⁵⁴ To ã nich̄u t̄hoa judio masare buheina fariseo curua macaina c̄h̄u tiro mehne sua tirore ñano ni durucuha. ã jia Jesu to ñano ni ȳhtich̄u t̄ho duaa, tina paȳu mah̄ño c̄u sinitu ñamaha tirore, tirore yahusã duaa.

12

Fariseo curua macaina ti ã mah̄ñorucurire Jesu yahuha

¹ ã yoa Jesu cahai masa paȳu cahmachua, bihsa ȳhd̄haha. Tói Jesu to buheinare õ sehe ni yahu d̄caha:

—Noano wac̄u masiga m̄sa. Fariseo curua macaina ti p̄ao buc̄arore ñuna noano wac̄u masiga. Ti mah̄ñorucurire nii nija “P̄ao buc̄aro”, nic̄u. ² Jipihtia ñaare paina ti masierari c̄jirire baharo masiahca. ³ ã yoa ñamip̄ure ti p̄jiroca durucuri c̄jirire buhriaroi to bajuro waro sehetã masiahca jipihtina. Bihari tahtiap̄u pairore yaroca ti

nimari cjirire masa payu masiahca —ni yahuha Jesu.

*Masa ti cuihtirore yahuha Jesu
(Mt 10.28-31)*

⁴ ã ni tuhsu Jesu õ sehe ni yahu namoha tinare: —Potocã niita nija musare. Masa wajãina wajã tuhsu pari turi ti wajãrina cjirire ñano yoa namo masierara. ã jina musare wajã duainare cuiena tjiga. ⁵ Mipure musa cuihtirore musa ño payohtirore yahuihtja. Cohamacu sehere cui, ño payoga. Tiro musa yariari baharo pichacaru cohã masina musare. ã tjira. Potocã nii nija. Cohamacu sehere cui, ño payoga.

⁶ Cinco siripia wapa mariahna. Ti ã wapa mariapachuta cãirocãre Cohamacu ne boerara. ⁷ ã yoa musa pjoarire ne cã pjoa da dũsaro marieno masi pahõona Cohamacu. Tó seheta musa jia tia cãhure masi pahõona Cohamacu. ã masino musare ñu wihborucura. Siripiare to cahõno yãdoro musa sehere cahõna Cohamacu. ã jina tirore ño payona cuiena tjiga musa —niha Jesu.

*Jesu yaina musa jiare yahuga masare
(Mt 10.32-33; 12.32; 10.19-20)*

⁸ ã yoa Jesu õ sehe ni yahu namoha: —Musare niita nija. Cãiro “Jesu yairo jija”, masare to nichu ñucu, yãhu masuno Cohamacu warocariro “Tiro yã yairo jira”, ni yahuihtja Cohamacu yaina anjoare. ⁹ Cãiro “Jesu yairo jija”, masare nierariro sehere yãhu “Tiro yã yairo jierara”, ni yahuihtja Cohamacu yaina anjoare.

¹⁰ 'Cãiro yãhure ñano to ni durucuchẽ tí ñaa buhirire Cohamacũ bo masina. Ã boparota cãiro Espíritu Santo sehere to ñano ni durucuchẽ tí ñaa buhirire ne Cohamacũ bosì.

¹¹ Mari judio masa buheri wãhũpũ pũhtoã cahai paina mũsare na sãã yahusãahca. Tí ã yahusãchũ mũsa ni dũcatahti cjihtire “Cue, masieraboca”, ni tũhotuena tjiga. ¹² Tí pjaihta Espíritu Santo mũsa yahuhti cjihtire yahurohca –niha Jesu.

Pache pũro quitire yahuha Jesu

¹³ Ã yoa masa mehne macariro Jesure õ sehe ni yahuha:

–Buheriro, sã pũcũ to yariari baharo to ya cjiri sãre tjuara. Ã jicũ yũ wahmine tíre yũhũ cãhure quihõno tju wa dutiga –niha tiro Jesure.

¹⁴ To ã nichũ Jesu õ sehe ni yũhtiha:

–Ne tí barore tju waboricũ jieraja yũhũ –niha Jesu tireore.

¹⁵ Ã ni tuhsũ Jesu jipihtinare õ sehe ni yahuha:

–Noano yoaga mũsa. Pachere, paye baro cãhure cahĩena tjiga. Payũ cjũapanahca tí mehneta wahche tuhsũeraja mari –niha Jesu.

¹⁶ Ã ni tuhsũ Jesu quitì mehne õ sehe ni yahuha tinare:

–Pache pũro noari yahpare cjũaha. Ã jia tí yahpãpũ to toaa noano dicha tiha. ¹⁷ Ã jiro tiro to basi õ sehe ni tũhotumaha: “Dicha wihboa wãhũse ne mũ sũerara. ¹⁸ Mipũre õ sehe yoaihtja: Mipũ yũ wihboa wãhũsere cohãnocã, mũna wãhũse cjiri yũhgoro wahma wãhũse yoaihtja. Tí wãhũsei yũ toaa dichare, jipihtiare yũ yare wihboihtja. ¹⁹ Yũ ã yoari baharo, õ sehe ni tũhotuihtja yũ basi:

‘Yuhu jiape cjuariro jija. Noano soihtja. ã jicu chu, sihni, wahcheihtja’, ni tãhotuihtja yu basi”, ni tãhotumaha tiro. ²⁰ To ã ni tãhotuchu Cohamacu tirore õ sehe ni yahuha: “Muhu ne tãho masierariro jira. Micha ñamihta muhu yariaihca. Mu ã wahachu mu ya mu cahiri butia wahaahca”, niha Cohamacu tirore –niha Jesu masare.

²¹ Tíre nino, masare õ sehe ni yahuha Jesu:

–Ãta wahaahca pache puu Cohamacure wacũeraina. Payu pachere, niñerure to ya cjihti dihtare wihboriro, Cohamacure wacũeraro tiro pjacuroriro jirohca, Cohamacu to ñuchu. ã jiro Cohamacu tirore ñu jicoerara –niha Jesu.

*Cohamacu to pohñare ñu wihbora
(Mt 6.25-34)*

²² ã yoa Jesu to buheinare õ sehe ni yahuha:

–Ahrire musare nii nija: Mũsa chuhti cjihtire, mũsa suhti sãhtire pjíro cahya tãhotuena tjiga.

²³ Cohamacu musare bajuamehneno, chuhtina cjihti dihtare yoaeraha musare. Tuhsu, suhti sãhtina cjihti dihtare yoaeraha tiro musare.

²⁴ Minichahca perire Cohamacu to ñu wihboare masiga. Tina weseri maeraina jira. ã jia chũare ti wihboa wuhuse tinare mariahna. Ti ã jiina jichu ñuno tinare Cohamacu ti chuhtire wara. Minichahca yãdoro mũsa sehere cahña Cohamacu. ²⁵ Pjíro mũsa tãhotua mehne cã hora waro musare cati namochu yoa masierara mũsa. ã jiro mũsa pjíro tãhotua yaba cjihti jierara. ²⁶ ¿ã yoa pjíro mũsa tãhotua ti yaba cjihti jierapachuta dohse yoana mũsa chuhtire, mũsa sihnihtire, mũsa sãhtire pjíro cahya tãhotujari?

27 'Macaroca macaa cohorire t̄hotuga. Tí cohorí ti basi suhtire yoerara. ã yoerapahta noaa suhti tiina yoaro sehe noaa bajura tí cohorí. Salomo cjiro noaa suhtire s̄aríro to jipach̄ta tí cohorí sehe tiro ȳhgoro noabiaa cohorí waro jira. 28 Cohorire noaa cohorí yoara Cohamac̄u sehe. To ã yoapach̄ta cohorí sehe mahaa dachoricã jirucuma ñai boraahara. Mahanocã ji, pa dachoi pichac̄u j̄a wahara. Ti ã jipach̄ta cohorire noaa cohorí jich̄u yoara Cohamac̄u. ã jiro Cohamac̄u cohorire to noaa cohorí to yoaríro ȳhgoro m̄sa c̄h̄re noano yoarohca. Suhtire warohca. Mahanocã Cohamac̄ure wac̄u tuara m̄sa. 29 ã jina m̄sa ch̄htire, m̄sa sihnihtire pj̄ro cahya t̄hotuena tjiga. 30 Cohamac̄ure cahmaeraina sehe ahri yahpa macaina sehe tíre ã macarucua nina. Mari P̄c̄u m̄ano macaríro jipih̄tia m̄sa cahmaare masina. To ã masich̄u pj̄ro cahya t̄hotuena tjiga. 31 Cohamac̄u m̄sa p̄htoro to jihto cjihtore cahma m̄htaga. Jipih̄tia paye baro ȳhgoro tirore cahmaga m̄sa. M̄sa ã yoari baharo Cohamac̄u sehe m̄sa cahmaa d̄hsach̄u warohca —ni yahu namoha Jesu.

*M̄anop̄u mari paȳu cj̄a masija
(Mt 6.19-21)*

32 ã ni tuhs̄u, tinare õ sehe ni yahu namoha:

—Ȳu cah̄ina, mahainacã jipanahta, cuiena tjiga m̄sa. Cohamac̄u m̄sa p̄htoro to noano s̄ho jirop̄re tiro mehne m̄sa jich̄u cahmana tiro.

33 ã jina m̄sa yare dua pah̄oga. Tíre duanoca tí niñerure na, p̄jac̄oinare waga. Tó sehe m̄sa yoach̄u m̄ano macaa m̄sa wapataa ne pihtisi.

Muanopu musa ya jia ne pihtierara. Tópu re musa yare na masierara yacariro. ã yoa machu cãhu tíre tãa masierara. ³⁴ Muanopu musa ya jichu mmano macaa dihtare tãhotunahca musa –niha Jesu.

Jesu to tjua tahtore cohta dutiha to yainare

35-36 ã ni tuhsu tinare õ sehe ni yahu namoha:

—Musa yare cahnoyu tuhsuina yoaro sehe yu yare ã yoarucuina jina cohtaga yãhãre. Dahra cohtaina ti puhtoro wamomaca dãteri bose namupu to wahachu to tjua tahtore tina cohtara. Tina ti ã cohtariro seheta yu tjua tahtore cohtaga musa cãhu. Puhtoro to wãhupu wihi, sopacare to dotachu tãhoa tina dóihta pjõ sõhna tire. ³⁷ Dahra cohtaina ti puhtoro to wihichu to cahmano seheta yoarucuina jia, wahcheina jiahca. Ti ã yoachu ñno puhtoro sehe dahra cohtariro yoaro sehe cohtotarohca. ã yoaro dahra cohtainare duji dutiro, tiro ti chãare duhu payorohca. ³⁸ Tiro to wihikti pja ñami dacho macapu, o bohrearopu to jipachuta dahra cohtaina sehe to wihikti pjare tire noano cohtaina jia, wahcheina jiahca tina. ³⁹ Ahrire wacũga musa. Yacariro wãhupu to wihito pano tí wãhu puero masierara. Wãhu puero yacariro to wihitore masino, tiro yacarirore sãa dutieraboa. ã jiro wacũenoca tara yacariro. ⁴⁰ ã jina musa cãhu cohtaga. Yãhu masno Cohamacu warocariro wacũenoca taihca. ã jina yu yare ã yoarucuina jina cohtaga musa –niha Jesu tinare.

Dahra cohtariro to pũhtorore ño payorirore, ño payoerariro cãhũre yahuha
(Mt 24.45-51)

⁴¹ To ã nichũ Pedro sehe õ sehe ni sinituha Jesure:

—¿Ahri quitire yahucũ sãre nii nijari? ¿O jipihinare ã nii nijari? —niha Pedro.

⁴² To ã nichũ Jesu to tũhotua mehne õ sehe ni piti dahre buheha tinare:

—Dahra cohtariro to pũhtorore ño payoriro tũho masiriro õ seheta jira. Pũhtoro tinino waharo, dahra cohtarirore to wũhũre cũna. To cũriro sehe dutiriro jirohca. ã jiro tiro chũri pja jichũ paina dahra cohtainare chũare witira.

⁴³ Baharo pũhtoro to wihichũ dahra cohtariro sehe to pũhtoro to dutiriro seheta yoa pahñoriro jiro, tiro wahcheriro jirohca. ⁴⁴ Potocã niita nija mũsare. To ã yoachũ to pũhtoro jipihtia to yare ñũ wihboriro cũnohca tirore. ⁴⁵ To ã cũpachũta dahra cohtariro “Yũ pũhtoro yoari pja bajuerara”, niboca. ã nino paina dahra cohtainare mũare, numia cũhũre cjãpe, payũ chũ, sihni, cahaboca. ⁴⁶ To ã yoari baharo wacũenoca to pũhtoro wihirohca. ã wihiro tirore ñano buhiri dahrerohca. ã jiro Cohamacũre yũhdũrucainare to cohãriropũ tirore cohãnohca.

⁴⁷ ã yoa dahra cohtariro to pũhtoro cahmaare masiriro jiparota tíre to yoaerachũ, tiro to noano dahraerachũ to pũhtoro sehe tirore yuta da mehne tuaro tjananohca. ⁴⁸ Pairo sehe dahra cohtariro to pũhtoro cahmaare masierariro jiro to noano yoaerachũ ñũno to pũhtoro sehe pjiroca dero

tirore tjananohca. Cohamacu to cahmaare masichu yoara masare. Ñ jiro masirirore yuhtiro cahmana. Tuhsu, noano masirirore noano yuhtiro cahmana –niha Jesu.

*Jesu masare cahma tju wachu yoara
(Mt 10.34-36)*

⁴⁹ Ñ ni tuhsu Jesu tinare õ sehe ni yahuha tjoa:

–Pichaca to jüwero seheta yuhu ahri yahpapure Cohamacu tirore cahmaerainare to buhiri dahrehtore tinare masichu yoai tai nii. Mipü pinihta tíre ti masichu tuaro cahmaja yuhu. ⁵⁰ Yuhu ñano yuhduihca. Yu ñ ñano yuhduhtire cohtacu, ñano yajeripohna tija yuhu. ⁵¹ ¿Dohse ni tuhotujari musa yuhure? “Tiro masare to buheri baharo paina tinare ñu tuhtisi”, ¿ni tuhotujari musa yuhure? Ñ jierara. Masare yu buheri baharo cáina yu yare tuhoahca. Paina sehe tinare ñu tuhtiahca. Cãno potori waro jisi masa. Musare nii nija. Masa yu buheare tuhoa, pu curua cahma tju waahca. ⁵² Mipure cü wuhu macaina cinco masa yu buheare tuhoa, pu curua ti basi cahma tju waahca. Cü curua tiaro, pa curua puaro jiahca. ⁵³ To pucuro to macunore ñu tuhtirohca yu yairo to jiri buhiri. Tuhsu, paio macuno cãhu to pucurore ñu tuhtirohca to pucuro yu yairo to jiri buhiri. Ñ yoa to pocoro to maconore ñu tuhtirohca yu yacoro to jiri buhiri. Tuhsu, pacoro macono cãhu to pocore ñu tuhtirohca to pocoro yu yacoro to jiri buhiri. Ñ yoa to marechono to macu namonore ñu tuhtirohca yu yacoro to jiri buhiri. Tuhsu, pacoro macu namono cãhu to marechonore ñu tuhtirohca yu yacoro to

jiri buhiri. Āta waharohca, yu buheare ti tūhochu
—niha Jesu.

*Noari dacho cjihtore, ñari dacho cjihtore masa ti
masiare yahuha Jesu*

(Mt 16.1-4; Mr 8.11-13)

⁵⁴ Ā yoa Jesu masare õ sehe ni yahuha tjoa:

—Ahrie sehepu coro siterire ñuna, dóihta “Coro tarohca”, nina musa. Musa ã niri baharo coro tara. ⁵⁵ Ā yoa surpu wihnono tachu “Siri dacho jirohca”, nina musa ahri yahpai jiina. Musa ã niri baharo dacho sira. ⁵⁶ Musa mahñoperucuina jira. Musa ahri yahpare manano cūhure ñuna, noari dacho cjihtore, ñari dacho cjihto cūhure masina musa. ¿Ā jina mipu macaa dachore masipanahta dohseana ahri yahpa macaina mipure musa dohse wahahtore masierajari musa? —niha Jesu.

*Musare ñu tuhtiro mehne musa cahmacherire
cahma pjāga*

(Mt 5.25-26)

⁵⁷ Ā ni tuhsu õ sehe ni yahu namoha:

—¿Muhu quihõno mu yoahtere masierajari muhu mipu? ⁵⁸ Pairo muhure yahusãno waharo buhiri dahre dutiri wuhuru waha dutiboca. Tõpu wahaana “Pari turi muhure ã yoasi”, nicu cahma pjāga. Mu ã cahma pjāerachu tiro buhiri dahre dutiro caharu naaboca muhure. Tuhsu, buhiri dahre dutiro sehe muhure surarare to wachu, muhure surara peresu yoahca. ⁵⁹ Muhure nii nija. Tõpu jisinihca muhu. Pu ti wapa dutire mu wapa pahñoiru wijaaihca muhu —niha Jesu.

13

“Noaina jija”, ni m̄sa t̄hotumarine t̄hotu cohtota, Cohamac̄re cahmaga

¹ Tí pjare mahainac̄a masa Jesure ò sehe ni yahua tiha:

—Galilea macaina wahiquirore wajã jũ m̄o Cohamac̄re ti ño payoro watoi Pilato sehe tinare wajãha. To ã wajãch̄u wahiquiro di mehne masa di moreha —ni yahuha tina Jesure.

² Ti ã ni yahu tuhs̄ch̄u Jesu ò sehe ni yahuha:

—¿Galilea macaina Pilato to wajãrina cjirire dohse ni t̄hotujari m̄sa? ¿Ti ã yariach̄u paina Galilea macaina ȳhdoro ñaina ti jiri buhiri ã yoa dutiri Cohamac̄u tinare, m̄sa t̄hotuch̄u? ³ Jierara. M̄sare niita nija. M̄sa sehe “Noaina jija” ni, m̄sa t̄hotumari cjirire t̄hotu cohtotaerana, Cohamac̄re cahmaerana, m̄sa c̄h̄u yariana pichac̄u wahanahca. ⁴ ã yoa sohõ jirina diez y ocho masa Siloé wama tiri w̄h̄u m̄ari w̄h̄u ti bui bora pja wajã pahñoha. ¿ã waha yariaa, paina Jerusalẽ macaina ȳhdoro ñaina jiri tina, m̄sa t̄hotuch̄u? ⁵ Jierara. M̄sare niita nija. M̄sa ñaa t̄hotumari cjirire t̄hotu cohtotaerana, Cohamac̄re macaerana, m̄sa c̄h̄u yarianahca. ã jina pichac̄u wahanahca —niha Jesu tinare.

Higuerac̄u dicha maried̄u quitire yahuha Jesu

⁶ ã ni tuhs̄u quitu mehne piti dahre yahuha tinare:

—Wese p̄ro to wesep̄u higuerac̄u cj̄aha. ã jiro tiro t̄ dichare macano wahamaha. Bocaeraha. ⁷ Bocaeraro tiro wese dahrarirore yahuha. “T̄hoga ȳh̄re. Tia c̄h̄ma waro higuerac̄u

dichare macamaja. Dicha mariahna. T_u dicha mariach_u ture cjã cohãnocahga. T_u y_u wesei jich_u pad_ure y_uh_u toa masieraja. Y_u wesei jiri yahpa macaare wiho waro nana t_u”, niha wese p_uro tirore dahra cohtarirore. ⁸ To ã nich_u tuhoro dahra cohtariro ò sehe niha: “P_uhtoro, ah_ud_u c_uh_uma waro ducusinijaro. T_u dahpotoi y_uh_u sahaihtja. Tuhs_u, wahiquiro t_u mehne tí copare yaihtja. ⁹ Y_u ã yoari baharo t_u pa c_uh_umai dicha tiboca. T_u dicha tierach_u m_uh_u cjã cohã dutiihca”, niha dahra cohtariro wese p_urore —ni yahuha Jesu.

Sabado dachoi Jesu dohatiricorore noaricoro wahach_u yoaha

¹⁰ Tí pjare Sabado dachoi Jesu judio masa buheri w_uh_ui buhero niha. ¹¹ Tóí watĩno to cohtotaricoro jiha. Watĩno sehe diez y ocho c_uh_umari waro dohatich_u yoaha ticorore. ã jiro pari muti ducuricoro jiro, poto ducu masieraha. ¹² To ã jich_u ñ_uno Jesu ticorore ñ_u, ò sehe ni pisuha:

—Numino, m_u dohatia pihtia wahahre —ni pisuha Jesu.

¹³ To ã pisuri baharo ticorore to ña payoch_u dóihta ticoro noano poto ducuricoro wahaha. ã waharo “Cohamac_u tuariro, noariro jira”, ni ño payoha ticoro. ¹⁴ Jesu ticorore Sabado dachoi to noaricoro yoach_u ñ_uno judio masa buheri w_uh_u p_uhtoro sehe tiro mehne suaha. ã suaro tiro masare ò sehe niha:

—Seis dachori jira mari dahraa dachori. ã jina m_usa dohatiinare noaina wahach_u yoa duana, tí

dachorire tíre yoaga. Sabado dachore mari sori dachore tíre yoaena tjiga —niha w_hh_h p_hhtoro.

¹⁵ To ã nich_h Jesu õ sehe ni y_hhtiha:

—M_hsa ã mahñorucuina jira. M_hsa wach_hre, burro c_hh_hre c_huana Sabado dachoi ti d_hhteri dare pjã, tinare na buha, sihni dutiboa. ¹⁶ Mip_h ahricorore Abrahã cjiro coyeacorore wafino diez y ocho c_hhmari waro ticorore dohatich_h yoahre. ¿Sabado dachoi ticorore noaricoro wahach_h yoa dutierajari m_hsa? —niha Jesu.

¹⁷ To ã nich_h t_hhoa, tina buoro wahaha. ã jia paina sehe jiphtina Jesu yoarire ñ_ha, wahcheha.

Mostaza yapa quitire yahuha Jesu
(Mt 13.31-32; Mr 4.30-32)

¹⁸ ã yoa Jesu q_hiti mehne piti dahre buheha masare:

—¿Ne Cohamac_h masa bui p_hhtoro to noano s_hho jia yaba baro yoaro sehe jijari, m_hsa t_hhotuch_h? Ahri q_hiti mehne tíre p_hhtoro to s_hho jiare yahuihtja y_hh_h. ¹⁹ Mostaza yapacã yoaro sehe jira. Tí yapacãre toari masano to wesei toaha. To toari baharo tí yapacã duha. ã jia t_h b_hc_hach_h minichahca peri t_h d_hp_hrip_h suhti suhaha. (Tó seheta m_hano macarirore mari p_hhtoro masiina mahainacã ti ji m_hhtapach_hta baharop_h tina pay_h wahaahca) —niha Jesu.

Pão b_hc_haro quitire yahuha Jesu
(Mt 13.33)

²⁰ ã ni tuhs_h, pari turi Jesu õ sehe ni piti dahre buheha:

—¿Ne Cohamac_h masa bui p_hhtoro to noano s_hho jia yaba baro yoaro sehe jijari, m_hsa

tuhotuch_u? 21 Pão bucuaro yoaro sehe jira. Tíre numino cũ wajuru trigore co mehne noano tíre dahra morena pão bucuah_uto_u. To ã yoach_u pão bucuaro sehe trigore noano sahseruc_u sura. (To sahseruc_u s_uro seheta m_uano macarirore mari puhtoro_ure pay_u masa masiahca) –niha Jesu.

Mahari sopacacã quitire yahuha Jesu
(Mt 7.13-14, 21-23)

22 Æ yoa Jesu buj_ua macarip_u, daa macaricãp_u cãh_ure buhe wahcã, Jerusalêp_u s_uro taro niha. 23 To ã waharo watoi cãiro Jesure õ sehe ni sinituha:

–Puhtoro, ¿mahainacã masare pichacap_u waha-borinare y_uhdorohcari Cohamac_u? –ni sinituha tiro Jesure.

To ã nich_u Jesu piti dahre buhero õ sehe ni yahuha:

24 –Pay_u masa Cohamac_u cahap_u waha duaa, sãa duamana. Mahari sopacacãre m_usa sãa duach_u mijo curera. Tó seheta Cohamac_u cahap_u m_usa waha duach_u mijo nina. Masa ã sãa dua-pahta sãa masierara. Æ jina m_usa sehe mahari sopacacãre m_usa tuaro sãa duaboro seheta Cohamac_u sehere tuaro masiga. 25 Õ sehe yoarohca Cohamac_u pay_u masare. Tiro w_uh_u p_uro yoaro sehe jira. W_uh_u p_uro wahcã, sopacacãre biharohca. To ã yoach_u sopacacãp_u ducuna, sopa pahmare dotanahca. Æ dotana õ sehe ninahca: “Puhtoro, sopa pahmare pjõohga”, m_usa nich_u w_uh_u p_uro sehe õ sehe ni y_uhtirohca. “M_usare ne masieraja y_uh_u. Nohoi m_usa tariro cãh_ure masieraja”, ni y_uhtirohca. 26 To ã nich_u m_usa õ

sehe ni yuhtinahca: “Muhu mehne sã chu, sih-nihi. Sã ya macai buhere muhu”, ninahca musa. ²⁷ Musa ã nichu tiro sehe õ sehe ni yuhtirohca: “Musare ne masieraja. Nohoi musa tariro cãhure masieraja. Jipihtina musa ñaa buhiri tiina yu cahai taena tjiga”, ninohca wuhu puho. ²⁸ ã yoa Abrahã cjirore, Isaa cjirore, Jacobo cjirore, jipihtina Cohamacu yare yahu muhtaina cjirore Cohamacu masare puhtoro to noano suho jirore ti jichu ñuna, musa sehe sopacapu cohãrina jina tuaro tiinahca. ã tiina jina, musa tuaro cahyaro mehne piri bahca dihonahca. ²⁹ Tí pjare jipihtiro macaina puhtoro Cohamacu to noano suho jirore su, tiro mehne chu dujiahca. ³⁰ Mipure wiho jiina jirina cjiri tí pjare puhtoa jiahca. ã jia mipure puhtoa jirina cjiri tí pjare wiho jiina jiahca –niha Jesu.

Jerusalẽ macainare tuaro cahãha Jesu

(Mt 23.37-39)

³¹ Tí pjare mahainacã fariseo curua macaina Jesu cahapu suã, tirore õ sehe ni yahuha:

–Herode muhure wajã duara. ã jicu pa sehempu wahaga muhu –niha tina tirore.

³² Ti ã nichu Jesu sehe õ sehe ni yuhtiha:

–Herode mahãoa payuriro jira tiro. Õ sehe ni yahuga tirore: “Jesu watãare cohã wioro nina. Tuhsu, dohatiinare noaina wahachu yoaro nina. Tãre michare, ñamichaca cãhure yoarohca. Ñamichaca bohrearo dahra batoarohca”, ni yahuga Herodere. ³³ ã jicu michare waha, ñamichaca cãhure waha, ñamichaca bohrearo cãhure waha, Jerusalẽpu suihca. Cohamacu yare yahu muhtarirore yuhure wajãhca masa.

Cohamacu yare yahu muhtainare ti wajachu Jerusaleru jiro cahmana tinare. A jicu yuhu cuhure Jerusaleru jiro cahmana.

³⁴ Cue Jerusalẽ macaina. Musa Cohamacu yare yahu muhtaina cjirire wajã, musa cahai to warocainare tãa mehne doca wajãre musa. Musa coyea panopu macaina cuhu ãta yoarina cjiri jiha. Caracacoro to pohñare to cjaru dupari mehne to moha coãno seheta payu tahari musare cahrucumahi. Musare cahmamahi. Musa sehe yuhure ne cahmaerare. ³⁵ Mipure musa jiro cohãri maca jirohca. Potocã niita nija musare. Cohamacu mari puhtoro to tuaa mehne taihca yuhu. Yu ã tachu ñuna musa yuhure “Cohamacu tuaa mehne tariro noajaro”, ninahca. Yuhure musa tĩre nihto pano pari turi yuhure ñusi musa –niha Jesu tinare.

14

Dohatirirore noariro wahachu yoaha Jesu

¹ Pa dacho Sabado dacho jichu fariseo curua macaina puhtoa mehne macariro ya wuhupu Jesu churo wahaha. Tĩ wuhui jiina tiro dihtare ñuroca õha. ² Ti ã ñuroca õno watoi yachuri wipiriro, ñuchua wipiriro tiro cahapu suha. ³ A jiro Jesu judio masare buheinare, fariseo curua macaina cuhure õ sehe ni sinituha:

—¿Sabado dachore dohatirirore noariro wahachu yoa dutijari Cohamacu yare ti joari pui? —ni sinituha Jesu.

⁴ To ã ni sinitupachuta tina yuhtieraha. Ti yuhtierachu ñuno Jesu dohatirirore noariro wahachu yoa, “Wahaga”, niha tirore. ⁵ ã yoa tuhsuro, tinare õ sehe ni sinituha tjoa:

—“¿Cãiro musa mehne macariro to macuno Sabado dachoi mari sori dachoi coparu to bora sãachu na wioerabocari?” musa ã nina. “¿To wachu cãhure na wioerabocari?” musa ã nina —niha Jesu.

⁶ To ã nipachuta tina to sinituare yuhti masieraha tjoa.

Wamomaca duhteropu pjirocainare yahuha Jesu

⁷ Fariseo curua macariro ya wahuai jiro tí wahu macariro to pjirocaina noaa dujiare ti besechu ñuha Jesu. ã ñu tuhsu õ sehe ni yahuha jipihtinare:

⁸ —Wamomaca duhteri bese numai musare to pjirocachu, noaa dujiare bese dujiena tjiga. Musu yuhdoro cua pisainare pjirocaboca ahri wahu puro. ⁹ To ã yoachu musa noaa dujiai dujichu, “Ahrina cua pisainare musa dujiare waga”, niboca wahu puro musare. To ã nichu musa sehe buo tina, ñaa dujiai dujiboca. ¹⁰ ã jina wahu puro musare to pjirocachu, ñaa dujiai duji muhtaga. Musu ã yoachu wahu puro musare “Noaa dujia sehere dujina taga”, ninohca musare tiro. Musu ã wahachu paina to pjirocaina sehe musare ño payoa mehne ñahca. ¹¹ Cãiro to basi “Puhtoro tjija”, ni tuhoturiro cahamacuno jirohca. Pairu “Cahamacuno jija”, ni tuhoturiro painare yuhduruca duaerariro tiro sehe puhtoro jirohca —niha Jesu tinare.

¹² ã ni tuhsu Jesu wahu purore õ sehe ni yahuha:

—Muhu bose numu dahrecu mu cahai jinare, mu bahanare, mu coyeare, pache puare pjiesu tjiga. Mu tinare pjichu muhu cūhure tina cūhu pji cahmaahca tjoa. Ā pji cahmaa muhure ti waramoare wapaahca. ¹³ Muhu bose numu dahrecu pjasuoinare, tini masierainare, cū bhusehe dahporo dojori tinare, capari űerainare pjirocaga. ¹⁴ Mu ā yoachu űno Cohamacu muhure noano yoarohca. Tina sehe muhure ti waramoare wapa masierara. Ā jiro noaina yariaina ti masa mujari pja jichu Cohamacu sehe noare mu yoari wapa muhure noano yoarohca —niha Jesu wahu puore.

Pjiri bose numu quitire yahuha Jesu

¹⁵ To ā nichu tuhoro paio churi mesa cahai dujiriro, Jesure ō sehe ni yahuha:

—Cohamacu masare puhtoro to noano suho jiroi to churi mesa cahai dujiina tuaro wahcheina jiaha —niha tiro Jesure.

¹⁶ To ā nichu Jesu ahri quitire yahuha tirore:

—Pjiri bose numu dahreriro payu masare pjirocaha. ¹⁷ To pjirocari baharo bose numu dachoi to cahamacunore to pjirocainare yahu dutiro warocaha. “Ma, jipihtiare bose numu macaa cjihtire cahno tuhsure. Ā jiro musare pjirocahure”, ni yahu dutiha to cahamacunore. ¹⁸ To cahamacuno to ā ni yahupachuta, to pjirocaina sehe “Waha masieraja”, niha tina. To pjiroca muhtariro ō sehe ni yahuha to cahamacunore: “Michapucacā yahpare nuchhi. Ā jicu tí yahpare űni wahi tai nija. Ā yoacu waha masieraja. űno payo curea yuhure. Yuhure basioerahca”, niha to pjiroca

m̄htariro sehe to cahamac̄nore. ¹⁹ Pairo sehe ò sehe niha: “Wach̄are p̄na wamomaca pihtiinare michapucac̄ta nuch̄hi. ã jic̄n wach̄are buhe cayo ñ̄ni wahai tai nija ti waja wahc̄htore. ã yoai wahaeraja. Ȳh̄ure basioerahca”, niha tiro c̄h̄n. ²⁰ Pairo sehe ò sehe ñ̄ha: “Ȳh̄n michapucac̄ wamomaca d̄htehi. ã jic̄n bose nam̄p̄n waha masieraja”, niha tiro to cahamac̄nore. ²¹ To ã nich̄n to cahamac̄no sehe tjua waha, to p̄htorop̄re ti niri cjirire yahu pah̄oha. To ã ni yahuch̄n to p̄htoro tuaro susini, ò sehe niha to cahamac̄nore. “Macari macaa maharip̄n p̄jac̄oina ti ducua maharip̄n wahaga. ã jic̄n p̄jac̄oinare, tini masierainare, capari ñ̄erainare, c̄n b̄h̄usehe dahporo dojori tiinare cjero na tahga tinare”, niha p̄htoro. ²² Baharo curero to cahamac̄no yahuha to p̄htorore: “P̄htoro, m̄n dutiriro seheta yoahi. Ȳn ã yoapach̄ta paina c̄h̄n m̄n sahca”, niha to cahamac̄no. ²³ To ã nich̄n p̄htoro tirore ò sehe ni dutiha: “Campop̄n wahaga. Tóí b̄j̄na maharip̄n jiinare, daa maharic̄p̄n jiina c̄h̄ure masare ȳn w̄h̄p̄n ta dutiga, ya w̄h̄n to noano wahpahto cjihto sehe. ²⁴ Potoc̄a nii nija m̄h̄ure. Ahrina ȳn p̄jiroca m̄htarina ȳn ch̄are ne mahanoc̄a ch̄si”, niha p̄htoro –ni yahuha Jesu.

Jesu mehne wahach̄n mijo nina

²⁵ Tí p̄jare paȳn masa Jesu mehne wahaha. ã jiro Jesu tinare majare ñ̄n, ò sehe ni yahuha:

²⁶ –C̄ñ̄iro ȳn buheriro ji duaro painare to cah̄ñ̄iro ȳhdoro ȳh̄n sehere cah̄ño cahmana. To p̄c̄urore, to pocorore, to namonore, to pohnare, to bahanare, to p̄jac̄n c̄h̄ure to cah̄ñ̄iro ȳhdoro

yuhu sehere cahño cahmana. Ñ yoeraro yu buheriro ji masierara. ²⁷ Cãiro yu buheriro ji duaro yu yare ã yoarucuriro jirohca. Ñ yoa crusapu yu ñano yuhduhtiro seheta yu yairo to jiri buhiri ñano yuhdu duaeraro yu buheriro ji masierara. ²⁸ Ahrire masiyuro cahmana musare. Õ sehe jira tí: Wuhu dahreriro to muiari wuhure yoahito pano wuhu wapa tihtire quihõ cõ mahtana. Ñ yoaro to wuhure to pahñohtore masina tiro. ²⁹ Wapa tihtire quihõeraro to wuhure yoaro pahñoeraboa. Ñ jia tirore ñina bujapeboa. ³⁰ “Ahriro to wuhure yoaro bihoerare”, ni bujapeboa. ³¹ Puhtoro paio puhtoro yaina mehne ti cahma wajãhto pano, to yaina surarare to cahma wajã dutihtito pano, to surarare quihõnohca. “¿Yuhu diez mil surara mehne paio veinte mil surara cjariro mehne cahma wajãcu bihobocari yuhu?” ni tuhoturo quihõnohca tiro. ³² Ñ quihõno, to bihoeratore masinohca. Ñ masino paio puhtoro to surara mehne cahma wajãno tariro yoaropu to jichuta, bihoerariro sehe “Cahma wajãena tjijihna”, ni dutiro warocaboa dahra cohtarirore. ³³ Ñ jina yu buheina ji duana, musa yoahitire musare masino cahmana. Musa yoa duari sehere cohã duaerana, yu buheina ji masierara —ni yahuha Jesu.

Moa coerarore yahuha Jesu

(Mt 5.13; Mr 9.50)

³⁴ Ñ ni tuhsu tinare õ sehe ni yahu namoha:

—Moa noano coara. To coerachu coa yoahito basioerara. ³⁵ Moa coerachu tí moa ne noerara.

Tí moare dohseahito basioerara. Tí ã jichu tí moare cohãno cahmana. Ne yaba cjihti jierara ti cohõa. (Ti yaba cjihti jieraro seheta jiena tjiga musa. Moa noano to coaro seheta musa cãhu ji coaina jiga. Tuhsu, paina mehne noano mehne jiga.) Ahrire noano tuhoga musa –niha Jesu.

15

Oveja butiriro quitire yahuha Jesu (Mt 18.10-14)

¹ Æ yoa pa dachoi payu puhtoia yare wapa na cohtaina paina “Ñaare yoaina”, ti niina mehne Jesure tuhoa taha. ² Ti ã yoachu ñua fariseo curua macaina, judio masare buheina cãhu Jesure ñu tuhtia, õ sehe niha ti basi:

–Ahriro ñainare piti tira. Æ jiro jirota tina mehne chura –ni durucuha tina ti basi.

³ Ti ã ni durucuchu Jesu to tuhotua mehne õ sehe ni piti dahre buheha tinare:

⁴ –¿Cien oveja puro cãiro oveja butichu ñano dohse yoarohcari tiro? Õ sehe yoarohca. Tiro noventa y nueve ovejare ti churi camporu cã, butirirore macano waharohca. Ovejare bocaroru duhurohca. ⁵ Tirore bocaro wahcherohca. Æ jiro to comapariaca buipru tirore cã payo, to wãhãru na tjuaa waharohca. ⁶ Na tju su, to cahai jiiinare, to coyeare pji cahmachunohca. “Yu oveja butirirore boca tuhsuhi. Æ jina yãhu mehne wahchega”, ninohca tiro tinare. ⁷ Potocã niita nija musare. Noventa y nueve oveja payu ti jiro seheta, payu masa õ sehe ni tuhotura: “Ñano yoaeraja. Æ jicu yu ñaare cahya, yu tuhotumari cjirire tuhotu

cohtotasi yũhũ”, ni tũhotura payũ masa. Ti ã ni tũhotuchũ ñũa mũano macaina Cohamacũ cahai jiina wahcherara. Pairo sehere wahchera. Butiriro oveja cãirota to butiriro seheta to pũro tirore to bocariro seheta cãiro ñariro to ñaare cahyachũ, “Ñano yoaeraja”, ni to tũhotumari cjirire tũhotu to cohtotachũ, Cohamacũre to cahmachũ ñũa, Cohamacũ cahai jiina tuaro wahchera –niha Jesu.

Niñeru tũ butiri quitire yahuha Jesu

⁸ ã ni yahu tuhsũ, paye quitu mehne piti dahre yahu namoha tjoa:

–¿Diez niñeru tũri cjũaricoro cã tũ butichũ ñũno dohse yoarohcari ticoro? Õ sehe yoarohca ticoro. Sihãriare sihã, wũhũre coha, noano maca pahñonohca. Tí tũre bocaropũ duhurohca. ⁹ Tí tũre boca tuhsũ, to cahai jiinare, to coyeare pji cahmachunohca. “Niñeru tũ ya tũ yũhũre butiri tũre bocahi. ã jina yũhũ mehne wahchega”, ninohca ticoro. ¹⁰ Potocã niita nija mũsare. Tó seheta cãiro ñariro to ñaare cahyachũ, “Ñano yoaeraja”, ni to tũhotumari cjirire tũhotu to cohtotachũ Cohamacũre to cahmachũ Cohamacũ yaina anjoa sehe tuaro wahcheahca –niha Jesu.

To macũno butiri quitire yahuha Jesu

¹¹ ã ni yahu tuhsũ Jesu paye quitu mehne piti dahre yahu namoha tjoa:

–Bũcũro pohna pũaro mũa jiha. ¹² Dũhsariro sehe õ sehe niha to pũcũrore: “Mai, mũ yariari baharo yũhũre mũ wahtire yũhũre wa bahrañoga”, niha tiro to pũcũrore. To ã nichũ ti pũcũro pũaropũreta to pohnare witira to cjũari cjirire.

13 Mahaa dachoricã baharo dũhsariro to yare jip-ihtiare na, yoaropũ pa yahparũ wahaa wahaha. Tórpũ sũro tũho masierariro seheta yoa, to niñerure to yare yoa site pahñonocaha. 14 To yoa site pahñori baharo tí yahparũre ne chũa marieni pja ji dũcaha. ã jiro tiro jũca baaha. 15 ã jiro tí yahpa macaa dahraare macaha. To bocachũ to pũhtoro yesea cohtariro sõha tirore. 16 ã jiro tiro yeseare nu, ti chũare chũ duamaha. To ã chũ duapachũta tí chũare tó macaina waeraha tirore. 17 ã yoa tirore tói wacũa taha jũna. “Yũ pũcũre dahra cohtaina sehe bujũa chũare chũca. Ti chũ dũhaa cãhũ bujũa dũhsaca. Ti ã noano yũhdũro watoi yũhũ sehe õi jicũ, jũca yariai nija. 18 Mipũre yũ pũcũ caharũ tjuaihtja. Yũ pũcũ caharũ sũcũ õ sehe nihtja tirore: ‘Mai, Cohamacũre ñano yoahi. Mũhũ cãhũre ñano yoahiti. 19 Ñariro jija. Mũ macũ jiboriro jieraja yũhũ. Mũhũre dahra cohtaina seheta yoaga yũhũre’, nihtja yũ pũcũre”, ni tũhotuha tiro. 20 ã ni tũhoturota wahcãrũca, to pũcũro caharũ tjuaa wahaha. Tórpũ to sũriro tjua tachũ to pũcũro sehe yoaropũta to macũnore ñũha.

’To ã wihichũ ñũno to macũnore pja ñũha. ã pja ñũno to cahai mũroca wahcã tirore cjã suhsu mũa, to wahsupui wihmiha to pũcũro to macũnore. 21 “Mai, Cohamacũre ñano yoahi. Mũhũ cãhũre ñano yoahiti. Ñariro jija yũhũ. Mũ macũ jiboriro jieraja yũhũ”, niha tiro to pũcũrore. 22 To ã nichũ tũhoro to pũcũro sehe dahra cohtainare pjiha: “Cjero, noa yũhdũri suhtirore na tahga. ã jina yũ macũre sãaga. Sãa tuhsũ, to wamomaca sãari sorore sãa, to dahporire dahpo suhti cãhũre sãaga.

23 Sãa tuhsu, dihi tirirocã wachucãre wajãga. Bose numu yoajihna. 24 Ahriro yu macu yariariro seheta wahare. ã wahaparota mipure catira tiro. To butiboriro seheta jirirore mipure bocahi. ã jina bose numu yoajihna”, niha to pucuro. To ã niri baharo bose numu dahre ducaha tina.

25 ”Tí pjare to wahmino sehe wesepu jiha. Wesepu jiriro coha tjua taro wuhu cahai suro, ti basaare tãhorocaha tiro. 26 ã tãhorocaró, cãiro dahra cohtarirore pjiroca, tirore sinitu ñuha tiro: “¿Dohse yoa basaa niri?” ni sinitu ñuha tiro dahra cohtarirore. 27 “Mu bahu tju wihihre. Tiro noariro, catiriro to tju wihichu mu pucu dihi tiriro wachucãre wajã dutihre”, ni yãhtiha dahra cohtariro. 28 To ã ni yahuchu to wahmino sehe tuaro suaro, wuhupu sãa taeraha. To sãa taerachu ñuno to pucuro sopacapu wijaa ta, “Sãa taga” ni, tuaro pjimaha to macunore. 29 “Tãhoga, Mai. Yoari pja mähure dahra cohtariro seheta mähure yoadohomahi. ã jicu mu dutiare ne cã taha yuhdurucaera tihi. Yu mähure dahra cohtapachuta yuhure ne waerare mahu. Ne cãiro wahiquirecãre ne waera tire mahu yuhure yu piti tiina mehne yu bose numu dahrehti cjihtire. 30 Wiho mejeta ahriro mu macu sehe ñaina numia mehne mu yare yoa site pahñoyuhti. Tíre yoa site pahño tuhsu, tiro wuhupu to tju wihichu dihi tirirocãre wachucãre wajã dutiyuhti mahu to chũtiro cjihtore”, niha to wahmino to pucurore. 31 “Macu, yuhu mehne jipihia dachoripe mu jichu jipihia ya mu ya cãhu jira. 32 Mu bahu sehe yariariro seheta wahare marine. ã yoa mipure tiro catiriro jira. Tiro butiboriro

seheta jire. To ã wahari baharo mipure tirore bocahi. Ñ jina to tju wihichu mari bose numu yoa wahchechu noana”, niha tiro to macunore –niha Jesu tinare.

16

Niñeru ñu wihbo cohtariro tũho masiriro quitire Jesu yahuha

¹ Ñ yoa ahri quitire to buheinare õ sehe ni yahuha Jesu:

–Pache puro ya niñerure ñu wihbo cohtariro niñerure noano to ñu wihboerachu ñuno paio sehe yahusãha pache pure: “Tiro mu niñerure yoa sitero nina”, ni yahusãha tirore. ² To yahusã tuhuri baharo niñeru ñu wihbo cohtariroro pjirocaha. Ñ pji tuhu, to wihichu ñuno, tirore pureto õ sehe niha: “Pairo yu niñerure mu yoa siterire yuhure yahure. Ñ jicu mipure yu yare ñu wihboriro jisi muhu. Ñ jicu yu yare mu yoari cjiire yahu pahno joaga. Muhure cohãi nija”, niha to pureto tirore. ³ To ã niri baharo õ sehe ni tũhotuha ñu wihboriro to basi: “Yu pureto yuhure cohãno taro nica. Yuhu tuaeraja. Ñ jicu tuaro dahraare bihoeraja. Tuhu, painare yuhu niñerure sinicu bũobiario yuhdũboca yuhu. ¿Dohse yoahcari yuhu? ⁴ Mipu pinihtare yu yohtire masija yuhu juna. Õ sehe yu yoachu yu dahraa maerachu yu pureto wapamoina yuhure cahãhca. Ñ jia ti wuhusepu sãa dutiahca yuhure”, ni tũhotuha tiro. ⁵ Ñ ni tũhoturo tiro jipihtina to pureto wapamoinare pjirocaha. Pjiroca

tuhsu, cohtaha. Ñ cohtaro wihi muhtarirore õ sehe ni sinituha tiro: “¿Yu puhtorore noho puro wapamojari muhu?” niha tiro. ⁶ To ã nichu wapamoriro sehe õ sehe ni yuhtiha: “Cien tambores sere olivo dicha mehne ti yoari sere wapamoja tirore”, ni yuhtiha tiro. To ã ni yahuchu niñeru ñu wihboriro sehe õ sehe ni yahuha: “Õi jira mu wapamonore joa õri pũ. Dujiga. Ñ jicu mu wapamonore dacho macai na, dacho macai joa cahnoga”, niha ñu wihboriro wapamorirore. ⁷ Ñ ni tuhsu pairo wapamorirore sinituha tiro: “¿Muhu waro, noho puro wapamojari?” niha tjoa. “Cien waju trigo yapari wajure wapamoja yuhu”, niha wapamoriro niñerure ñu wihborirore. “Õi jira mu wapamonore joa õri pũ. Mu wapamonore ochenta joa cahnoga”, niha ñu wihboriro. ⁸ To ã noano mahño mihnichu ñuno “Ahriro mahñoriro noano masiriro jica”, ni tuhotuha to puhtoro niñerure ñu wihborirore. Ahri dacho macaina, Cohamacure cahmaeraina ti yare cahnorire ti niñeru ti ñu wihborire Cohamacu yaina yuhdoro masica tina –niha Jesu.

⁹ Ñ ni tuhsu Jesu õ sehe ni yahu namoha:

–Ahri quitire ã ni yahucu, musare õ sehe niita nija. MUSA cjaare, pjacuoinare musa wachu, tina sehe musare cahñahca. MUSA ã yoachu musa cjaaa pihtiari baharo musa manopu suchu musare cahñahca tópure.

¹⁰ Wiho jiina ya dahraare quihõno yoana, puhtoa ya dahraa cãhure quihõno yoanahca. Wiho jiina ya dahraare quihõno yoaerana, puhtoa ya dahraa cãhure quihõno yoasi musa. ¹¹ Ñ jina

ahri yahpai m̄sa c̄juaa mehne m̄sa noano yoaerana Cohamac̄ m̄sare to yoa dutia c̄h̄re noano yoasi m̄sa. ¹² ã jiro paio yare m̄sa noano yoabasaerach̄ ñ̄no m̄sa ya c̄jhtire wasi m̄sare.

¹³ 'C̄iuro Cohamac̄ sehere wac̄no, tuabiaro niñeru sehere wac̄erara. Niñeru sehere tuabiaro wac̄no Cohamac̄ sehere wac̄erara. Niñeru dihtare cahmariro jiro Cohamac̄re wahchec̄h̄ yoaerara. Cohamac̄ c̄h̄re, niñeru c̄h̄re p̄arore cahma ȳhd̄cahto basioerara m̄sare. Niñerure cahma ȳhd̄ariro Cohamac̄re noano ño payo masierara —niha Jesu.

¹⁴ To ã nich̄ t̄hoa fariseo curua macaina sehe tirore b̄j̄peha. Tina sehe niñerure cah̄ha. ã jia b̄j̄peha. ¹⁵ Ti b̄j̄pech̄ t̄horo Jesu tinare ò sehe ni yahuha:

—Masa ti ñ̄rocaroi m̄sa noano yoamana. M̄sa ã yoach̄ “Noaina, quih̄no yoaina jira”, nimana masa m̄sare. Cohamac̄ sehe m̄sa t̄hotuare masina. Masa “Noa ȳhd̄ara”, ti nirire Cohamac̄ sehe soro ni t̄hotu, tíre ñ̄ yabira —niha Jesu.

Cohamac̄ to dutiare, p̄htoro to s̄ho jiare yahuha Jesu

¹⁶ ã ni tuhs̄ ò sehe ni namoha Jesu:

—João masare bautisariro to jhto pano Moiser to c̄ri dutia mehne Cohamac̄ marine dutire. Cohamac̄ yare yahu m̄htaina c̄jiri ti joari c̄jiri mehne c̄h̄re marine dutire. Mip̄ sehere João to buhe d̄cari baharo noaa buheare, Cohamac̄ masare p̄htoro to noano s̄ho jia c̄h̄re masi d̄cara masa. ã masia masa ti m̄ s̄ro ti tuaa

mehne Cohamacu masare puhtoro to noano saho jirore saã duamana.

¹⁷ 'Moisere to cūri dutiai Cohamacu to niriro seheta yoa pahñonohca tiro. Cohamacu yare yahu mahtaina cjiri ti joari cjiripu cūhure to niriro seheta yoa pahñonohca tiro. Mhano cūhu ahri yahpa cūhu ti pihtia wahapachuta Cohamacu to niriro seheta yoa pahñonohca —niha Jesu.

*Namonore cohãare yahuha Jesu
(Mt 19.1-12; Mr 10.1-12)*

¹⁸ ã ni tuhsu õ sehe ni namoha Jesu:

—Masno to namonore cohãno, pacorore namo tiro, tiro ticoro mehne ñano yoaro nina. Tuhsu, masno paio to cohãricorore namo tiro, tiro cūhu ticoro mehne ñano yoaro nina —niha Jesu.

Pache puero cūhure, Lázaro cūhure to yahuri quitire buheha Jesu

¹⁹ ã yoa paye quti mehne piti dahre yahuha Jesu:

—Tí pjapure pache puero jiha. To suhti sehe wapa bujãbiaha. Tuhsu, dachoripe tiro noaa dihtare churo, payu cjaha tiro. ²⁰ ã yoa tí pjare paio pjacuroro, Lázaro wama tiroro jia tiha. Tiro to pjacu payu camí tiroro jiha. To ã jiriro jichu paina sehe tirore pache puero ya wuhuru na saha. ²¹ ã jiro pjacuroro sehe pache puero to churi mesa docai yahpai dujiro to chu site boroare chumaha. “To chu site boroare chucu yapicuhca yuh”, ni tuhutumaha tiro. ã jia dieya to camine nehnea taa tiha. ²² Baharo pjacuroro to yariaa wahachu, Abrahã caharu paraíso wama tiropu anjoa tirore

naa mɔjaha. Pache pɔro cɔhɔ to baharocãta yariaa wahaha. To yariachɔ tirore yaha. ²³ ã yoa pache pɔrore tuaro pichaca jãha. To ã tuaro jũchɔ, pichacapɔ jiro mɔanopɔ jiriore Abrahãre ñɔha. Lázaro cɔhɔre ñɔha. ²⁴ Ñɔ tuhsɔ, tiro Abrahãre pisurocaha: “Coyeiro Abrahã, pja ñɔga yɔhɔre. Pichacapɔ yɔhɔ ñano yɔhdɔi nica. Yɔ ã wahachɔ Lázarore yɔhɔre warocaga. Tiro core to wamo picapɔ soha, yɔ ñahmanore co mehne nehojaro. Tóre yɔsɔojaro tiro”, niha pache pɔro. ²⁵ To ã nichɔ Abrahã tirore ò sehe ni yahuha: “Coyeiro, catiriro jicɔ jipihtiare mɔhɔ noaare cɔhɔre. Lázaro sehe dachoripe ñano yɔhdɔhɔre. Mipɔ sehere mɔhɔ ñano yɔhdɔchɔ tiro sehe òpɔre wahchea mehne jinocahno nina. ²⁶ ã yoa mari watoi cɔãri copa jira. ã jia òre jiina tópɔre waha masierara. Tuhsɔ tóre jiina òpɔ ta duaina ta masierara”, niha Abrahã pache pɔrore. ²⁷ To ã nichɔ pache pɔro ò sehe ni namoha: “Coyeiro, tuaro sinija mɔhɔre. Lázarore yɔ pɔcɔ ya wɔhɔpɔ warocaga. ²⁸ Yɔhɔ cɔ wamomaca pihtiina bahana tija. Lázaro tinare yahujaro. Tina òre ñano yɔhdɔropɔre taea tjijaro”, niha tiro. ²⁹ To ã nichɔ Abrahã sehe ò sehe ni yɔhtiha: “Cohamacɔ dutiare Moise marine to cɔri cɔjirire, Cohamacɔ yare yahu mɔhtaina ti joari cɔjirire cɔhɔra mɔ bahana. ã jia mɔ bahana tíreta tɔhojaro”, niha Abrahã. ³⁰ To ã nichɔ pache pɔro sehe yɔhtiha: “Coyeiro Abrahã, tíre cɔhɔpahta noano tɔhosi. Lázaro yariariro masariro tina cahapɔ to sɔchɔ ñɔa tina sehe ti ñaare cahya, noaare cohto-taahca. ã jia noaare yoaahca yɔ bahana sehe”, niha pache pɔro cɔjro. ³¹ To ã nichɔ Abrahã sehe

õ sehe ni yahuha: “M̄ bahana Moise to cūri pū to yahuare, Cohamac̄ yare yahu m̄htaina c̄jiri ti yahuare t̄hoeraina jira. ã jia Lázaro yariariro c̄jiro masariro to jipach̄ta tina Cohamac̄re t̄ho duasi”, niha Abrahã –ni yahuha Jesu.

17

*Ñaare yoach̄ cua nina
(Mt 18.6-7, 21-22; Mr 9.42)*

¹ ã yoa Jesu õ sehe ni yahuha to buheinare:

–Masare ñano yoach̄ yoa paȳ jira. ã jia masa ñaare yoara. Ti ã jipach̄ta mas̄nore ñaare yoach̄ yoiro sehe ñabiaro ȳhd̄rohca. ² Mas̄nore to wam̄ai pjiria t̄ca d̄hte yo, pjiri map̄ tirore ti coh̄ch̄ ñano wahaboa tiro. Pairo sehe ahrinac̄ mehne macariroc̄ ñaare yoach̄ yoiro pjiri map̄ ti coh̄riro ȳhdoro ñano ȳhd̄rohca. Tirore tuaro buhiri dahrero cahmana. ³ Noano yoaga m̄sa. M̄sa coyeiro ñano to yoach̄ ñna “Yoai tjiga”, niga tirore. ã jina tiro to ñaare cahyach̄, noaare to cohtotach̄ m̄sa sehe to ñaa yoaare boga. ⁴ ã yoa m̄sa coyeiro c̄ dachoihta siete tahari m̄sare ñano to yoach̄ t̄pe tahari m̄sare, “Ȳ ñaare cahyaja. Pari turi ã yoasi”, to nich̄ t̄pe taharita to ñaa yoaare boga –niha Jesu.

Cohamac̄re wac̄ tuaare yahuha Jesu

⁵ ã yoa Jesu buhe duti to cūina tirore õ sehe niha:

–Cohamac̄re s̄re noano wac̄ tua namoch̄ yoaga –niha tina Jesure.

⁶ Ti ã nich̄ Jesu õ sehe ni ȳhtiha:

–Mostaza yapac̄ mahari yapac̄ jiparota durō p̄jid̄ wahara. To ã wahariro seheta

Cohamacure pjíro wacũ tuana, õ sehe wahachũ yoa masinahca mũsa. Ahdũ sicómoro wama tidũre õ sehe ni masina: “Mũhũ yucũcũ mũ basi duhtu wahcã, pjiri mapũ bora ñojaga”, ni masina mũsa. Mũsa ã nichũ tũ yucũcũ sehe mũsa dutiro seheta waharohca –niha Jesu.

Dahra cohtariro to dahraare yahuha Jesu

⁷ Baharo õ sehe ni buheha Jesu:

–Mũsare dahra cohtariro jiro wesepũ tjana, ovejare ñũ wihbora. ¿Dahra cohtariro to tju wihichũ dohse nibocari mũsa tirore? “Cjero taga. Mũ chũã õi jira”, ¿nibocari mũsa? ⁸ ã nierara mũsa. Tirore õ sehe nina mũsa: “Yũ chũare doha cahnoga. ã jicũ yũ chũ sihnichũ yũhũre cohtaga. Yũ baharo mũhũ cũhũ chũ sihniga”, nina mũsa dahra cohtarirore. ⁹ Dahra cohtariro mũsa dutiare to yoachũ tirore “Noana”, nierara mũsa. To dahraa dihtare yoaro nica tiro. ¹⁰ Mũsa cũhũ tiro yoaro sehe tjira. Cohamacũ to dutiriro seheta yoa pahñona õ sehe ni tũhotuga mũsa: “Sã cũhũ dahra cohtaina dihta jija. Wiho jiina jija sã. Sã dahraa dihtare yoaja sã”, ni tũhotuga mũsa –niha Jesu to buheinare.

Diez cami baainare noaina wahachũ yoaha Jesu

¹¹ Pa dacho Jerusalẽpũ Jesu waharo niha. Tórpũ waharo Samaria yahpa, Galilea yahpa dacho macai yũhdũ wahcãha. ¹²⁻¹³ Pa macapũ wahari mahapũ to tinichũ diez cami baaina sehe tirore piti boca. ã jia tina yoa cureropũ ducuata pisuha:

–Jesu, pũhtoro, sãre pja ñũga –niha tina.

¹⁴ Ti ã nichũ tinare ñũ, õ sehe ni yahuha Jesu:

—Sacerdotere masa pjacurire noaa pjacuri ti waharire ñona wahaga —niha tinare.

To ã niri baharo ti waharo watoi tina ti pjacuri noaina wahaha. ¹⁵ ã jiro cãiro tina mehne macariro noano to pjacur wahachur ñono, Jesu cahapur majare tjuaha. ã tjuaro tuaro mehne Cohamacure ño payoha. “Cohamacur tuariro, noariro jira”, tuaro ni, ño payoha tiro. ¹⁶ ã nino tiro Jesu dahpori cahai na tuhcuca cahai sã, “Noana”, niha tiro. Tiro sehe Samaria macariro jiha. ¹⁷ To ã yoari baharo Jesu õ sehe ni yahuha:

—Diez jihre masa noaina wahaina. ¿Paina nueve dũhsaina sehe nohopur jicari tina? ¹⁸ Ahriro pa yahpa macariro dihta Cohamacure “Noana”, nino taro tjua tahre. ¿Dohse yoa paina taerari? —niha Jesu.

¹⁹ ã ni tuhsur Jesu õ sehe ni yahuha na tuhcuca cahai sãrirore:

—Wahcãrurcaga. Wahaga. Murur Cohamacure wacũ tuacur, noariro wahahre murur —niha Jesu tirore.

Cohamacur masare purhoro to noano sãho jih-tore yahuha Jesu

(Mt 24.23-28, 36-41)

²⁰ Tí pjare mahainacã fariseo curua macaina Jesure õ sehe ni sinituha:

—¿Dohse jichur purhoro Cohamacur masare sãho ji dũcarohcari? —niha tina.

Ti ã nichur Jesu õ sehe ni yãhtiha:

—Cohamacur masare purhoro to noano sãho ji dũcachur masa ñur masierara. ²¹ “Cohamacur masare purhoro to noano sãho jia õi jira”,

ni masierara. “Sohõp̄m̄ jira”, ni masierara. Cohamac̄m̄ masare p̄h̄toro to noano s̄ho jia masa ti t̄hotuap̄m̄ jira —niha Jesu fariseo curua macainare.

²² ã ni tuhs̄m̄ Jesu to buheinare õ sehe ni yahuha:

—Baharo ȳh̄m̄ mas̄no Cohamac̄m̄ warocariro ahri yahp̄ap̄m̄ ȳm̄ tjua tahtore tuaro cahmanahca m̄sa. Cũ dachoihta ȳh̄m̄re ñ̄m̄ duapanahca ȳh̄m̄re ñ̄m̄si m̄sa. M̄sa ȳh̄m̄re ã ñ̄m̄ duapach̄ta tí pjare tasi ȳh̄m̄. ²³ Paina m̄sare õ sehe niahca: “Tirore ñ̄m̄ga. Tiro Cristo jira. Ahrirore ñ̄m̄ga. Ahriro Cristo jira”, niahca m̄sare. Ti ã nipach̄ta tinare t̄hoena tjiga. ²⁴ Oroca sitero wac̄enoca to oroca sitero seheta ȳh̄m̄ c̄h̄m̄ mas̄no Cohamac̄m̄ warocariro wac̄enoca tjua taihca. ²⁵ ã ȳm̄ tjua tahto pano ȳh̄m̄ tuaro ñ̄ano ȳh̄d̄ih̄ca. ã jia ȳh̄m̄re mip̄m̄ macaina cahmasi. ²⁶ Noé to jiri pja macaina tí jirose seheta ȳh̄m̄ mas̄no Cohamac̄m̄ warocariro ȳm̄ tjua tach̄m̄ tó seheta jahca masa. ²⁷ Noé to jiri pjare jipihtina masa ã ch̄rucua tiha. ã yoa sihnirucua tiha. ã jia m̄m̄a numiare namo tia tiha. Noé pjiria dohoriap̄m̄ to samuhto pano Cohamac̄m̄ tinare to miohto pano tí jipihtiare masa yoarucua tiha. Tó seheta jirohca pari turi ȳm̄ tjua tach̄m̄ c̄h̄m̄re. ²⁸ Lote to jia tiri pja macaina tí jirose seheta ȳm̄ tjua tach̄m̄ jahca masa. Lote to jia tiri pjare masa ch̄m̄, sihn̄i, nuch̄m̄, dua, weserire toaa, w̄h̄use yoaha. ²⁹ Ti ã yoaro watoi Sodoma wama tiri macai jirose Lote to wahari dachoi m̄m̄ano macaa pichaca, picha sohãa poca tãa peri c̄h̄m̄ coro taro seheta tina bui bora ta, tinare wajã pah̄ñonocaa tiha. ³⁰ Ȳh̄m̄ mas̄no Cohamac̄m̄ waro-

cariro wacũenoca yu tjuatachu tina yoaro seheta yoaina jahca masa tí pjare.

³¹ Tí pjare cãiro to wuhu bui macari wapapu jiro wuhu puhichapu to ya jichu tíre nano sãaeno tjijaro to waha bahrañohto sehe. Tuhsu, wesepu jiro cãhu tí pjare to wuhupu piha taero tjijaro to waha bahrañohto sehe. ³² Lote namono to waharire wacũga musa. ³³ Masu no yuhure wacũno marieno to mu saro to cahmano seheta yoaro pichacapu waharohca. Yu yare ã yoarucuriro sehe jipihia dachoripe yuhu mehne manopu jirucurohca.

³⁴ Tí ñamine puaro cã casario bui carĩnare cãiro yuhure cahmarirore naaihca. Tuhsu, yuhure cahmaerariro tói tjuarohca. ³⁵ Tí pjare puaro numia cãnoi ti trigore arẽa numiare cãcoro yuhure cahmaricorore naaihca. Tuhsu, yuhure cahmaer-aricoro tóihta tjuarohca. ³⁶ [Ã yoa wesepu puaro dahraina ti jichu cãirota naihca. Cãiro tói tjuarohca] –niha Jesu.

³⁷ To ã nichu to buheina sehe õ sehe ni sinituha tirore:

–¿Nohopu ã waharohcari? –ni sinituha tina.

Ti ã nichu Jesu õ sehe ni yuhtihia:

–Yucaare mari ñana, yariariro to pjacu cjiro jichu mari noano masinahca. (Tó seheta ahri musare yu yahuyurire musa ñana noano masinahca ahri yahpapu yu tjuatahto mahanocã to dũhsachu cãhũre) –niha Jesu.

18

Wapewahyoro to buhiri dahre dutia quitire yahuha Jesu

¹ ã yoa Jesu tinare Cohamacure siniare yahuro ò sehe niha:

—Musa Cohamacure sinina, cohtaga to yuhtihtore. Yoari pja cohtapanahita cahyaena tjiga. Tirore sinina duhuena tjiga —niha Jesu.

² To ã nirire buhero taro ahri quitu mehne piti dahre yahuha tinare:

—Pa macapm ti buhiri dahre dutiriro jiha. Tiro Cohamacure ño payoeraha. ã yoa masa cãhure ño payoeraha. ³ Wapewahyoro cãhm tópm jiha. Ticoro tiro cahapm sãroca majareno ò sehe niha: “Yuhure ñm tuhtirirore buhiri dahre dutiga mãm. Yuhure ni ducataga”, ni sinirucuha ticoro tire.

⁴ To ã nichm paym tahari tiro “Yoasi yuhm”, nimaha ticorore. To ã nipachuta ticoro paym tahari ã sinirucuro tire caribobiario yoaha. To ã caribochm, tiro ò sehe niha to basi: “Yuhm Cohamacure, masa cãhure ño payoeraja. ⁵ Ym ã ño payoerariro ym jipachuta ahricoro sehe yuhure caribobiaria. Yuhure ã cariboro yuhure pomea wahachm yoarohca ticoro. To ã ni yahusãrucuchm ticorore ñm tuhtirirore buhiri dahre dutihtja”, niha buhiri dahre dutiriro —niha Jesu.

⁶ ã nino Jesu tinare ò sehe ni yahu namoha:

—ã niha tiro ñariro buhiri dahre dutiriro. To niri cãjire wacũga muma. ⁷ Tiro yuhdoro Cohamacm sehe to yainare to beseinare ñamipm cãhure, dachopm cãhure tire sinirucuinare yuhti, yoadohorohca. ⁸ Musare niita nija. Cohamacure ti siniriro seheta dóicãta tinare yoadohorohca. ¿To ã yuhtiriro to jipachuta yuhm masuno Cohamacm warocariro ahri yahpãpm tjua tacm Cohamacure wacũ tuainare bocabocari yuhm? —niha Jesu.

Puaro Cohamacure ti sinia quitire yahuha Jesu

⁹ ã yoa pari turi piti dahre buhero ò sehe ni yahuha Jesu: “Sã sehe noaina jija. Paina sehe ñano yoaina jira”, ni tũhotuina barore Jesu ò sehe ni yahuha:

¹⁰ –Cohamacu ya wũhũpũ puaro mũa Cohamacure sinia wahaha. Cãiro fariseo curua macariro jija. Pairo puhtoã yare wapa na cohtariro jija. ¹¹ ã yoa fariseo curua macariro sehe wahcãrũcũ sũ, ò sehe ni yahuha Cohamacure: “Cohamacu, yũhũ paina yare mahũõpeã mehne nariro, ñano yoariro, paina namosãnumia mehne wũana tiriro ne jieraja. Paina yoaro sehe ñariro jieraja. Ahriro wapa na cohtariro yoaro sehe ñariro ne jieraja yũhũ. ã jicũ mũhũre ‘Noana’, nija Cohamacu. ¹² Yũhũ somanaripe puã dachore ne chũeraja, mũ yare yoacũ tacũ. Tuhsũ jipihtia dohse jiãpe yũ wapataã cãhũre mahano (diezmo) wa mũjaja yũhũ mũhũre ño payocũ”, niha fariseo curua macariro Cohamacure. ¹³ ã yoa wapa na cohtariro sehe yoa cureropũ muhri yo dũcũ sũ, mũãnopũre ñũ mũõeraha. ã ñũ mũõeraro, to pẽbuhui cããroca ò, ò sehe ni siniha Cohamacure: “Cohamacu, yũhũ ñaare yoariro jija. ã jicũ mũhũ pja ñũga yũhũre”, niha tiro Cohamacure. ¹⁴ Mũsare niita nija. Ahriro wapa na cohtariro sehe Cohamacu to ñũchũ buhiri marieriro to ya wũhũpũ tjuaã wahaha. Wiho mejeta paio fariseo curua macarirore “Mũ ñaa buhirire cohãhi”, nieraha Cohamacu. “Yũhũ noariro waro jija”, ni tũhoturirore Cohamacu bũoro dahrerohca. Wiho mejeta “Yũhũ ñaare yoariro jija. ã jicũ tíre

tuaro cahyaja” nirirore Cohamacu wahchechu yoarohca tiro sehere —niha Jesu.

Macanacã ya cjihtire Cohamacure sini payoha Jesu

(Mt 19.13-15; Mr 10.13-16)

¹⁵ ã yoa masa ti pohnare wihãinacãre Jesure ña payo dutia ta, to cahapu na wihimaha. Ti ã yoachu ñu Jesu buheina tinacãre na wihinare tuhtiha. ¹⁶ Ti ã tuhtichu ñuno Jesu wihãinacãre pjirocaha to cahapu. Pjiroca tuhsu õ sehe niha tiro to buheinare:

—Macanacã yu cahapu tajaro. “To cahai wa-haena tjiga”, niena tjiga tinacãre. Tinacã Cohamacure ti puhtoro tuhotura. Puhtoro Cohamacu to suho jiina ahri nacã yoaro sehe tuhotuina baro dihta jira. ¹⁷ Potocã niita nija musare. Ahri nacã Cohamacu ti puhtoro cjihtore cahmana. Ti yoaro sehetu musa cuhu Cohamacu musa puhtoro cjihtore cahmaerana, puhtoro Cohamacu to noano suho jihtina ne jisi musa —niha Jesu.

Pache puho Jesure sinitu ñuha

(Mt 19.16-30; Mr 10.17-31)

¹⁸ To ã niri baharo judio masa puhto mehne macariro Jesure õ sehe ni sinitu ñuha:

—¿Ne noariro, buheriro, jipihtia dachoripe Cohamacu mehne ji duacu, dohse yoahcari yuhu? —niha tiro.

¹⁹ To ã nichu Jesu õ sehe ni yuhtiha:

—¿“Noariro”, ni pisujari mahu yuhure? Noariro sehe Cohamacu dihta jira. ²⁰ Ahri Cohamacu dutiare masina mahu. “Numia mehne ñano yoacẽu tjiga. Masare wajãẽu tjiga. Yacacẽu tjiga. Mahñoa

mehne paire yahasãecũ tjiga. Mũ pũcũsumare ño payoga”, ni dutira Cohamacũ —niha Jesu.

²¹ To ã nichũ tiro Jesure õ sehe ni yũhtiha:

—Tĩre jipihtiare yũ wahma wahmũa tariro jipũta yũhdũũcaera tihĩ yũhũ —niha tiro.

²² To ã nichũ tũhoro, Jesu tirore õ sehe ni yahuha:

—Mahanocã dũhsara mũhũre mũ yoa pahũohto. Jipihtiare mũ yare duai wahaga. ã yoacũ jipihtia mũ wapatari niñerure pjacũoinare waga. Mũ ã yoachũ pjĩro mũ wapataa mũanopũ, Cohamacũ cahapũ jiyuahca. Mũ ã yoari baharo yũhũ mehne macariro cjihto taga —niha Jesu tirore.

²³ To ã nichũ tũhoro tiro sehe payũ pache cjarĩro jiro tĩre pjacũoinare wa duaeraro, tuaro cahya, wahaah wahaha. ²⁴ To ã cahyachũ ñũno Jesu õ sehe ni yahuha painare:

—Pache pũa Cohamacũ masare pũhtoro to noano sũho jiropũre ti wahachũ basioera curera.

²⁵ Camello sehe awicã copacãre to sãa nuhri wijaa duachũ basioerara. To ã jiro yũhoro pache pũro pũhtoro Cohamacũ noano to sũho jiropũre to waha duachũ nu mijobiara —niha Jesu.

²⁶ To ã nichũ tirore tũhoina õ sehe niha:

—Cue, mũ nino seheta potocã jichũ, ne cũiro masũno Cohamacũ cahapũ waha masieraboca —niha tina Jesure.

²⁷ Ti ã nichũ Jesu õ sehe ni yũhtiha:

—Masa ti basi ti mũ sũro yũhdũ masierara. Wiho mejeta Cohamacũ sehe masare pichacapũ waha-borinare yũhdo masina. Tiro jipihtiare noano yoa masi pahũoriro jira —niha Jesu tinare.

²⁸ To ã nichũ Pedro tirore õ sehe niha:

—Tuhosiniga. Sã sehe jipihtia sã yare cūnoaa tii m̄h̄h̄ mehne wahana —niha tiro Jesure.

²⁹ To ã nich̄h̄ Jesu õ sehe niha:

—Potocã m̄sare niita nija. M̄sa Cohamac̄h̄ yare yoana tana m̄sa w̄h̄sere, m̄sa namosãnumiare, m̄sa bahanare, m̄sa p̄c̄s̄umare, m̄sa pohnare cūnocarina jina, p̄j̄ro wapatanahca m̄sa mip̄are. ³⁰ M̄sa cūriro ȳhdoro wapatanahca. Æ jina m̄sa yariari baharo jipihtia dachoripe Cohamac̄h̄ mehne jirucunahca m̄sa —niha Jesu tinare.

Pari turi Jesu to yariahtore, to masa wijahtore yahuha

(Mt 20.17-19; Mr 10.32-34)

³¹ Æ yoa Jesu doce to buheinare ti sahsero naaha. Æ naano tinare õ sehe ni yahuha:

—Tuhoga ȳh̄re. Mip̄are mari Jerusalēp̄h̄ wahana nija. Tóp̄h̄ ȳh̄re mas̄nore Cohamac̄h̄ warocaritore Cohamac̄h̄ yare yahu mahtaina cjiri panop̄h̄ ti yahuriro cjiro seheta paina ã yoahca ȳh̄re. ³² Tóp̄h̄ masa ȳh̄re ñahaa, judio masa jieraina sehere waahca ȳh̄re. Ȳh̄re ti wari baharo tina ȳh̄re buj̄re, ñano ni, ȳh̄re chahcho puti sihōahca. ³³ Tuhs̄h̄, yuta dari mehne tjana tuhs̄h̄ wajāahca ȳh̄re. Ti ã wajāri baharo tia dacho wahaboroi masa wijaaihca ȳh̄h̄ —niha Jesu tinare.

³⁴ To ã nich̄h̄ to buheina to yahuare noano tuhō ñahaeraha. Cohamac̄h̄ tíre tinare noano tuhō ñahach̄h̄ yoaerasiniha.

Capari ñ̄erarirore ñ̄ch̄h̄ yoaha Jesu

(Mt 20.29-34; Mr 10.46-52)

³⁵ ã yoa Jesu cãhũ Jericó wama tiri maca cahacãpũ sũha. Tóí capari ñ̃erariro maha duhtũ cahai duji, niñerure sinino niha. ³⁶ ã jiro masa payũ to cahai ti yũhdũachũ tũhoro tiro sinituha tinare:

—¿Dohse yoaa payũ masa yũhdũjari? —ni sinituha tiro.

³⁷ —Jesu Nazare macariro waharo nina —ni yahuha paina tirore.

³⁸ Ti ã ni yahuchũ tũhoro tiro õ sehe ni sañurucuha:

—Jesu, Davi cjiro panamino masare yũhdohtiro, yũhũre pja ñ̃ũga —ni sañurucuha Jesure.

³⁹ To ã nichũ to pano waha mũhtaina sehe, “Dihta mariaha”, ni tuhtiha tirore. Ti ã ni tuhtipachũta tó pano to sañurucuriro yũhdo curero sañurucu namoha tjoa:

—Davi cjiro panamino masare yũhdohtiro, yũhũre pja ñ̃ũga —ni sañurucuha tiro.

⁴⁰ To ã ni sañurucuchũ tũhoro, Jesu sehe tjuarũcũ sũ, “Pjirocaga tirore”, niha. To ã nichũ tina sehe capari ñ̃erarirore pji wahcãha. Ti ã pji wahcãchũ tiro Jesu cahapũ to sũchũ Jesu sehe tirore õ sehe ni sinituha:

⁴¹ —¿Dohse yũ yoachũ cahmajari mũhũ? —niha Jesu tirore.

—Yũ pũhoro, yũhũre ñ̃ũchũ yoaga —ni yũhtiha capari ñ̃erariro.

⁴² —Ñ̃ũga. Yũhũre wacũ tuacũ, noariro wahara mũhũ —niha Jesu tirore.

⁴³ To ã nichũta capari ñ̃erariro ñ̃ũa wahaha. ã noariro waharo, tiro Jesu mehne waha, “Co-hamacũ tuariro jira”, niha tiro. ã jia masa payũ

capari ñuɛrariro to ñuɛchu ñua “Cohamacu noariro, tuariro jira”, niha tina cūhɛ.

19

Zaqueo Jesure piti bocaɛa

¹ Ā yoa Jesu Jericópu sɛ, tí macapu yuɛɛu wahcāno taro niha. ² Pache p̄aro Zaqueo wama tiriro puɛtoa ya cjihtire wapa na cohtaina puɛtoro tói jiha. ³ Ā jiro tiro Jesure “¿Diro baro jicari?” ni ñu masino taro Jesure ñu duamaha. Ā to ñu duapachɛta yahparirocā to jichɛ masa payu tirocāre ducataha. ⁴ Ā jiro tiro masare m̄roca yuɛɛu waha, sicómoro wama tidu yucɛɛpu m̄jaha Jesure ñuno taro. Baharo curero tɛ cahai Jesu yuɛɛaro taro niha. Ā jiro Zaqueo t̄i cohtaro niha. ⁵ To ā cohta pisaro watoi Jesu sehe tɛ dahpotoi s̄rɛca, Zaqueore ñuroca m̄o, tirore õ sehe niha:

—Zaqueo mip̄are m̄ wuɛɛi tjuasinihtja yuɛɛ. Ā jicɛ cjero duji taga —niha Jesu tirore.

⁶ To ā nichɛ Zaqueo sehe soaro mehne duji ta, tuaro wahchea mehne to wuɛɛpu p̄ji wahcāha Jesure. ⁷ To ā ni piti bocachɛ ñua, jipihtina masa ti basi õ sehe ni durucuha:

—Ahriro Jesu ñaare yoariro ya wuɛɛpu tinino waha duara —ni durucuha jipihtina ti basi.

⁸ Zaqueo sehe piti boca tuhsɛ tói ducu, Jesure õ sehe ni yahuha:

—Puɛtoro t̄uhoga yuɛɛre. Jipihtia yu yare dacho macai p̄jac̄oinare waihtja. Ā jicɛ yuɛɛ pairore

cien niñeru tũrire mahño mariro jicu, cuatro cientos niñeru tũrire wapa bui payoihtja tirore —niha Zaqueo Jesure.

⁹ To ã nichu Jesu sehe õ sehe ni yahuha tirore:

—Michare mũhare mu wũhai jiina cũhare pichacaru wahaborinare Cohamacu yũhdo tuhsura. Mũhu cũhu Abrahã cjiro coyeiro jira. ¹⁰ Yũhu masano Cohamacu warocariro pichacaru wahaborinare macai tai nii. Tõru wahaborinare noano yũhdoi tai nii —niha Jesu Zaqueore.

*Niñeru tũri uru tũri quitire yahuha Jesu
(Mt 25.14-30)*

¹¹ ã yoa tirore tũhoinare Jesu paye quiti mehne piti dahre yahuha. Mahanocã dũhsaha Jerusalẽru to sũhto. ã jia tirore tũhoina õ sehe ni tũhotuha: “Pũhtoro Cohamacu mipure sũho ji dũcaro taro nina”, ni tũhotuha tina. ¹² Ti ã ni tũhotuchu Jesu õ sehe ni yahuha tinare:

—Cũiro pũhtoro sãhtiro to ya yahpa macaina bui pũhtoro jhtiro yoaropu waharo taro niha. Tõpũre to sachu ñano ti bui pũhtoro tirore pũhtoro sõno taro niha. Pũhtoro sãhtiro ya maca macaina bui pũhtoro sõno taro niha tirore. Baharo to ya wũhũru tju wihiro taro niha. ¹³ Wahmanore to wahahto pano pũhtoro diez dahra cohtainare pjirocaha. ã pjirocaro, tiro tinare cãinare tũpe tũri niñeru tũri wapa bujũa tũri uru tũrire waha. Wa tuhsu, õ sehe ni yahuha tinare: “Yũhu yũ mariachu ahri niñeru mehne mũsa wapata namohtire macaga”, niha tiro dahra cohtainare. ¹⁴ Pũhtoro sãhtiro to jipachũta to ya maca macainata tirore cahmaeraha. ã cahmaeraa, ti warocahtinare tirore

p̄htoro s̄htirore yahu dutia warocaha. “Ahr̄iro s̄a p̄htoro jich̄a cahmaeraja s̄a”, niha tina ti yahu duti warocaina sehe. ¹⁵ ã ti cahmaerapach̄uta baharo ti p̄htoro s̄aha tiro. ã p̄htoro s̄a tuhs̄uro tiro to w̄h̄p̄ tjuā taha. ã tju wih̄iro tiro dahra cohtainare to niñ̄eru mehne ti wapata namoare masino taro, tinare p̄jirocaha. ¹⁶ To p̄jirocari baharo, wihi m̄htariro tirore yahuha: “P̄htoro m̄ niñ̄eru t̄, ȳh̄are m̄ wari t̄ mehne diez t̄ri wapata namohi ȳh̄”, niha dahra cohtariro to p̄htorore. ¹⁷ “Noano yoari jire m̄h̄. M̄h̄ noariro dahra cohtariro jira. M̄h̄ mahanoc̄a mehne ȳ dutiriro seheta yoa pah̄oriro jic̄a mip̄ diez macari macaina ti p̄htoro cjihto wahaihca m̄h̄”, niha p̄htoro dahra cohtarirore. ¹⁸ To baharo wih̄iro tiro mehne macariro ò sehe niha: “P̄htoro, m̄ niñ̄eru t̄, ȳh̄are m̄ wari t̄ mehne cinco t̄ri wapata namohi ȳh̄ c̄h̄”, ni yahuha to p̄htorore. ¹⁹ “Cinco macari macaina p̄htoro cjihto wahaihca m̄h̄”, niha p̄htoro tirore. ²⁰ To ã niri baharo pairo dahra cohtariro wihi, ò sehe ni yahuha: “P̄htoro, m̄ niñ̄eru t̄ òi jira. Suhtiro cahsaro mehne coma, tí t̄re wih̄bohi. ²¹ M̄h̄ tuaro dahra dutiriro jira. Paina yare mana m̄h̄. Tuhs̄, tuaro dahra dutiriro jic̄a dahraerariro jipac̄uta m̄h̄ paina ya dahrari wapare nana. ã yoa toaerariro jipaihta dichare nariro jira m̄h̄. ã jic̄a m̄h̄are cui nihi”, niha to p̄htorore “Wapataerahi ȳh̄”, ni yahuro. ²² “M̄h̄ ã nic̄a ñano yoariro jira m̄h̄. Ȳh̄are m̄ ã niri buhiri m̄h̄are buhiri dahrehtja ȳh̄. Ȳh̄ m̄h̄are tuaro dahra dutiriro ȳ jich̄a masina m̄h̄. Paina yare ȳ

nachu toaerariro jipai dichare nariro yu jichu masina mahu. ²³ Yu ã jiriro jichu ñupacuta ya tare niñeru wihbori wuhuru cüerare mahu. Tíre ti wasori wapa wapata namoboa mahu. ¿Dohseacu ã yoaerari mahu? Tíre mu yoachu tju wihicu wapata namoboa yahu”, niha ti puhtoro. ²⁴ Ñ ni tuhsu tiro cahai ducuinare dutiha: “Niñeru tare maga tirore. Diez tare cjuarirore waga”, niha puhtoro. ²⁵ To ã nichu tina sehe õ sehe ni yahuha tirore: “Puhtoro, diez tare cjuariro payu cjuu tuhsura”, niha tina. ²⁶ Ti ã nichu puhtoro õ sehe ni yuhtiha: “Musare niita nija. Jipihtina cjuainare wa namoihtja. Cjuarariro sehere mahanocã to cjuapachuta tíre maihtja. ²⁷ Mipuru pinihta yuhure ñu tuhtiinare yuhure ti puhtoro ji dutierainare yu cahai na tahga. Ñ yoana yu ñurocaroi wajãga tinare”, niha puhtoro dahra cohtainare –ni buheha Jesu.

Jerusalẽpu suha Jesu

(Mt 21.1-11; Mr 11.1-11; Jn 12.12-19)

²⁸ Ñ ni tuhsu Jesu paina pano Jerusalẽpu wahaha. ²⁹ Ñ yoa tina Jerusalẽpu ti suhto panocã tãcu Olivo wama tidu duhtu cahai jiri maca Betfagé wama tiri maca cahai, ã jichu Betania wama tiri maca cahai su muhtaha. Tí macari puu maca cahai Jesu suro, to buheina puarore warocaro taro, õ sehe ni yahu quihõha:

³⁰ –Sí macaru burrocãre nana wahaga. Tõru suna, burrocãre ti duhte daporirocãre boca sunahca. Tiro ne cãiro ti pisamahnoerarirocã jica. Tirocãre bocana, yuta dare pjã, na tabasaga yuhure. ³¹ Tirocãre musa pjãchu ñuno, cãiro dohse jiriro “¿Dohse yoana tana burrocãre duhte

dapori dare pjãjari m̄usa?” to nichu tuhona õ sehe ni yuhtiga tirore: “Mari puhtoro burrocãre cahmarocasinire”, ni yahuga tirore –ni yahu duti warocaha to buheina puarore.

³² To ã nichu tina puaro sehe to niriropu s̄uha. Ti ã s̄uchu jipih̄tia Jesu to niriro seheta wahaha. ³³ ã jia tina tirocãre ti pjãchu ñ̄ua tirocã pu tinare õ sehe ni sinituha:

–¿Dohse yoana tana burrocãre duhte dapori dare pjãjari m̄usa? –ni sinituha tina.

³⁴ –Mari puhtoro burrocãre cahmarocasinire –ni yuhtiha tina.

³⁵ ã ni yahu tuhsu tirocãre Jesu cahapu na s̄uha. Na su tuhsu ti bui sãa suhtire tirocã bui pjũpaha payo tuhsuchu ñ̄u, Jesu sehe tirocã bui to m̄ja pjachu yoadohoha tina. ³⁶ Jesu tirocã bui to pisachu to wahahto pano masa ti bui sãa suhtire tjuwe na, to wahahti mahai saño cũ m̄htaha, Jesure ño payoa. ³⁷ Tina Jerusalẽ cahacãpu su, Olivo wama tidu dujiari mahapu s̄uha. Tõpu Jesu to buhechu tuhoina payu jipih̄tia Cohamacu tuaa mehne to yoa ñorire, noaa to yoarire ti ñ̄ari c̄jire wacũa, Cohamacure “Noariro, tuariro jira”, ni sañurucuha. ã yoa Cohamacure ño payoa, õ sehe ni sañurucuha:

³⁸ –Ahiro Cohamacu to warocariro, mari puhtoro noano jijaro. M̄ano macaina noano jijaro. M̄ano macariro Cohamacu, m̄hu tuariro waro jira –ni ño payoha tina.

³⁹ Ti ã nichu tuhoa fariseo curua macaina mahainacã ti watoi jiina Jesure õ sehe ni yahuha:

–Buheriro, m̄ buheinare dihta mariea dutiga –niha tina.

⁴⁰ —M̄sare niita nija. Tina ti sañurucuerach̄u tãa peri sehe sañurucuboa —niha Jesu fariseo curua macainare.

⁴¹ ã ni tuhs̄u Jesu Jerusalẽ cahacãp̄u s̄u, tí macare ñ̄urocaro, tiiha. ⁴² Õ sehe niha tiro:

—Jerusalẽ macaina mip̄u pinihtare m̄sare pichacap̄u wahaborinare Cohamac̄u to ȳhdohtore m̄sa masich̄u noa ȳhd̄uaboa. ã jipach̄uta mip̄ure m̄sa tíre ne t̄ho duaerare.

ã jiro Cohamac̄u tíre m̄sare masi dutierare.

⁴³ M̄sare ñ̄u tuhtiina m̄sa jiri macare soroahca.

ã yoa m̄sare tina wijaaro wasi. ⁴⁴ Tí pjata

tina m̄sa ya macare cohã pahñoahca. M̄sa c̄h̄ure wajãahca. M̄sare ñ̄u tuhtiina noano cohã

pahñoahca m̄sa ya macare. Cohamac̄u pichacap̄u

wahaborinare m̄sare to ȳhdohtore m̄sa masi

duaerare. M̄sa masi duaerari buhiri m̄sare

ñ̄u tuhtiinare Cohamac̄u m̄sare cohã dutirohca

—niha Jesu Jerusalẽ macainare.

Cohamac̄u w̄h̄p̄u Jesu s̄uha

(Mt 21.12-17; Mr 11.15-19; Jn 2.13-22)

⁴⁵ ã yoa Jerusalẽp̄u s̄uro, Jesu Cohamac̄u w̄h̄p̄u

sãa wahaha. ã yoaro pache duainare tí w̄h̄p̄u

jĩinare boca s̄uro, tinare cohã wionocaha. ⁴⁶ Õ

sehe niha tiro tinare:

—Õ sehe nina Cohamac̄u yare ti joari p̄i: “Ȳu

w̄h̄u Cohamac̄u mehne durucuri w̄h̄u wama

tirohca”, niha to yare ti joari p̄i. To ã nipach̄uta

m̄sa sehe ahri w̄h̄u duana, m̄sa basí cahma

yacara m̄sa —niha Jesu.

⁴⁷ ã yoa dachoripe Cohamac̄u w̄h̄p̄u Jesu

buheha. ã jia sacerdotea p̄h̄toa, judio masare

buheina, masa pũhtoa cũhũ tirore ti wajãhti cjihtire wacũ macaha. ⁴⁸ Masa jipihtina tirore ã tũhorucua, to buheare noano tũho nũnũina jiha. Ti ã noano tũho nũnũchũ ñũa, Jesure wajã duaina sehe tirore ti wajãhtire bocaerasiniha.

20

Sacerdotea pũhtoa, judio masare buheina, bũcũna mehne Jesure sinitu ñũha

(Mt 21.23-27; Mr 11.27-33)

¹ Pa dachoi Cohamacũ wũhũi Jesu masare noaa buheare buhero niha. To ã buhechũ sacerdotea pũhtoa, judio masare buheina, bũcũna mehne tiro cahapũ wihia, tirore õ sehe ni sinitu ñũha:

² —Yahuga sãre. ¿Dohseacũ canũre ã yoari mũhũ? ¿Noa mũhũre tíre ã yoa dutiri? —niha tina Jesure.

³ Ti ã nichũ Jesu õ sehe ni yũhtiha tinare:

—Mũsa sehere sinitu mũhtaitjã. Yahuga yũhũre. ⁴ ¿João masare to bautisachũ diro baro sehe tirore bautisa dutia tiari, mũsa tũhotuchũ? ¿O Cohamacũ dutiera tiari? ¿O masa sehe dutia tiari, mũsa tũhotuchũ? —ni sinituha Jesu tinare.

⁵ To ã nichũ tina sehe ti basi õ sehe niha:

—¿Dohse ni yũhtinahcari mari? “Cohamacũ Joãore dutia tiri jire”, mari nichũ, “¿Dohseana Cohamacũ Joãore to dutipachũta tirore tũho duaerari mũsa?” niboca Jesu marine. ã jina “Cohamacũ Joãore dutia tiri jire”, ni yũhti masieraja mari.

⁶ Ahrina masa sehe “Potocãta João Cohamacũ yare yahu mũhtariro jira”, ni tũhotura tina. ã ni tũhotua “João to bautisachũ Cohamacũ tirore dutierari jire”, mari nichũ tũhoa marine tãa mehne

docaboca masa. Ñ jina tí cãhure yahu masieraja mari —ni durucuha tina ti basi.

⁷ Ñ ni durucu tuhsu tina Jesure õ sehe ni yuhtiha:

—Joãore bautisa dutirirore sã masieraja —niha tina.

⁸ Ti ã nichu Jesu õ sehe ni yuhtiha:

—Tí pja pinihta yuhu cãhu musa sinitu muhtarire yahueraja musare. Ahrire yu yoarire dutirirore yahueraja musare —niha tiro tinare.

*Ñaina dahra cohtaina quitire yahuha Jesu
(Mt 21.33-44; Mr 12.1-11)*

⁹ Ñ yoa Jesu to tuhotua mehne piti dahre õ sehe ni buhe ducaha masare:

—Wese puero se dari cjihtire toaha. Toa tuhsu, tí wesere painare cã buhusehe coa pahma cãha. Pahma cãno tí wesere tinare ñu wihbo dutiha. Ñ duti tuhsu pa yahpapu waha, yoari pja bajúeraha. ¹⁰ Tuhsu, se ñiri pja jichu wese puero to cahamacunore wesere ñu wihboina cahapu warocaha. Wese macaa to toaa dichare to ya coa macaare na dutiro warocamaha. Ñ jia ñu wihboina sehe to cahamacunore wiho piti boca cjãnocaha tirore. Ñ cjãnoaa, tina tirore dichare waerapahta tjuaa dutiha tirore. ¹¹ Ñ jiro wese puero paio to cahamacunore tí wese macaa toaa dichare na dutiro warocamaha tjoa. Ñ jia wesere ñu wihboina tiro cãhure cjã, ñano yoaha. Ñ yoa tuhsu tirore tí dichare waerapahta tjuaa dutiha tjoa. ¹² Tirore ti ã yoari baharo wese puero paio cahamacunore warocamaha tjoa. To ã warocachu

ñua, wesere ñu wihboina sehe tiro cãhure cami dahre, tí wese dũhtu cahai cohãnocaha tirore.

¹³ "Ti ã yoari baharo wese pũro õ sehe ni tũhotumaha: "¿Dohse yoaihcarì yũhũ? Õ sehe yoaihtja. Yũhũ yũ macũre yũ cahĩrìrore warocaihtja. Tina tirore ño payoboca", ni tũhotumaha wese pũro sehe. ¹⁴ ã jia to macũnore to warocarìrore to sũchũ ñua ñu wihboina sehe ti basi õ sehe ni durucuha: "Ahrìro wese pũro macũno jira. Baharo ahri wesere cjuahitiro jira. Tìrore wajãjihna. Mari ã yoachũ ahri wese mari ya wese tjuarohca", nimaha tina ti basi. ¹⁵ ã ni tuhsũa wese pũro macũnore wese dũhtu cahai cohã, wajãnocaha tìrore. ¿Ti ã yoachũ ñũno dohse yoarohcarì wese pũro wesere ñu wihboinare? —niha Jesu.

¹⁶ —Tìro wesere ñu wihboinare wajãno taro, paina sehere wesere ñu wihbo dutìrohca —ni yũhtiha Jesu to basi.

To ã nichũ tũhoa masa sehe õ sehe niha:

—Marine ã wahaero tjjaro —niha tina.

¹⁷ Ti ã nichũ Jesu sehe tinare õ sehe ni sinituha:

—¿Cohamacũ yare ti joari pũre õ sehe ni durucua, dohse nino nijari, mũsa tũhotuchũ?:

"Ahrìro Cristo tãca yoaro seheta jira.

Tãcare wũhũ dahreina ti cohãno seheta masa tirore cohãahca.

Ti ã yoapachũta mipũre wũhũ dahreina wũhũre yoaa ti cũ mũhtari tãcare ti cũno seheta Cohamacũ tirore pũhto sũhre",

ni joaha. ¹⁸ Jìpihtina tia tãca bui bora pjainare payũ dihicã peri yìhsorohca tia tãca. Tuhsũ, tia tãca masũno bui bora pjaro, tahãnocanohca tirore.

ã tahãno to pjacũ cjirore daa manaricã wahachũ

yoarohca. (Tó seheta yuhure cahmaeraina, yu buhiri dahrehtina ñano yuhdahca) —niha Jesu.

*Puhtoa ya wapare paina sinituha Jesure
(Mt 21.45-46; 22.15-22; Mr 12.13-17)*

¹⁹ To ã nichu tuhoa judio masare buheina sacerdotea puhtoa cãhu, “Jesu wesere ñu wihboina quiti mehne marine tuhtiro nina”, ni tuhotuha tina. ã ni tuhotua tina Jesure ñaha duamaha. ã ñaha duapahta tina masare cui niha. ²⁰ ã cuia, Jesure ti ñahahti pjare cohtasiniha tina. ã jia tina quihõno yoaina yoaro sehe ji mahño dutiha painare. To ñano ni yuhtichu yoa duaa nimaha tirore yahusã duaa. ã jia Jesure sinitu dutia warocaha mahñoinare. Jesu ñano to ni durucuchu tuhoa tí yahpa macaina bui puhtorore peresu yoa dutia taa nimaha. ²¹ ã jia tina Jesure mahño cã õ sehe ni sinitu ñumaha:

—Buheriro, potocã durucuriro, mahñoa mari-eriro mu jichu sã masija. ã jicu wiho jinare, puhtoa cãhure cãno potori yoara mahu. Mhu Cohamacu yare potocã mu buhechu cãhure sã masija.

²² Yahuga sãre. ¿Ne, Roma macarirore jipihtina bui puhtorore gobierno macaare marine waparo cahmajari, mu tuhotuchu? ¿Mari dutia wapa dutijari, mu tuhotuchu? —ni sinituha tina Jesure.

²³ Ti ã nichu tuhoro Jesu ti ñano yoa duaare masino, tinare õ sehe ni yuhtihã:

²⁴ —Mipure niñeru tare na tahga. Tí tare ñujihna —niha.

Tí tare ti na wihichu ñuno õ sehe niha Jesu:

—¿Diro baro masu wahãjari ahri tare? ¿Diro baro wama wahãjari? —niha Jesu tinare.

—César, masa bui puhtoro jiro ya masu, to wama cūhu wahāna —ni yuhtiha tina.

²⁵ Ti ā nichu Jesu ō sehe ni yahuha:

—Tí pja pinihta masa bui puhtoro yare tiro sehere waga. Cohamacu yare Cohamacu sehere waga —niha Jesu tinare.

²⁶ Ā to noano yuhtichu, masa ti ñurocaroi Jesure ñano ni durucuchu yoa masieraha tina. Ā jia Jesu yuhtiare tuhoa, tina cuaa waha, dihta mariea wahaha.

Saduceo curua macaina Cohamacu to masoare sinituha Jesure

(Mt 22.23-33; Mr 12.18-27)

²⁷ Ā yoa mahainacā saduceo curua macaina Jesu cahapu wihiha. “Cohamacu yariainare masosi”, ni tuhotuina jiha saduceo curua macaina. Ā jia tina ō sehe niha tirore:

²⁸ —Buheriro, ō sehe ni buhea tiha Moise cjiro: “Cūiro to wahmino namo tiro pohna mariaparota to yariachu ñano to bahurore to wahmino namono cjirore nuoano cahmana. Ā yoaro to wahmino munano to pohna tiboro sehetā pohna tiro cahmana to bahurore. Ā jia to pohna to wahmino munano pohna yoaro sehe jahca”, ni joaa tiha Moise cjiro —niha tina.

²⁹ Tíre ni tuhsu ahri quitire yahu namoha tjoa Jesure:

—Cūiro masuno jiha. Seis to bahana jiha. Ti wahmino sehe namo ti, pohna marieriro yariaa wahaha. ³⁰ Ā jiro paio to bahuro cūhu to wahmino namono cjirore nuoaha. To ā nuoari baharo to wahmino yoaro sehetā pohna mariaparota tiro

cũhũ yariaa wahaha. ³¹ ã jiro ahriro bahũro cũhũ to wahmino m̃ñano yoaro seheta pohna maria-parota yariaa wahaa. ã dihta wahaha cũiro pohna waro. Ne pohna mariapahta yaria pihtia wahaha. ³² Ti namono cjiro cũhũ ti baharota yariaa wahaha. ³³ ¿Ne Cohamacũ jipihtinare yariaina cjirire to masochũ diro namono sehe jibocari ticoro pototi? Tina jipihtina ticorore namo tirina cjiri jiha. ¿ã jiro diro baro namono jirohcari? –ni sinituha tina.

³⁴ Ti ã nichũ Jesu õ sehe ni yũhtiha:

–Mipũ macaina wamomaca dũhtera. ³⁵ Ti ã dũhtepachũta paina sehe pa turu macaina sehe ã jierara. Paina m̃are, numia cũhũre to yainare Cohamacũ ñaa marieina jichũ yoarohca. Tina ti yariari baharo masa m̃jaahca. ã yoa tina tóru wamomaca dũhterara. ³⁶ ã jia tina anjoa yoaro seheta ne yariasi. Tina Cohamacũ to masorina jia, Cohamacũ pohna jira. ³⁷ Mipũre yariarina cjiri ti masa wijaahto sehere m̃sare yahuihtja. Tíre Moise cjiro noano yahu pahñoa tiha. To mahadũcã jãri quitire õ sehe ni yahua tiha tiro: “ ‘Yũhũ Abrahã, Isaa, Jacobo ti pũhtoro tjija’, ni yahure Cohamacũ yũhũre”, ni joaa tiha Moise cjiro. ³⁸ Ti yariari baharo “Ti pũhtoro tjija”, ni yahua tiha Cohamacũ. ã niparota yariarina cjiri pũhtoro jierara Cohamacũ. “Ti pũhtoro tjija”, to nia mehne catiina ti jichũ masija mari. Tiro catiina pũhtoro jira. Jipihtina masa catira Cohamacũ to ñũchũ –niha Jesu tinare.

³⁹⁻⁴⁰ To ã nichũ tina sehe pari turi Jesure sinitu duaeraha. ã jia mahainacã judio masare buheina

õ sehe niha:

—Buheriro, m̄h̄h̄ noano ȳh̄t̄ihre —niha tina Jesure.

¿Diro baro coyeiro jijari Cristo?

(Mt 22.41-46; Mr 12.35-37)

⁴¹ Baharo Jesu õ sehe ni yahuha tinare:

—“Cristo Davi cjiro panamino jirohca”, ni buhera paina. ¿Dohse yoa tina ã ni buhejari?

⁴² Davi cjiro to basi Salmop̄h̄ to joari tjup̄h̄ õ sehe ni joaa tiha:

“Cohamac̄h̄ ȳh̄ p̄h̄torore õ sehe nire: ‘Õi ȳh̄ potō b̄h̄h̄sehei dujiga.

⁴³ ã jic̄h̄ m̄h̄h̄re ñ̄h̄ tuhtiinare m̄h̄h̄re ȳh̄d̄h̄r̄h̄cabasaihca ȳh̄h̄’, nire Cohamac̄h̄ ȳh̄ p̄h̄torore”,

ni joaa tiha Davi cjiro. ⁴⁴ ã ni joaro Davi cjiro p̄h̄toro tiha Cristore. Davi cjiro Cristo ñ̄h̄ch̄h̄no cjiro jiparota Cristore p̄h̄toro tiha. ¿Davi cjiro Cristo ñ̄h̄ch̄h̄no cjiro jiparota dohse jiro baro tiro p̄h̄toro tiari Cristore? —ni yahuha Jesu. (Cristo sehe Davi cjiro p̄h̄toro jira.)

Judio masare buheina ti ñ̄aa yoaare yahuha Jesu

(Mt 23.1-36; Mr 12.38-40; Lc 11.37-54)

⁴⁵ Masa paȳh̄ Jesure ti t̄h̄oro watōi Jesu sehe to buheinare õ sehe ni yahuha:

⁴⁶ —Mari judio masare buheina ti ñ̄aa yoaare ñ̄h̄na noano wac̄ũ masiga. ã jina ti yoaro sehe yoaena tjiga. Tina yoa suhti s̄ã, masa ti ñ̄h̄rocaroi majarea, pache duarop̄h̄ paina p̄h̄toare noano ñ̄o payō ti sinino sehe ti piti bocasinich̄h̄ cahmana tina. ã cahmaina jia, tina mari judio masa buhea w̄h̄h̄sei noaa dujia

dihtare bese duji duara. Tuhsu, bese numu jichu tó cãhure noaa dujia dihtare cahmana. ⁴⁷ Tina wapewahya numia ya wãhũsere ti ya cãhure mana tí numiare. ã yoaina jia, tina masa ti ñurocaroi yoari pja Cohamacũre sinimana masare ñũ dutia. Ti ã yoachũ tinare Cohamacũ pjíro buhiri dahrerohca –niha Jesu tinare.

21

Wapewahyoro Cohamacũ wãhũi to warire yahuha Jesu

(Mr 12.41-44)

¹ ã ni yahu tuhsu niñeru wihbori caroi pache pua ti niñerure ti duhu sãachũ ñũ dujiro niha Jesu. Tí niñeru Cohamacũ wãhure ti cahnochũ ti wapahti jiha. ² ã ñũno wapewahyoro pjacũoricoro to pua tũcãre to duhu sãachũ cãhure ñũha. ³ Tíre ñũ tuhsu õ sehe ni yahuha:

–Potocã niita nija musare. Ahricoro wape-wahyoro pjacũoricoro sehe niñeru wihbori caropũ duhu sãano paina jipihtina ti wari yãhdoro wahre ticoro sehe. ⁴ Paina pache pua pjíro ti wapachũta ti ya pjíro dũhsara. Ahricoro sehe pjacũoricoro jiparota jipihtia to chũtĩre to nuchũboacãre wa pahñohre –ni yahuha Jesu.

“Cohamacũ wãhũ cohãri wãhũ jirohca”, niha Jesu
(Mt 24.1-2; Mr 13.1-2)

⁵ ã yoa paina Cohamacũ wãhure õ sehe ni ñũa niha:

–Noaa tãa mehne yoari wãhũ, noacari wãhũ jijari. Masa Cohamacũ ya wãhũ cjĩhtire ti wari cjiri cãhũ tí wãhũpũre noaca cũri jira –ni durucua niha.

Ti ã nichu Jesu õ sehe ni yahuha tinare:

⁶ —Ahri jipihtia mari ñuri cjiri wuhuse, ahri tãa cãhu cohõ pihtia wahaahca. Ne cãria tãca tjuasi — niha Jesu tinare.

*Pihtiri dacho cjihtore yahuha Jesu
(Mt 24.3-28; Mr 13.3-23)*

⁷ To ã nichu tuhoa tina sehe õ sehe ni sinituha tirore:

—Buheriro, ¿dohse jichu mu niriro sehe waharo ã waharohcari? ¿Pihtiri dacho panocã jichu dohse to waha ducachu ñnahcari sã? —ni sinituha tina Jesure.

⁸ Jesu õ sehe ni yuhtia tinare:

—Noano yoaga masa. ã jina musare paina ti mahñoare tuhoena tjiga. Payu masa “Cristo jija yuhu”, niina taahca. ã nia, “Mipure pihtiri dacho cjihto mahanocã dhsara”, niahca. Ti ã nichu tinare tuhoena tjiga. ⁹ ã yoa paina “Cahma wajãa nina”, musare niahca. “Mipure puhtoare masa cohãa nina”, niahca. MUSA tíre tuhona cuiena tjiga. Pihtiri dacho pano õ sehe waha muhtanohca. To ã wahachu pihtiri dacho cjihto dhsasininohca mini —niha Jesu.

¹⁰ ã ni tuhsu õ sehe ni yahu namoha:

—Cũ yahpa macaina pa yahpa macaina mehne cahma wajãahca. ¹¹ Tuhsu, tuaro yahpa ñuhmi, masa payu juca mehne yaria, jipihtiro macaina dohatiahca. ã yoa mano macaa bajuamehneare masa ñna, ñn caaa wahaahca.

¹² ‘Ahri jipihtia ti ã wahahto pano, paina musare ñaha, ñano yoahca. Tuhsu, mari judio masa buhea wuhusei tina musare yahusã, peresu

yoaahca m̄sare. Ti ã yoach̄m̄ yahpari macaina p̄h̄toa panoi, macari macaina p̄h̄toa panoi ducunahca m̄sa ti yahusãhtina. Ȳm̄ yaina m̄sa jiri buhiri ã yoaahca. ¹³ Ti ã yahusãch̄m̄ m̄sa sehe noaa buheare tinare yahunahca. ¹⁴ Tí pjare m̄sare ti yahusãch̄m̄ p̄h̄torore m̄sa ȳh̄tihtore “Yahu masieraboca”, ni t̄h̄otuenta tjiga m̄sa. ¹⁵ Ȳh̄m̄ m̄sare yahubasaihtja. M̄sare ã yoadohoc̄m̄ t̄h̄o masiare, noaa durucua c̄h̄m̄re m̄sare yahuch̄m̄ yoaihtja. M̄sa ã yoach̄m̄ m̄sare ñ̄m̄ tuhtiina sehe m̄sa durucua t̄h̄o, “Tí potocã jierara”, ni ȳh̄ti masisi. ¹⁶ Tí pjare m̄sa p̄h̄c̄s̄h̄ma, m̄sa bahana, m̄sa coyea, m̄sa mehne macaina c̄h̄m̄ m̄sare ñ̄m̄ tuhtiinare waahca m̄sare ȳm̄ yaina m̄sa jiri buhiri. Ti ã yoach̄m̄ m̄sare ñ̄m̄ tuhtiina m̄sa mehne macainare painare wajãahca. ¹⁷ ã yoa ȳm̄ yaina m̄sa jich̄m̄ ñ̄m̄, jipihtina m̄sare ñ̄m̄ tuhtiahca. ¹⁸ M̄sare ã ñ̄m̄ tuhtipahta ne mahanocã m̄sare ñ̄ano yoasi. ¹⁹ ã jina Cohamac̄m̄re wacũ tuaina jiga m̄sa. M̄sa ã yoana, Cohamac̄m̄ mehne ã jirucunahca.

²⁰ ã yoa paȳm̄ surara Jerusal̄p̄m̄ ti soroach̄m̄ ñ̄m̄na, Jerusal̄ne ti cohãhto to mahanocã d̄h̄sach̄m̄ masinahca m̄sa. ²¹ Ti ã yoach̄m̄ ñ̄m̄ Judea yahpai jiina t̄ȳuc̄m̄ cahap̄m̄ m̄roca duhtijaro. ã yoa Jerusal̄i jiina wahajaro. ã yoa campoi jina Jerusal̄p̄m̄ wahaea tjijaro ti waha bahrañohto sehe. ²² Tí dachorihi buhiri dahrea dachorihi jipihtia Cohamac̄m̄ yare ti joari pũ to niriro cjiro seta ã waharohca. ²³ Jipihtirop̄m̄ ahri yahpai ñ̄ano ȳh̄d̄m̄ahca. To ã wahach̄m̄, ni ji wahcõa numia, ti

pohnare pũina numia cũhũ pjacũoro wahaahca. ²⁴ Paina ahri maca Jerusalẽ macaina mehne cahma wajãahca. ã cahma wajãa, paina ahri maca macainare jipihtia yahparipũ na wahcã, peresu yoaahca. ã jia judio masa jieraina Jerusalẽne ñano yoa, tinare yũhdũrũcaahca. Judio masa jieraina ya dacho to pihthũpũ Jerusalẽ macainare ñano yoa duhuahca –ni yahuha Jesu.

Jesu yahpapũ to tjua tahtore yahuha

(Mt 24.29-35, 42-44; Mr 13.24-37)

²⁵ ã ni yahu tũhsũ, tinare õ sehe ni yahu namoha:

–Tí pjare sũ dacho macariro, ñami macariro, ñahpichoha cũhũ cohtotaahca. Jipihtina ahri yahpa macaina “Cue, yarianahca”, ni tũhotuina pjiri ma macaa pahcõri cuaro choro ti bisiro coa tachũ tũhoa tuaro cuiahca. ²⁶ Tí pjare mũano macaa yahpari, ñahpichoha cũhũ tuaro ñuhmiahca. Ti ã wahachũ ñũa, masa sehe ahri yahpa to pihthĩtore cohtaa, tuaro cuiahca. ²⁷ Tí pjata yũhũ masũno Cohamacũ warocariro Cohamacũ tuaa mehne to si sitea mehne yũ tachũ ñũahca masa. ²⁸ Ahri ti ã waha dũcachũ ñũna, wacũ tuaina jiga. ã jina mũanopũ ñũga. Tí pjare Cohamacũ mũsare pichacapũ wahaborinare to yũhdohto mahanocã dũhsarohca –niha Jesu.

²⁹ ã ni tuhsũ ahri quitĩ mehne piti dahre buheha Jesu:

–Higueracũre, paye yucũ cũhũre tũhotuga mũsa. ³⁰ Tí yucũri pũri tichũ ñũna, cũhma cjihto to mahanocã dũhsachũ masina mũsa. ³¹ Tó seheta ahri

jipihtia y_u niri cji_rire ti ã wahach_u ñ_una, Cohamac_u masare p_uhtoro to noano s_uho jihti pja mahanocã d_uhsach_u masinahca m_usa.

³² M_usare potocã niita nija. Tí pja macaina ti yariahto pano jipihtia y_u niriro seheta ã waharohca. ³³ M_uano, ahri yahpa c_uh_u pihtia wahaahca. Y_u durucua sehe ne cohtotasi. Jipihtia y_u niriro seheta ã waha sohtori tiarohca.

³⁴ Y_u tjua tahti dachore ne masierara m_usa. ã jina noano yoaga. Bose n_um_urine b_uj_ua yoarucuena tjiga. ã jina cahaena tjiga. Ahri yahpa macaare p_uj_uro t_uhotuena tjiga. M_usa y_u niriro seheta yoana, wac_uenoca ahri yahp_u y_u tach_u m_usa ne c_uasi. ³⁵ Wahiquirore yurida wahiquirore wac_uenoca to t_uã suhoro seheta wac_uenoca taihca y_uh_u. Jipihtina ahri yahpa macaina ti masieraro watoi tí dachoi wac_uenoca ã waharohca. ³⁶ Noano wac_u masi cohtaga. ã jina Cohamac_ure ahrire ã sinirucuga: “Ahri pihtiri dachore ã wahach_u y_uh_ure yoadohoga. Tuaare waga y_uh_ure ahrire noano y_u y_uhd_uhti cjihtire. Tuhs_u, Cristore m_u warocarirore cuiro marieno y_uh_ure piti bocach_u yoaga”, ni siniga Cohamac_ure —niha Jesu.

³⁷ ã yoa tí dachorire Cohamac_u w_uh_ui Jesu buhea tiha. Ñaminipe buhe tuhs_uro Olivo wama tid_u t_uc_up_u waha, t_up_u ji bohrea tiha. ³⁸ Bohrea taharipe jipihtina masa Cohamac_u w_uh_up_u tirore t_uhoa wahaa tiha.

22

Sacerdotea p_uhtoa, judio masare buheina

mehne wajã duaha Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ ã yoa tí pjare bꞑcaerari pãore ti chꞑhti bõse nꞑmꞑri mahanocã dꞑhsaha. Tí bõse nꞑmꞑri pas-
cua wama tiha. ² ã jia sacerdotea pꞑhtoa, ju-
dio masare buheina mehne Jesure wajã duaa, ti
wajãhtore wacũ macaha. Jesure wajã duapahta,
masa sehere cuiha, “Suari”, nia.

³ ã yoa watĩno Juda Iscariotere ñano to yoa du-
tichꞑ Juda sehe yꞑhtiha tirore. Juda doce buheina
mehne macariro jimaha. ⁴ ã yoa tiro sacerdotea
pꞑhtoare, Cohamacꞑ wꞑhꞑ macaina surara pꞑhtoa
mehne cꞑhꞑre sꞑhꞑduro wahaha. Ti cahapꞑ sꞑ,
tinare Jesure to ñohtore sꞑhꞑduha tina mehne. ⁵ To
ã nichꞑ tꞑhoa, tina wahche, “Mꞑhꞑre niñerure wa-
panahtja”, niha tina Judare. ⁶ Tí ã nichꞑ Juda “Jai,
tirore mꞑsare ñoihtja”, ni masa ti ñeraro watoi
Jesure ñꞑ tuhtiinare to ñohti ñamine cohtasiniha.

Jesu buheina mehne to chꞑ batoari nꞑmꞑ jiha

*(Mt 26.17-29; Mr 14.12-25; Jn 13.21-30; 1Co
11.23-26)*

⁷ Bꞑcaerari pão bõse nꞑmꞑri ti ji dꞑcari dacho
jiha. ã jiro pascua macaina cjih-tire ovejare ti
chꞑhtinare ti wajãhti nꞑmꞑ jiha. ⁸ Tí pjata Pedrore,
João cꞑhꞑre Jesu õ sehe ni yahuha:

—Bõse nꞑmꞑi mari chꞑhtire cahnoyuna wahaga
—niha Jesu tinare.

⁹ —¿Mari pascua macaa chꞑhtire noho baroi cah-
noyu dutirocaijari mꞑhꞑ sãre? —ni sinituha tina
tirore.

¹⁰ Tí ã nichꞑ Jesu õ sehe ni yꞑhtiha:

—Jerusalēp̄m̄ m̄usa s̄uch̄m̄ co situ w̄uar̄iro m̄usare piti bocarohca. To piti bocach̄m̄ tiro mehne wahaga. ¹¹ ã wahana tiro to s̄uho s̄ãari w̄uh̄up̄m̄ s̄una tí w̄uh̄m̄ p̄urore õ sehe ni yahuga. “¿Dí tahtiai ȳuh̄m̄ ȳm̄ buheina mehne pascua macaa ch̄uare ch̄unahcari?” ni sinitu dutirocahre buheriro”, niga tí w̄uh̄m̄ p̄urore. ¹² M̄usa ã nich̄m̄ t̄uhoro, t̄ópm̄ m̄uano macari tahtiare p̄jiri tahtiare, noano ti cahnoyuri tahtiap̄ure m̄usare ñonohca w̄uh̄m̄ p̄uro. Tóí mari ch̄uhti c̄jhtire dahrega m̄usa —niha Jesu tinare.

¹³ To ã nich̄m̄ tina tí macap̄m̄ wahaha. Tópm̄ ti s̄uch̄m̄ tinare to niriro seheta wahaha. ã jia tina pascua macaa ch̄uare dahreha.

¹⁴ Ti ch̄uri p̄ja jich̄m̄ Jesu doce to buheina mehne ch̄m̄ dujiha. ¹⁵⁻¹⁶ Tópm̄ ti ch̄uropm̄ dujiro Jesu tinare õ sehe ni yahuha:

—M̄usare niita nija. Ahri pascua bose n̄um̄rine mari dahreja Cohamac̄m̄ to yainare to ȳuhdohtore wac̄ūna. Baharo Cohamac̄m̄ masare p̄uhtoro to noano s̄uho jiropm̄ to yainare ȳuhdo tuhs̄urohca. To ã ȳuhdohto pano ahri n̄um̄ri baro macaare pari turi ch̄eraja ȳuh̄m̄. ã jic̄m̄ mip̄ure ñano ȳuhdm̄, ȳm̄ yariahto pano ahri pascua macaa ch̄uare m̄usa mehne tuaro ch̄m̄ duaa tihi —niha Jesu.

¹⁷⁻¹⁸ ã ninota Jesu sihniri wahware na, Cohamac̄m̄re “Noana”, ni sini, tinare õ sehe ni yahuha:

—M̄usare niita nija. Cohamac̄m̄ jipihtina bui p̄uhtoro to noano s̄uho jihto pano ahri vinore ne pari turi sihnisi ȳuh̄m̄. ã jina ahri vinore na, m̄usa basi witi, sihniga —niha Jesu.

19 Æ ni tuhsu pão curire na, Cohamacure “Noana”, niha. Æ ninota, tí curire nuha, witiha tinare. Tí curire witirota, tinare õ sehe ni yahuha:

—Ahri yu pjacu jira. Yu pjacu yuhure ñu tuhtiinare ti wari pjacu jirohca. Mûsa ñaa yoari buhirire cohãcu tacu yariaihca yuhu. Æ jina yuhure mûsa wacũhti cjihtire ahrire chuga —niha Jesu.

20 Æ chu tuhsu tó seheta tiro tinare sihniri wahwa cãhure waha. Æ waro, tinare õ sehe ni yahuha:

—Mûsa ñaa buhirire cohãcu tacu yariaihca. Æ yoacu yu dire cohãihca. Cohamacu “Mûsare yuhdoihtja”, to niriro mu sũchu ã yu yariaro mehne to niriro sohtori tirohca.

21 Mipure tuhoga mûsa. Yuhure ñu tuhtiinare yuhure ñohtiro mipure yuhu mehne õi dujira. 22 Cohamacu to dutiriro seheta yuhu masano Cohamacu warocariro yariaihca. To ã yaria dutipachuta yuhure ñu tuhtiinare ñoriro pinihta ñabiaro yuhdurohca —niha Jesu tinare.

23 To ã nichu tina sehe ti basi õ sehe ni sinituha:

—¿Jesure ñu tuhtiinare ñohtiro mari mehne macariro diro baro jicari na? —ni durucuha tina ti basi.

“¿Mari mehne macariro diro sehe jicari na puhtoro?” ni durucuha Jesu buheina ti basi

24 Baharo Jesu buheina õ sehe ni durucuha:

—¿Mari mehne macariro diro sehe jicari na puhtoro? —ni durucuha ti basi.

25 Ti ã ni durucuchu tuhoro Jesu tinare õ sehe ni yahuha:

—Cohamacure cahmaeraina puhtoa sehe ti masare dutia, purino mehne dutira. ã jia puhtoare “Tina masare yoadohoina jira”, nimana paina masa tinare. ²⁶ Musa sehe to sehe yoasi musa basi. Musa mehne macariro musa wahmi sehere to bahuro yoaro sehe jiro cahmana. Musa mehne macariro puhtoro ji duaro cahamacuno yoaro sehe jiro cahmana tirore. ²⁷ ¿Diro jijari puhtoro? ¿Chu dujiriro sehe puhtoro jijari? ¿O chure duhu payoriro sehe puhtoro jijari? Chu dujirirota jica puhtoro. To ã jipachuta yuh sehe cahamacuno yoaro seheta musare yoadohoi tai.

²⁸ Masa yuhare ti ñano yoapachuta musa sehe yuhare duhuerare. ²⁹ ã jicu yu Pacu yuhare to puhtoro sōriro seheta musa cūhare puhto sōihtja yuh. ³⁰ Yuh puhtoro yu jichu yu churi mesai musa cūhu chu, sihninahca. ã yoana musa puhto dujiare dujinahca. Musa toí dujina Israe masare doce curuari macainare besenahca musa ñaina, noainare —niha Jesu to buheinare.

*Pedro Jesure to cohāhtore yahuha Jesu
(Mt 26.31-35; Mr 14.27-31; Jn 13.36-38)*

³¹ ã ni tuhsu Pedrore Jesu õ sehe ni yahuha:

—Simo Pedro yuhare tuhoga. Musare jipihtinare yuhare cohāchu yoa duara watino. Trigo wese puro to trigore to wã site cohāriro seheta musare jipihtinare watino ñano yoa duara “Ñaaare yoajaro”, nino. ã yoa duaro, Cohamacure sinihre. ³² To ã sinichu ñacu yuh sehe Cohamacure sini payohi mahure. Yuhare mu wacū tua duhuerahiti cjihtire sini payohi mahure. ã jicu mahu yuh mehne

macariro pari turi jic_u m_u coyeare y_u yainare yoadohoga m_uh_u –niha Jesu Pedrore.

³³ To ã nich_u Pedro õ sehe ni y_uhtiha:

–Puhtoro, y_uh_ure ti peresu yoapach_uta, y_uh_ure ti wajã duapach_uta m_uh_u mehne macariro jiihtja –nimaha Pedro.

³⁴ Jesu õ sehe ni y_uhtiha:

–Pedro m_uh_ure niita nija. Micha ñami caraca to duhto pano “Jesure masieraja”, niihca m_uh_u painare. Tia taha ã niihca m_uh_u –niha Jesu Pedrore.

Jesure ti ñano yoa d_ucahto mahanocã d_uhsaha

³⁵ ã ni tuhs_u Jesu to buheinare õ sehe ni yahuha:

–¿Sohõ jiri pja m_usa niñeru wajuru marieina, pjiri wajuru marieina, dahpo suhti marieina m_usare y_u warocach_u paye baro d_uhsari m_usare? –ni sinitu ñaha Jesu.

–Ne sãre yaba d_uhsaerare –ni y_uhtiha tina.

³⁶ –Tí pjare m_usare d_uhsaerapach_uta mip_u sehere niñeru wajurure c_uana tíre naga. Pjiri wajurure c_uana c_uh_u naga. ã jina m_usare ñosari pjĩ mariach_u m_usa suhtire duana tí pjĩne nuch_uga.

³⁷ Ahrire m_usare nii nija. Cohamac_u yare ti joari p_ui ti niriro seheta y_uh_ure ã waharo cahmana. Õ sehe niha tí p_ui: “Tiro dutiare y_uhd_ur_ucaina mehne macariro jira’, niahca masa”, ni joaa tiha –niha Jesu.

³⁸ –Ñ_uga puhtoro. P_ua pjĩ ñosaa pjĩnine c_uaaja sã –niha to buheina.

–Tó puro tjica –ni y_uhtiha Jesu.

Getsemaní wama tiropu Jesu Cohamacure siniha

(Mt 26.36-46; Mr 14.32-42)

³⁹ Ñ yoa Jesu to ñ yoarucuro sehetã Olivo wama tidu tucuru wahaha. To ñ wahachu to buheina tiro mehne wahaha. ⁴⁰ Tópu saro tiro tinare õ sehe ni yahuha:

—Cohamacure siniga ñano musa yoerahto sehe —niha Jesu tinare.

⁴¹ Ñ ni tuhsu tiro to sahsero mahanocã waha namo, na tuhcuca caha su, ⁴² Cohamacure õ sehe ni siniha:

—Mai, yu ñano yuhduhtire yoa duaeracu yoai tjia. Yu ñ nipachata yu cahmaa sehere yoai tjia. Muhu sehe masina. Mu cahmano sehetã yoaga yuhure — ni siniha Jesu Cohamacure.

⁴³ [To ñ sinichu manopu duji tariro anjo Jesure bajua, yoadohoha tirore. ⁴⁴ Tuhsu, Jesu ñano yajeripohna ti, tuaro mehne Cohamacure siniha. Ñ jia to so witia di yahpari yoaro sehe jia tirore wijaa, yahpuru bora caha suha.]

⁴⁵ Cohamacure sini batoa wahcãrcu su, tiro to buheina cahpu wihia. Ñ to wihichu to buheina tuaro cahyaina jia, carã niha. ⁴⁶ Ñ jiro Jesu tinare õ sehe ni yahuha:

—¿Dohseana carãna nijari musa? Wahcãga. Cohamacure siniga ñano musa yoerahto sehe —niha Jesu tinare.

Jesure ñu tuhtiina tirore peresu yoaha

(Mt 26.47-56; Mr 14.43-50; Jn 18.2-11)

⁴⁷ To ñ ni durucuro watoi masa payu wihia. Juda doce buheina mehne macaruro cjiro masare

m_u tã tariro jiha. ã jiro tiro Jesu cahai wihi, wahsupu wihmiha tirore. ⁴⁸ To ã wihmich_u Jesu tirore õ sehe ni sinituha:

—Judá, ¿y_uh_u mas_uno_{re} Cohamac_u warocarirore y_uh_ure ñ_u tuhtiinare ñoc_u y_uh_ure wahsupu wihmijari m_uh_u? —niha Jesu.

⁴⁹ To ã niri baharo Jesu buheina masa Jesure ti ñahahtire masia, tirore sinituha:

—P_uhtoro, ¿sã ñosaa p_jĩni mehne tina mehne cahmachema? —niha tina.

⁵⁰ Ti ã niri baharo cãiro Jesu buheina mehne macariro sehe sacerdotea bui p_uhtoro cahamac_uno_{re} to ñosari p_jĩ mehne to cahmonore poto buh_usehei jiri cahmonore c_jã pahr_unocaha.

⁵¹ To ã yoach_u ñ_uno Jesu tirore õ sehe niha:

—ã yoai tjiga —niha.

Ni, cahamac_uno cahmono jiro c_jiroi ña payoha. To ã ña payoch_uta cahmono m_unano seheta jiha tjoa. ⁵² ã yoa tuhs_u sacerdotea p_uhtoare, Cohamac_u w_uh_u macaina surara p_uhtoare, bu_uc_una c_uh_ure tirore ñaha tainare Jesu õ sehe ni sinituha:

—¿Dohse jiro baro m_usa ñosaa p_jĩni, yuc_u tiri mehne yacarirore ti yoariro seheta m_usa y_uh_ure ñahana tajari? ⁵³ Dachoripe Cohamac_u w_uh_up_u m_usa mehne y_u jich_u, m_usa y_uh_ure ne ñahaerare. ã jipach_uta mip_ure m_usa ya dacho y_uh_ure m_usa ñano yoahti dacho jira. Mip_u wat_uno to ñano yoahti dacho c_uh_u jira —niha Jesu.

“Tirore masieraja”, niha Pedro Jesure

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Tina Jesure ñaha tuhsu sacerdotea bui puhtoro ya wuhuru naaha tina tirore. Ti toru naachu Pedro yoaroru tinare ñu nunu tiha. ⁵⁵ Puhtoro wuhuru su, toi wuhu cahai jiri wapai, noari wapa dacho macai pichaca wijaha paina. Ti a wijachu ñuno Pedro pichaca cahai dujiina mehne dujiha. ⁵⁶ To a dujiri baharo cacoro cahamacono tirore noano ñu, painare o sehe ni yahuha:

—Ahriro cuhu tiro mehne jihre —niha ticoro.

⁵⁷ To a nichu tuhoro Pedro o sehe ni yuhtiha:

—Numino, tirore ne masieraja yuhu —nimaha tiro.

⁵⁸ Ticoro to a niri baharocata pairo Pedrore ñu, o sehe niha tjoa:

—Muhu cuhu tina mehne macariro tjira —niha tiro.

—Ne jieraja —nimaha Pedro.

⁵⁹ Ca hora baharo pairo painare o sehe ni yahuha:

—Potoca tjira. Ahriro Galilea macariro jira. A jiro potocata Jesu mehne jihre ahriro cuhu —ni yahuha tiro painare.

⁶⁰ To a nichu Pedro o sehe ni yuhtiha:

—Ne, mu nirirore masieraja yuhu —ni yuhtiha Pedro.

To a ni durucuro watoi caraca duha. ⁶¹ To a duchata Jesu wuhu cahai jiro Pedrore majare ñurocaha. To a yoachu Pedro sehe Jesu to yahurire wacuha. “Micha ñami caraca to duhto pano, ‘Yuhu Jesure masieraja’, niuha muhu. Tia taha a niuha muhu”, Jesu to niri cjirire wacuha Pedro. ⁶² A wacuno Pedro toru jiro wijaa ta, tuaro tiirucuha.

Jesure bujape, cjãha tina
(Mt 26.67-68; Mr 14.65)

⁶³ ã jia Jesure cohtaina surara tirore bujape, cjã mujaha. ⁶⁴ ã cjã mija, to caparire dũhte dũcata, tirore õ sehe ni sinituha:

—¿Diro muhũre cjãjari? Ñerapaihta yahuga sãre —ni sinitu, bujapeha tina.

⁶⁵ ã jia payũ ñano ni durucuha tina tirore.

Jesure puhtoã sinituha
(Mt 26.59-66; Mr 14.55-64; Jn 18.19-24)

⁶⁶ Bohrearoi judio masa bucũna, sacerdotea puhtoã, judio masare buheina cãhũ cahmachuha. Ti ã cahmachunoi paina tina cahapũ Jesure na taha.

⁶⁷ —Yahuga sãre. ¿Cristota jijari muhũ? —ni sinituha tina Jesure.

Ti ã nichũ Jesu õ sehe ni yuhtihã:

—Musare yũ yahuchũ, yuhũre tũhosi musa.

⁶⁸ Musare yũ sinituchũ yuhũre yuhtisi musa.

⁶⁹ Musa yuhtierapachũta baharo curero jipihtia dachoripe yuhũ masũno Cohamacũ warocariro Cohamacũ tua yuhdũariro to poto bahũsehei dujihtja —niha Jesu.

⁷⁰ To ã nichũ tina jipihtina sinituha tjoa pari turi:

—¿ã nicũ Cohamacũ macũnota jijari muhũ? —niha tina.

—Tirota jija musa nino seheta —ni yuhtihã Jesu tinare.

⁷¹ To ã nichũ tũhoã, tina õ sehe ni durucuha ti basi:

—Ahriro Cohamacũre pjĩro to ñano durucuchũ mari basi tũhoi. ã yoa ahrirore yahusãina tópeina

tjijaro. (Tópeina mehne tirore mari wajã duti masija) –niha tina ti basi.

23

Pilato Jesure sinituha

(Mt 27.1-2, 11-14; Mr 15.1-5; Jn 18.28-38)

¹ ã ni tuhsu tina jipihtina wahcãruca, Jesure Pilato cahapu naaha. ² To cahapu na suu, Jesure yahusã ducaha:

–Ahriro mari ya yahpa macainare to ñano yoa dutichu sã tuhohi. Mari bui puhtorore ahriro wapa dutierara. Tuhsu, tiro “Puhtoro jija. Cristo masare yuhdohtiro jija yuhu”, ni durucure to basi –ni yahusãha tina Jesure.

³ Ti ã ni yahusãri baharo Pilato Jesure õ sehe ni sinituha:

–¿Judio masa puhtorota jijari muhu? –niha tiro Jesure.

–Mu nino seheta tiro tjija –ni yuhtiha Jesu.

⁴ To ã nichu Pilato sacerdotea puhtoare, masa cãhure õ sehe ni yahuha:

–Ahriro yaba buhiri mariahna –niha tiro.

⁵ To ã nipachuta tina tuaro yahusã namoha:

–Tiro to buhea mehne masare cahmachechu yoara. Galilea yahpai tiro tíre yoa ducare. ã yoa ducã tuhsu jipihtiro Judea yahpau tíre tiro yoare. Mipu õpu cãhure tíre yoaro taro nina –ni yahusãha tina.

Herode Jesure sinituha

⁶ Ti ã ni yahusãchu tãhoro Pilato sehe õ sehe ni sinituha:

–¿Ahriro Galilea macariro jijari? –niha tiro.

⁷ –Tó macariro tjira –ni yuhtiha paina.

Ti ã ni yuhtichu tuhoro Pilato sehe Jesu to jiri yahpare masino puhtoro Herode ya yahpa macariro Jesu to jichu masiha. Tíre masino Jesure Herode cahai warocaha. Típjare Herode Jerusalēi jia tiha. ⁸ Tó panopu Herode Jesure tuhoa tiha. To ã tuhori baharo yoari pja baharo tirore ñu duaha. Jesu Cohamacu tuaa mehne to yoa ñochu ñu duamaha tiro. ã jiro tiro Jesure ñano, wahcheha. ⁹ ã jiro payu tahari sinituha Jesure. To ã sinitupachuta Jesu ne yuhtieraha tirore. ¹⁰ Sacerdotea puhtoa, judío masare buheina cãhu Herode cahai wahcãruca, tuaro Jesure yahusãha. ¹¹ Ti yahusãri baharo, Herode to surara mehne bujupe, Jesure ñano yoaha. ã bujupea, noari suhtirore puhtoro to sãari suhtiro yoaro sehe bajuri suhtirore sãaha tina Jesure. ã bujupe tuhsu, tirore Pilato cahapu warocaha tjoa. ¹² Tí dachore Herode, Pilato mehne noano ti basi cahma yoaina ji ducaha. Tó panore ti basi cahma ñu tuhtiina jisnimaha.

Masa Jesure wajã dutiha

(Mt 27.15-26; Mr 15.6-15; Jn 18.39-19.16)

¹³ ã yoa Pilato sacerdotea puhtoare, paina puhtoare, masa cãhure to pjirocachu, cahmachuha. ¹⁴ Ti cahmachu pihtichu ñano õ sehe niha Pilato tinare:

–Ahrirore yuhure na tana, “Tiro masare ñano yoa dutira”, nimahre musa yuhure. Mipu musa ñurocaroi ahrirore noano sinitu pahñohi tjoa. Yu ã sinituri baharo musa tirore ã yahusãrucuchu tirore ñaa buhiri ne mariahna, yu ñuchu. ¹⁵ Herode cãhu tirore “Ne, ñaa buhiri mariahna”, nihre. ã nino

ahrirore pari turi sãre wa majare tjuhre tjoa. ã jina ahrirore to ñaa buhiri mariachũ tirore mũsa wajã duti masierara. ¹⁶ ã jicũ tirore yuta dari mehne tjana dutiuhca yũhũ. ã ti tjanari baharo tirore wioihtja –nimaha Pilato masare.

¹⁷ [Cũhmaripe pascua bose numũrine masa yairo cjihtore cãiro peresupũ jirirore Pilato wiobasa mũjaa tiha.] ¹⁸ ã jia Pilato “Jesure wioihtja”, to nichũ tũhoa jipihtina masa õ sehe ni sañurucuha:

–Tirore Jesure wajãga. Sã yairo cjihtore Barrabá sehere sãre wiobasaga –ni sañurucuha masa.

¹⁹ Tí pjare Barrabá wama tiriuro Jerusalẽpũ pũhtoare cohã duaina mehne macariro, masũnore wajãriro peresupũ jiha. ã jia tirore masa wio dutia niha. ²⁰ Pilato Jesu sehere wio duamaha. ã jiro tiro masare sinitu ñũha tjoa. ²¹ To ã wio duapachũta tina tirore õ sehe ni sañurucuha tjoa:

–Crusapũ cjã puha wajãga tirore. Wajãga tirore –ni sañurucuha tina.

²² Ti ã nichũ Pilato tia taha waharoi õ sehe nimaha tinare:

–¿Yabare ñano yoari tiro mũsa ã ni sañurucuchũ? Ne tirore ñaa buhiri mariaha. ã jicũ tirore wajã duti masieraja. Tirore yuta da mehne tjana dutiuhca. Tó purota yoa dutiuhca. ã yoacũ wioihca tirore –niha Pilato.

²³ To ã nipachũta tina tuaro mehne sañurucu namo, Jesure crusapũ wajã dutiha. Ti ã ni sañurucuchũ tũhoro ti cahmariro seheta Pilato yoaha. ²⁴ Tirore ti siniriro seheta Pilato

Jesure wajã dutiha. ²⁵ ã dutiro tiro peresupũ jirirore masare cahmachechũ yoarirore, masare wajãrirore masa ti siniriro seheta Pilato Barrabá sehere wioha. Tuhsũ, Pilato Jesure crusapũ wajã dutiha.

*Tina Jesure crusapũ cjã puha, wajãha
(Mt 27.32-44; Mr 15.21-32; Jn 19.17-27)*

²⁶ To ã wajã dutichũ tina Jesure wajãa waha, naaha. Tí pja ti ã yoaro watoi Simo wama tirore Cirene macariro campopũ sũriro wihia. Jerusalẽpũ to wihichũ ñha Jesure naaina tirore piti boca, ñaha, Jesu to wũari crusare tirore wũa wahcã dutiha Jesu baharo.

²⁷ ã yoa masa payũ Jesure ñũ nunũ tiha. ã jia masa watoi jia numia tirore ti ã yoachũ ñha tuaro tiha. ²⁸ Ti ã tiichũ tũhorõ, tí numiare Jesu majare ñũ, õ sehe niha:

—Jerusalẽ macaa numia, yũhũre tiiena tjiga. Mũsa basi, mũsa pohna mũsa ñano yũhdũhtire masina, tiibasaga. ²⁹ Paye dachori jichũ ñabiaro yũhdũnahca mũsa. Tí pjare masa õ sehe niahca: “Pohna mariea numia, pohna tierari numia, pũera numia mipũ mari jichũ noabiaboa”, niahca masa. ³⁰ Tí pjare tũcũre õ sehe ni durucuahca masa. “Mũhũ tũcũ sã buipũ bora pjaga. Sãre dũcatahga”, niahca masa cuia. ³¹ Masa buhiri marierirore yũhũre õ sehe ti yoachũ, ñaa buhiri cjũaina sehe ñabiaro wahaahca —niha Jesu.

³² Paina pũaro, dutiare yũhdũrũcaina ti jichũ tina cũhũre Jesu mehne ti wajãhtinare naaha tina. ³³ Tinare naa, “Dapu cohã”, wama tiropũ sũ, crusapũ Jesure cjã puha õha. Pũaro yũhdũrũcaina

cãhure paioire to poto buhusehei, paioire to cõ buhusehei cã puha õha. ³⁴ [Ti ã yoachũ Jesu õ sehe niha:

—Mai, ahrina mipũ ti ñaa yoarire boga tinare. Tina ti dohse yoarire masierara. ã jicũ ti ñaa yoari buhirire boga —niha Jesu.]

ã yoa Jesu suhtire cahma witia tina docapeha. To suhti cjirire “Noa yaro jirohcari õ”, ni cahma docapeha tina. ³⁵ Tuhsũ, masa tói ducuína ti ñurucuro watoi judio masa puhtoã Jesure õ sehe ni bujũpeha:

—Tiro paina masare yariaborinare yoadohoyumahtiro. ã jiro tiro Cristo Cohamacũ to beseriro jiro, mipũ yariaboriro jiro, to basi yoadohojaro —ni bujũpeha tina.

³⁶ Surara cãhũ tirore bujũpeha. Jesu cahai sũã, tina tirore ñaa co vinore wamaha. ³⁷ Tíre waa, õ sehe niha tina:

—Mũhũ judio masa ti puhtoro jicũ mũ basi yoadohoga. ã jii yũhdũ witiĩhca mũhũ —ni bujũpeha tina.

³⁸ ã yoa tiro bui ti cã puha õri pjĩne õ sehe ni joaha: “Ahroro judio masa bui puhtoro jiriro jira”, ni joaha. (Griego ya mehne, Roma macaina ya mehne, judio masa ya mehne ã ni joaha.)

³⁹ Pairo tiro mehne ti cã puha daporiro yũhdũrucariro sehe õ sehe ni, ñãno durucuha Jesure:

—¿Mũhũ Cristo masare yũhdoriro jierajari? Mũ basi, sã cãhure yoadohoga —niha tiro Jesure.

⁴⁰ To ã nichũ tũhoro pairo yũhdũrucariro Jesu poto buhusehei ti cã puha daporiro sehe tirore õ sehe niha:

—Mari cãhure cãno potori buhiri dahrera tina. ¿Dohseacũ Cohamacũre ne ño payoerajari mãhũ?
⁴¹ Marine ñaa buhirire yoaa, quihõno yoaa nina tina. Ñaare mari yoari buhiri marine buhiri dahrera tina. Ahriro sehe ñaare yoerare —niha tiro paio yũhdũrcarirore.

⁴² Æ nino, tiro Jesure õ sehe niha:

—Jesu, mãhũ pũhtoro jicũ, tjua tacũ, yãhũre wacũga —niha tiro Jesure.

⁴³ To ã nichũ tũhoro, õ sehe niha Jesu:

—Mũhũre ahrire nii nija. Michare paraíso wama tiropũ mãhũ yãhũ mehne jiihca —niha Jesu tirore.

Jesu yariaa wahaha

(Mt 27.45-56; Mr 15.33-41; Jn 19.28-30)

⁴⁴ Æ yoa cohari pja jichũ sũ si duhua wahaha. Æ jiro jipihtiro tí dihtapũre tia hora waro noano nahitiano jiha. ⁴⁵ Nahitiano to jiro watoi, Cohamacũ wũhũ macari suhtiro, dũcatari suhtiro dacho maca waroi bui sehe tũhnũ bora ta, pũca cahsaro tũhnũroca yoja sũa wahaha. ⁴⁶ Æ jiro Jesu õ sehe ni tuaro sañurucuha:

—Mai, yũ catiare mãhũre wiaja mũ ñũ wihbohto cjihtore —ni sañurucuha Jesu.

Æ ni tuhsũ yariaa wahaha.

⁴⁷ To ã yariachũ ñũno, surara pũhtoro sehe “Cohamacũ tuariro jira”, nino: “Ahriro Jesu cjiro potocãta noariro jiri jimana”, niha surara pũhtoro.

⁴⁸ Æ jia ti wajãchũ ñũa tarina Jesu to yariachũ ñũa, ti wũhũsepũ tjuaa wahaha. Tjuaa waha, ti ñaa yoarire cahyaa mehne ti pẽbuhui cã õ wahcãha. ⁴⁹ Jipihtina Jesu yaina tiro mehne

macaina, Galileap_u tiro mehne tari numia cãh_u
Jesure yoarop_u ñ_urocarucua niha.

*Jesu pjac_ure masa copap_u na sãa duhu payoha
(Mt 27.57-61; Mr 15.42-47; Jn 19.38-42)*

⁵⁰⁻⁵¹ Tí pjare José wama tiriro tói jiha. Judea yah-
pai jiri maca Arimatea wama tiri maca macariro
jiha. Tiro noariro, quihõno yoariro jiro, Cohamac_u
to p_uhtoro ji d_ucahtore cohtariro jiha. ã jiro
tiro judio masa p_uhtoa mehne macariro jiparota
Jesure ti wajã dutich_u cahmaeramaha tiro. ⁵² ã
jiro Pilato cahap_u s_u, Jesu pjac_ure siniha. ⁵³ Sini
tuhs_u, Jesu pjac_ure na boro, noari suhtiro mehne
to pjac_ure wahmaha. ã wahma tuhs_u, masa co-
pap_u tãcai ti sahari copap_u na sãa duhu payoha
to pjac_ure. Tí copare ne paina yariainare duhu
payoerasiniha mini. ⁵⁴ Tí dacho Sabado dacho
macaa cijhtire ti cahnoyuri dacho jiha. Sabado
judio masa ti sori n_um_u cijhto mahanocã d_uhsaha.

⁵⁵ ã jia Galileap_u Jesu mehne tari numia masa
copap_u José mehne wahaha. Masa copap_u s_u, tí
copare ñ_u, Jesu pjac_ure ti duhu payorire ñ_uha.
⁵⁶ Baharo ti w_uh_usep_u tjuaa waha, me sitia mehne
wisõa co mehne cahnoha tina. Tuhs_u, Sabado
jich_u Cohamac_u to dutiare Moise cijrore to cûri to
dutiriro seheta tina soha.

24

*Jesu masa wijaaha
(Mt 28.1-10; Mr 16.1-8; Jn 20.1-10)*

¹ Domingo jich_u bohrearop_u tí numia ti me
sitia ti cahnoyumarire Jesu masa copap_u na
wahcãmaha. ² Tí copap_u s_ua, tí copare bihari tãca

pjõo ti duhu cūri tãcare ñũa. ³ ã ñũa tina tí copapũ
 sãa wahaha. Jesu pjacũre bocaeraha tina. ⁴ To
 pjacũre bocaeraa, “¿Dohse wahapjũ?” ni tũhotuha
 tina. Ti ã ni tũhotu durucu coãno watoĩ pũaro
 mũa si sitea suhti tiina tina cahai ducuha. ⁵ Tói
 ti ducuchũ ñũ, numia cuia na tuhcuca caha sũa.
 Tuhsũ, mũa sehe tí numiare õ sehe ni yahuha:

—¿Dohseana yariariro to jirore cjirore tirore
 macajari mũsa? Mipũre tiro catiriro jira. ⁶ Tiro õre
 mariahna. Masa wijaa tuhsũhre. ¿Sohõ jiri pjare
 Galileapũ mũsa mehne jiro mũsare to niri cjirire
 wacũjari mũsa? ⁷ “Yũhũre Cohamacũ warocarirore
 paio warohca ñainare. To ã wari baharo yũhũre
 crusapũ cjã puha wajãahca tina. ã jicũ yũ yari-
 ari baharo tia dacho wahaboroi masa wijaaĩhca
 yũhũ”, ¿mũsare to nirire wacũjari mũsa? —niha
 mũa sehe.

⁸ Ti ã nichũ tũho, numia sehe Jesu to nirire
 wacũha. ⁹ Ti ã niri baharo tina tjuaa waha, once
 buheinare paina cũhũre tíre yahu pahõoha. ¹⁰ Tí
 numia sehe María Magdalena, Juana, María San-
 tiago pocoro jiha. Tí numia mehne paye numia
 cũhũ jiha Jesu buheinare yahua numia. ¹¹ Ti ã ni
 yahupachũta Jesu buheina sehe “Potocã nia nier-
 aca. Mahõopea nica ahri numia”, ni tũhotumaha.
 ã jia tí numiare tũho duaeraha.

¹² Ti ã nichũ tũhorro, Pedro sehe masa copapũ
 mũroca wahcã, ñũno wahaha. Tí copapũ sũ, tiro
 muhri caha, ñũroca sõha. Jesure ti wahmari
 suhtiro dihtare ñũa. “¿Dohse wahari na?” ni
 tũhotu, tiro wũhũpũ tjuaa wahaha.

Emau wama tiri macapũ wahari mahapũ Jesu

*bajuaha**(Mr 16.12-13)*

¹³ Tí dachoihta p̄h̄aro Jesu buheina mehne macaina Emau wama tiri macap̄u wahaa niha. Jerusalẽ once kilómetro yoaro jira Emaup̄u s̄uhto.

¹⁴ Emaup̄u wahaa, jipihtia Jerusalẽi tí pjare to ã waharire Jesure ti ñano yoarire durucu wahcãa niha. ¹⁵ Ti ã ni durucuro watoi Jesu sehe ti cahap̄u s̄u, tina mehne wahaha. ¹⁶ Tirore ñ̄upahta tina tirore “Jesu jira”, ni ñ̄u masieraha.

¹⁷ —¿Dohse ni cahya durucu wahcãana nijari m̄asa? —ni sinituha Jesu.

¹⁸ To ã nich̄u t̄ahoa tina cahyaro mehne s̄ur̄uca, Cleofa wama tiriro sehe Jesure õ sehe ni yahtiha:

—¿Mip̄ure Jerusalẽi tiniriro jipaihta m̄uh̄u dihta ti yoari cjirire masierajari? —ni sinituha tiro.

¹⁹ —¿Dohse wahari Jerusalẽi? —niha Jesu.

To ã nich̄u tina õ sehe ni yahtiha:

—Jesure Nazare macarirore ti yoarire nina nija. Tiro Cohamac̄u yare yahu m̄uhtariro jimahre. ã jia to durucurire t̄ahoa to yoari c̄uh̄are ñ̄u, “Turariro jira”, ni t̄ahotuhre masa. Cohamac̄u c̄uh̄u ãta ni t̄ahotuca. ²⁰ Mari sacerdotea p̄h̄toa, paina p̄h̄toa mehne tirore wajã dutia, painare wahre. Ti ã wach̄u paina sehe tirore crusap̄u cjã puha wajãhre. ²¹ “Roma macainare cohãhtiro Israe masa p̄h̄toro cjihto jira”, ni t̄ahotumahi sã tirore. Micha mehne tia dacho wahara tiro to yariari baharo. ²²⁻²³ Mahainacã numia sã mehne macaa numia sãre c̄uach̄u yoahre. Bohrearop̄u Jesu to masa copap̄u tí numia s̄u, to pjac̄ure bocaerayuhti. To pjac̄ure bocaeraa, tina tju wihi yahuhre. “Sãre

anjoa bajuahre. Jesu catiyuhti”, ni yahuhre numia sehe. ²⁴ Ti ã nichu paina sã mehne macaina tí coparu su, numia ti niriro seheta ñyuhti. Tina cãhu Jesure ñerayuhti —niha tina Jesure.

²⁵ Ti ã niri baharo Jesu õ sehe ni yahuha tinare:

—Musa ne tuho masiera cureina jira. ¿Cohamacu yare yahu mahtaina cjiri ti nirire noano tuhoerari musa? ²⁶ Cristore to puhtoro jihto pano manopu to mjahto pano tirore ñano yuhduro cahmare. ¿Tíre masierasinihari musa? —niha Jesu tinare.

²⁷ Æ nino Cohamacu Cristore to ni yahu ti joari cjirire Jesu yahu pahñonocaha tinare. Moise cjiro to joari cjirire Jesu yahu ducaha. Tuhsu, jipihina Cohamacu yare yahu mahtaina cjiri Cristore ti joari cãhure yahu pahñonocaha tiro.

²⁸ Tina ti wahari macaru ti sua cahachu, Jesu sehe tinare yuhdu wahcãno sehe yoaro nimaha.

²⁹ To ã yoapachuta tina tirore waha dutieraha:

—Sã mehne tjuaga. Ñamichaharu jira. Nahinopu nina —niha tina tirore.

Æ jiro Jesu tina mehne wuharu sãa wahaha.

³⁰ Wuharu sãa su, tiro tina mehne ti chari mesaru nuju su, pãore na, Cohamacure “Noana”, niha. Æ nino tí pãore nuha na, tinare waha. ³¹ To ã yoachu ñua tina Jesure ñu masiha. Ti ñu masi mari baharo tiro buti mua wahaha. ³² To ã buti mua wahachu ñua tina ti basi õ sehe ni durucuha:

—Mahai tiro marine to durucuro watoi Cohamacu to joari cjirire to yahuro watoi tuaro mari wacũ tuhotua mehne noano wahchea mehne tuhotuhi mari —niha tina ti basi.

³³ Æ ni tuhsu tina dóicãta Jerusalẽpu majare tjuaa wahaha tjoa. Tõpu sua, once buheinare paina

mehne cahmachuinare boca. ³⁴ ã ti sũchũ, once buheina õ sehe niha:

—Potocãta mari puhtoro masa wijaayuhti. Simo Pedro tirore ñũyuhti —niha once buheina.

³⁵ Ti ã nichũ puaro Emau macaina mahai Jesure ti ñũrire yahuha:

—Jesu to pãore to nuhachũ sã ñũ masihi tirore —ni yahu pahñoha tina painare.

Jesu to buheinare bajuaha

(Mt 28.16-20; Mr 16.14-18; Jn 20.19-23)

³⁶ Ti ã ni yahuro watoi ti cahai ji tuhsũha Jesu sehe.

—¿Jimajari mũsa? Noano jiga mũsa —niha tiro tinare.

³⁷ To ã nichũ tuhoa tina “Mari yariariro cjirore ñũna nija”, ni tuhotua, tuaro cuiha. ³⁸ Ti ã cuichũ ñũno tiro tinare õ sehe ni yahuha:

—¿Dohseana cuijari mũsa? ¿Dohseana “Ahri potocã jierara”, nijari mũsa? ³⁹ Yũ wamomacarine, yũ dahpori cũhũre ñũga. Mũsa yũhũre ñũna, ñũ masinahca. Yũhũre ñaha ñũga. Ñaha ñũna, masinahca mũsa. Yariariro cjiropũ pjacũ mariahna. Yũhũ sehe pjacũ tija —niha Jesu.

⁴⁰ ã nino to wamomacari cũhũre, to dahpori cũhũre ñoha tinare. ⁴¹ To ã ñopachũta tina tuaro wahche, cũaa waha, “Ahri potocã jieraca”, ni tuhotusinimaha. Ti ã tuhotuchũ masino Jesu tinare sinitu ñũha:

—¿Õi chũa jijari? —niha tiro.

⁴² To ã nichũ tuhoa wahi doharirore mi cũhũre waha tirore. ⁴³ Tĩre na, ti ñũrocaroi Jesu chũha.

⁴⁴ Chũ tuhsũ, Jesu yahuha tinare:

—Sohõ jiri pja m_{usa} mehne jic_u m_{usare} y_u yahuriro seheta mip_u y_uh_u ã wahahi. Cohamac_u dutia Moise cjiro marine to c_uri cjiri to ã ni joariro seheta y_uh_ure ã wahahre. Cohamac_u yare yahu m_uhtaina cjiri, Salmo joari tjure joaina c_uh_u panop_u y_uh_ure ti ni yahuriro seheta mip_ure y_uh_ure ã wahahre. Āta waharo cahmahre —niha Jesu.

⁴⁵ Ā ni tuhs_u Cohamac_u yare ti yahu joari cjirire to buheinare masich_u yoaha Jesu:

⁴⁶ —Cohamac_u yare ti joari cjiri õ sehe niha: “Cristore ñano y_uhd_uro cahmana. Ā jiro tia dacho wahaboroi to yariari baharo tiro masa wi-jaarohca. ⁴⁷ To masa wijaari baharo jipihtia yah-parip_u to yaina Cristo yare yahuahca. Masa ti ñaa yoarire ti cahyahti cjihtire, “Ñano yoaeraja” ni, ti t_uhotumarire ti cohtotahti cjihtire, Cohamac_ure ti cahmahti cjihtire, ti ñaa buhiri tiare to coh_uhti cjihtire yahuahca to yaina. Ā yahua taa, Jerusal_uõp_u yahu d_ucaahca”, niha Cohamac_u yare ti joari p_ui —niha Jesu.

⁴⁸ Ā ni tuhs_u õ sehe ni yahu namoha:

—M_{usa} sehe ahri jipihtiare ñ_urina jira. Ā jina painare yahunahca. ⁴⁹ Cohamac_u “Tirore m_{usare} warocaihtja”, to nirirore y_uh_u sehe m_{usare} warocaihtja. Ā jina Jerusal_uõp_u ahri m_uano macaa tuaa m_{usare} to wihitore cohtaga m_{usa} —niha Jesu to buheinare.

*Jesu m_uanop_u m_ujaa wahaha
(Mr 16.19-20)*

⁵⁰ Æ ni tuhsu Jesu tinare Jerusalēi jiiinare Betania cahapu naaha. Tópu su, Jesu to wamomacari mehne ñui muo, “Noano jiga”, niha tinare. ⁵¹ Æ ni tuhsu, tinare cū, manopu mujaa wahaha. ⁵² To mujari baharo tina tirore ño payo, Jerusalēpu turo wahchea mehne tjuaa wahaha. ⁵³ Tói jia, dachoripe tina Cohamacu wuhai Cohamacu mehne durucu, “Noana”, ni ño payoha tina tirore.

clix

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 21 Feb 2024 from source files
dated 29 Jan 2022
1f3a4366-edba-553b-a17f-bc47c9049c98